

LUKA

Kalε Wĩ a Ndε Ayekĩ Luka Tsελε Ke a

^I Ɔnokɔẽ Tiofilo, bati pii boa mbɔdi ayekĩ baapuli, betsele letsa nye letsa a kĩ leya ne boe kame a biyi. ^{II} Betsele letsa a kĩ bibi boe a, ndε ayekĩ binu bitomena bikĩ bemó fɔletsa kĩĩ bame kito anε kayɔkayi a, ade bide letsā ne foe akũ a. ^{III} Foesũ, Ɔnokɔẽ Tiofilo, ne ayekĩ yĩ mɔawe a ntsā fɔletsa kĩĩ flee kame kito kayɔkayi a sũ ni, nkɔna kĩ fɔnene kĩ matsεle fɔletsa a pεpεpε mma nɔ. ^{IV} Nkena fukĩ ayekĩ aanyi ɔnokɔali kale a ne fɔletsa a kĩ betsa nɔ a flee kame.

Bεkpa Kanyi Ne Yohanes Mui Ɔwolane Kama Akũ.

^V Ne lokɔ a kĩ Herodes kanya legā ne Yudea tite akũ a, Yudafo ɔsofo odi na kĩ bave Zakaria. Eto ɔsofo katsu a kĩ bave Abiya a kame. Ɔtsɔ dī nye Elizabet kĩ ye malo eto ɔsofo Aaron kasinu a kame. ^{VI} Ɔtsɔ mɔ ɔnyɔ kĩĩ dzi nkpā wĩ ne Baguma anε, ade bekadi ye tεbla mɔ nhihie akũ pεpεpε a. ^{VII} Bati kĩĩ táma obi odima kitonekĩ Elizabet nya oduko, ade bati nviā a leme de a.

^{VIII} Luwi a Zakaria kakena ye tɔsofo adzuma ne Yudafo afɔlie kabɔakɔ, kitonekĩ be katsu a akũ fuke. ^{IX} Ne be basɔfo adzuma kakena onukpɛ a, biwole ade foyake ne Zakaria akũ, kĩ enaate ɔnyɔ mɔ olẽ ekpa Baguma ne ye afɔlibɔ atenyε a akũ. Foesũ ewo enaa Yudafo afɔlie kabɔakɔ a.

X Loko a kī ekate onyo a, bati nkaε a ko ne kanya bekaɓoɓa mpaε.

XI Boe Olate ode foto onyane odi nye ye akū etsa ye ne onyo katekō a somona semake. XII Kī Zakaria mó ye a, εɓoɓa obili ade libe wo ye paa a. XIII Leme Baguma ode foto onyane a bi ye kī, “Zakaria, tavila! Baguma nu nɔ mpaεɓo, nɔ ɔtsō Elizabet aama obinyole ekpa nɔ. Aate ye dī kī Yohanes. XIV Kawole aade nɔ paa, ade ayea kawole aade bati pii leme nte bema ye a. XV Yaanya oti kpale ne Baguma anε. Ketáne kī yamɔa waī iye bave mɔ ɔsī. Ade kito ye kama kame ni, Hūhū Kpalewa aate ye kame. XVI Ade ye aanya oti kī yaamunikimɔ Israelfo bati pii eyamena ne be Olate Baguma a sekē a. XVII Yaanya boe Olate kaya a loto ena hūhū mɔ kɔbē nde ayekī Baguma Onukpē Onyene Eliya na a. Yaalola babi mɔ balega kayite. Yaadani bikī bideī ato ɔsī bena adzuni nde bikī bakena tuwī. Fukī aafō boe Olate bati lena ne kukūmane kame beka ye.”

XVIII Ade Zakaria via ode foto onyane a kī, “Nde maakena ĩnyi kī fukī aaya ne foe kame? Kitonekī nde, ade yī ɔtsō leme de a.”

XIX Baguma foto onyane a kpa mbuaye kī, “Yī nye Gabriel kī madza ne Baguma anε. Ade ye lido yī kī ĩyaabi nɔ ɔledo wī kī a. XX Leme ɔtáte yī ɔledo odo, kī yaaya ne foe kame ne loko a kī Baguma hihie eyi a. Ne foesū aato lumumu, ɔláapuli ɔle kɔdzela kennaawo luwi a kī foletsa a kī nle ĩyi kī a aaya ne foe kame.”

XXI Ne loko a kame a, bati a kī bena ne kanya bekadzole Zakaria kena saa, ade bekabu lolɔ

kame ne letsa a sũ kĩ ebuna owi beblebee ne afolie kabɔakɔ̃ a. **XXII** Kĩ Zakaria ne eya a, etábuki epuli ele kodzela mo be. Foesũ bemó biyi osũ kĩ emɔ kanyekatsa kadi ne afolie kabɔakɔ̃ a. Kĩ eto lumumu sũ ni awe ekɔa ekakena nsentseleni katsa be.

XXIII Kĩ Zakaria yua ye adzuma ne Yudafɔ afolie kabɔakɔ̃ a, edzakũ enaa ɔto. **XXIV** Ke liti a, Elizabet yatsãmo kɔma ade etábuki ene kanya a. Ekɔla ye akũ tideto elo flee. **XXV** Adeke Elizabet le kĩ, “Finyaakĩ ni, Baguma bumɔ yĩ ade enye yĩ kɔnyɔã ne bati ane a.”

Bele Yesu Kama Biyi.

XXVI Ne tideto evũ liti a, Baguma do ye ode fɔto onyane Gabriel enaa Galilea ɔmato odi kĩ bave Nazaret kame. **XXVII** Ode fɔto onyane kĩ kɔa ɔledo ema oyitsɔ̃ kĩ bitinya bekpa onyole kĩ bave Yosef, kĩ enye Legã Dawid kasinu a kame obi. Oyitsɔ̃ a dī nye Maria. **XXVIII** Ode fɔto onyane a ya ne Maria sekẽ ade ebi ye kĩ, “Oyitsɔ̃, mawɔna nɔ ne lukudo kame! Nɔ oti kĩ bemó kɔnya, boe ɔlate tomo nɔ!”

XXIX Ode fɔto onyane ɔledo a fĩ Maria kena basaa, ade evia ye akũ kĩ, “Litsa kawɔna ne awĩ a?” **XXX** Ade ode fɔto onyane a bi ye kĩ, “Maria, tavila. Baguma mó nɔ kɔnya. **XXXI** Aatsãmo kɔma ɔma obinyole, lokɔa aate ye dī kĩ Yesu. **XXXII** Yaate dī paa kĩ bati aave ye kĩ Baguma Ne Ode Flee Obi. Boe ɔlate aadzina ye legã nde ɔwanyɔ Dawid aye. **XXXIII** Ade yaanya legã ne Yakob babi mo bawa akũ daa a. Ye legākanyakɔ̃ a leláawũna dadaada.”

XXXIV Awã naa Maria bi Baguma ode foto onyane a kã, “Nde fukĩ aapuli foya ne foe kame ne loko kã ñnyina onyole a?”

XXXV Ade ke ode foto onyane a bi ye kã, “Hũhũ Kpalɛwa ayako ne no akũ ade Baguma kobẽ aate no kame a. Foesũ obi kpalɛwa a kã aama a ni, baave ye kã Baguma Obinyole. XXXVI Mawe kã kai no akũ oti kã bave Elizabet. Bati ale kã eláama, leme finyaakĩ etsẽmo koma. Edeĩ ne odeto ovũde kame, tito kã ede posoposo malo. XXXVII Kitonekĩ letsama leláa kã Baguma leláapuli ekena.”

XXXVIII Ade Maria bi ye kã, “Dã, boe ɔlate ɔsumune mane. Foya ne foe kame fokpa yĩ nde ayekĩ ɔle a.” Ade ode foto onyane a dzakũ efone ye a.

Maria Nasɛla Elizabet.

XXXIX-XL Ne fuwi a na kame a, Maria mane akũ, ewe sowa enaa Zakaria awã ne Yudea ɔmato odi kã edeĩ ne toto kame, ade enawõna Elizabet a. XLI Kã Elizabet nu Maria kawõna a, ye obi ne seme kame a kuna akũ, ade Hũhũ Kpalɛwa a te Elizabet kame a. XLII Ade awã na eboa fowola kooɓa ele kã, “Bihila no ne batsole flee kame, ade bihila no seme kame obi a leme a! XLIII Yĩ nye oweĩ kã boe ɔlate oma ya kã yayaawõna yĩ? XLIV Loko a kã nsila nnu no kawõna pe, obi ne yĩ seme kame a kuna akũ mo kawole. XLV Bihila no paa kitonekĩ ɔte odo kã Baguma ɔledo a kã ele ne no akũ a aaya ne foe kame.”

Maria Sã Kamu ɔno.

XLVI Awã naa Maria le kã, “Yĩ ɔwole amu Baguma.

- XLVII Ade kawɔle ade yĩ hũhũ a, ne Baguma
yĩ ɔtene a sũ,
- XLVIII kitonekĩ ete ane ne,
yĩ ye ɔsumune kĩ enyé letsama akũ.
Kito finyaa kanaa ni, babi mo bawa flee aave yĩ
oti kĩ bihila ye,
- XLIX kitonekĩ Baguma Otumifo kena fɔtsa
kpale ekpa yĩ.
Ye dī akũ kpale.
- L Ye konyakamo waa,
kekpa babi mo bawa kĩ bavila ye a.
- LI Ekena fɔtsa kpale,
ade eyale bati a kĩ bedela be akũ ne ode mo
be kakona flee a.
- LII Edzela fogã kĩ fudeĩ kobẽ ne be fogãkpo akũ,
ade edela bikĩ bedola be akũ a ne ode a.
- LIII Ekpa bikĩ kole ako be a fɔtsa wĩ pii,
ade efɔ bikĩ bideĩ akũ a dzakũ mo awe
pupulidza a.
- LIV-LV Ete ane ne letsa a
kĩ ele eyi ekpa boe bawanyo a akũ,
ade eyaabumo ye ɔsumune Israel a.
Ete ane, emo Abraham konya,
mo ye babi mo bawa kito finyaa flee kanaa!”
- LVI Maria dzi ne Elizabet sekẽ nde tideto elale
fomo emuniki enaa ɔto.

Bema Yohanes Mui Dwolane a.

- LVII Kĩ Elizabet aama a, ema obinyole. LVIII Ye
akũ bati mo banune flee nu ayekĩ Baguma kena
seme kale ekpa ye, foesũ be flee bemó kawɔle
paa mo ye.
- LIX Kĩ akokoa a te fuwi elẽ a, ye akũ bati ya kĩ
batsua ye lekpati, ade bewe kĩ bakoa ye olega dī

Zakaria bite ye a. ^{LX} Leme oma tátuno mo be, ade ebi be kī, “Ye dī aanya Yohanes.”

^{LXI} Ade awā mo bibi ye kī, “Odima táto no kola kame kī yanya dī a na.”

^{LXII} Ne foesū bekōa awe bekena nsentseleni bivia olega kī etsa dī a kī ewe kī yate obi. ^{LXIII} Awā naa Zakaria via sileti ade etsese ete kī, “Ye dī nye Yohanes.” Fōkena be a flee saa. ^{LXIV} Deedimōape Zakaria buki edo kōdzela kale awe ade emu Baguma a. ^{LXV} Libe wo ye banune a flee ade fōletsa kī gba ne temato a kī tideī ne Yudea tōto kame a flee a. ^{LXVI} Fōletsa kī kpa bati a kī binu foe a lolō kame kabu, ade bivia be akū kī, “Litsa odu obisē kī aadani ekena?” Bivia foe kitonekī fowaa yedede kī Baguma kōbē tomo ye.

Zakaria Le Baguma Fōletsa Eyi.

^{LXVII} Hūhū Kpalēwa te obisē a olega Zakaria kame ade ele Baguma fōletsa eyi kī,

^{LXVIII} “Mifō bumu boe Olate, Israel Baguma, kitonekī eyabumo ye kade bati, ade enye be ne tokpa kame a.

^{LXIX} Ekpa boe Otene kī edeī kōbē, oti kī enye ye osumune Legā Dawid kasinu a kame obi.

^{LXX} Ne ayekī ele eyi ane kōkōe etsāmena ye onukpē banyene kpalēwa a akū,

^{LXXI} kī yaanye boe etomena bikī bapi boe osumbo mo boe bakesīne flee awe kame.

^{LXXII} Ele kī yaamo boe bawanyo kōnya, ade ete ane ne ye nhihie kpalēwa a kī ekena eyi a akū a.

^{LXXIII-LXXIV} Yaakena ne fubo a kī elo ekpa boe owanyo Abraham,

kĩ yaanyε boe etomena boe bakesĩne awe
kame a akũ,
ayekĩ bóapuli busum Baguma ne katavila
kame,

LXXV boe akũ lekpalε, budzi kadzi wĩ ne ye anε,
ne boe nkpã fuwi flee kame.

LXXVI Nɔ, yĩ obi, bati aave nɔ Baguma Ne Ode Flee
Onukpẽ Jnyεne.

Ade nɔ aanya boe ɔlate lotɔ lokɔa ɔlɔla osi
ɔkpa ye kaya a.

LXXVII Aabi ye bati kĩ baana kate
ne be titikpa kakɔakate kame.

LXXVIII Boe Baguma deĩ seme kale mo ɔwole boεε,
foesũ yaafɔ kate ɔhaĩ a lide εkpa boe.

LXXIX Yaafɔ ɔhaĩ kĩĩ leyako ne bati a kĩ bideĩ ne
ɔtũ kame,

mo bikĩ bideĩ ne wuda kuyo kame a akũ,
lokɔa εkpã boe etsãmena lukudo osi akũ.”

LXXX Obisẽ a bo anε ne sukena mo hũhũ kame.
Edzi ne kɔsa kame, kenawo luwi a kĩ enye ye akũ
etsa Israel kanade a.

II

Yesu Kama.

I Ne lokɔ a na kame a, Legãnokoẽ Kaisare
Augusto si mbla kĩ bekã, betsele bati flee a
kĩ bideĩ ne Roma legãkanyakɔ tite akũ a buĩ.

II Ne bati buĩ katsele katonyade kĩĩ kame a, abãã
ɔnokoẽ kĩ bave Kirenio lenya Siria tite akũ. III Ne
mbla a sũ odi nye odi naa ye ɔto kĩ yanaatsese dĩ.

IV Ade ke Yosef to Nazaret ɔmato ne Galilea
εnaa Betlehem ɔmato ne Yudea tite akũ, awã kĩ
bema Legã Dawid leme a. Yosef naa awã kitonekĩ

enya Legã Dawid kasinu a kame obi. ^V Bemo Maria kī bitinya bekpa ye a kī etsẽmo koma leme a lenaa kī banaatsẽle buĩ. ^{VI} Kī bena ne Betlehem a, loko wo oto kī Maria ama. ^{VII} Ema ye obinyole otonyade, ade esuli obi a edo ne fumakũ kame, ekoa ewola ne letsa a kī de kame bayae anya a kame, kitonekĩ betána kawakõ kadima ne banovoẽ kasekõ a.

Ode Foto Banyane Yabi Baveli Bakpãne Foletsa Wĩ.

^{VIII} Baveli bakpãne badi na ne tite a kako kadi lenye a flee bekadã be bayae akũ. ^{IX} Deedimape ode foto onyane odi ne eta ne be kayite ade Baguma kukũkpale ko ne be akũ a. Ne foesũ bivila paa, ^X leme ode foto onyane a bi be kī, “Mitavila! Mma mi foletsa wĩ kī foyamena kawole mo lukudo pii fokpa bati flee. ^{XI} Ne nviã luwi kī akũ, bema Otene kī enye boe Olate Kristo bekpa mi ne Legã Dawid omato a kame. ^{XII} Letsa a kī miakoa mimó miyi osũ nye kī miãmo waawa a kī busuli ye bido ne fumakũ kame ewaa ne bayae kanyakõ.”

^{XIII} Deedimape ode foto banyane kodza baũ kudi to ode koka koyabumo otonyade a, ade be a flee bekamu Baguma mo kawole kī,

^{XIV} “Obu mo kamu kekpa Baguma ne ode flefle, loko lukudo litomena katinya kame bati flee a kī Baguma awe a!”

^{XV} Kī ode foto banyane a dzakũ ne be sekẽ bedani benaa ode a, baveli bakpãne a bi be akũ kī, “Mifõ bonaa Betlehem bonaadã letsa a kī leya a kī boe Olate bi boe a.”

XVI Ade bεwε sowa benaa benamɔ Maria, Yosef mɔ waawa a kī εwaa ne bayae kanyakɔ̃ a. **XVII** Kī bemó ye a, beɛ fɔletsɔ a flee kī Baguma ode fɔtɔ ɔnyane a bi be ne obisē a akū. **XVIII** Bati flee a kī binu baveli bakpāne fɔletsɔ a kena saa. **XIX** Leme Maria pi fɔletsɔ kī flee edo ne lolɔ kame, ekakɔna foe akū dzununuunu. **XX** Baveli bakpāne a muniki benaa mɔ Baguma kamu ne fɔletsɔ flee a kī binu, bemó leme a akū, kitonekī foe flee fɔya pεpεpε nde ayekī ode fɔtɔ ɔnyane a bi be a.

Bite Waawa a Di.

XXI Ne luwi lelēde akū kī batsua obisē a lekpati a, bite ye dī kī Yesu nde ayekī ode fɔtɔ ɔnyane a le eyi fɔmɔ beyatsāmɔ ye kɔma a.

Bekɔa Yesu Benamena Yudafɔ Afɔlie Kabɔakɔ̃.

XXII Lokɔ wo ɔtɔ kī Yosef mɔ Maria bekena akū kakpale yedede amanie nde ayekī Mose mbla tsa a. Foesū bekɔa waawa a benamena Yerusalem kī banaakɔa ye bido ne boe ɔlate awe, **XXIII** nde ayekī betsele bido ne boe ɔlate mbla ovoli a kame kī, “Obinyole ɔtonyade odi nye odi ni kene kī benye ye biyi bekpa boe ɔlate.” **XXIV** Ade benaa benakena afɔlibɔ fɔtsa a ne boe ɔlate mbla a onukpē kī bekɔa mblɔduma nviā iye fɔblɔblɔm nviā bebɔa afɔlie bekpa ye.

XXV Ne lokɔ a na kame a, onyole odi kī have Simeon dzi ne Yerusalem. Enye oti wī kī yavila Baguma ade edzi ekadā osi kakpa Israel kate a. Hūhū Kpalewa deī ne ye kame, **XXVI** ade enye etsa ye leme kī eláaku kenaawo lokɔ a kī emɔ boe ɔlate, Kristo a kī beɛ biyi a. **XXVII** Ade

ke Hũhũ a kpã Simeon εναμενα Yudafɔ Asoli Kɔla kame a. Kĩ bamanε a kɔa waawa Yesu a beyamεna kĩ bayaakεna amanie ne mbla a onukpẽ a, **XXVIII** Simeon te waawa a ελε ne awe, ade enye Baguma kɔle kĩ,

XXIX “Boe ɔlate, finyaa, ɔkena ne nɔ kale onukpẽ akũ,
aapulɔ ɔnye yĩ, nɔ ɔsumune, osi nnaa ne lukudɔ kame.

XXX Yĩ mɔawe banebi mɔ ɔtene a,

XXXI kĩ ɔkɔa ɔma bati flee a.

XXXII Enye ɔhaĩ a kĩ yaanye nɔ fɔwetsa etsa bikĩ benyε Yudafɔ,
ade yaanya obu fɔtsa ekpa nɔ bati Israelfɔ a.”

XXXIII Fɔlets a kĩ Simeon le ne obisẽ a akũ kεna Yosef mɔ Maria saa. **XXXIV** Simeon hila be ade ebi Maria kĩ, “Baguma nye obisẽ kĩ kĩ fɔtsã ye akũ Israelfɔ pii bεna kate ãye kawɔ. Yaanya nsentseleni kĩ eto Baguma sekẽ ade bati pii aayidza bedza ne ye akũ a. **XXXV** Ade yaanye bati kakɔna a kĩ bekɔa bekɔla a kanya a. Fɔtsẽ fukĩ akũ sũ ni, aate kalɔe nde ayekĩ lepame atsɔe nɔ du.”

XXXVI-XXXVII Otsolenɔkɔẽ odi kĩ enya Baguma onukpẽ ɔnyεne na ne awã, enye okunawa kĩ bave Hana. ɔlega nye Fanuel kĩ eto Aser kasinu kame. Futeli evũkɔnɔ pe edzi kɔnyɔ fɔmɔ ɔnyɔ ku, ade finyaakĩ e te futeli aduewɔtsi-εna. Yudafɔ afɔlie kabɔakɔ a ekana lɔkɔ nye lɔkɔ, ekasum Baguma lenye mɔ suwa, ade ekasui onukpẽ, kabɔa mpae lemε a. **XXXVIII** Ne lɔkɔ a na kame pεpεpε ye malo εyawo awã ade enye Baguma kɔle, εle fɔlets a ne

obisẽ a akũ ekpa bati flee a kĩ bidzi badã Baguma ane kĩ yaanye Yerusalem a.

Bimuniki Bena Nazaret.

XXXIX Kĩ Yosef mo Maria yua be amanie kakena nde ayekĩ boe Olate mbla tsa a, bimuniki bena be oto Nazaret ne Galilea tite akũ. XL Obisẽ a bo ane, ena akũ osĩ, ade enyi kadi paa a. Baguma nhila leme tomo ye.

Yesu Naa Yudafo Asoli Kola Kame.

XLI Kateli nye kateli, Yesu bamane kanaa Yerusalem kanaanya luwi kĩ bave Wuda Katẽ Luwi. XLII Kĩ Yesu te futeli ewua-nviã a, bibuki bena luwi a kanyakõ nde ayekĩ bekakena kokoe a. XLIII Kĩ luwi a kanya wũna a, bimuniki banaa oto, leme Yesu kõ kaho ne liti ne Yerusalem ne ye bamane katanyi kame. XLIV Bibu kĩ ena ne bati kame, foesũ betsã luwi moa flee fomõ bido ye kawe awe ne ye akũ bati mo bakoba kame. XLV Kĩ betãmo ye sũ ni, bimuniki bena Yerusalem bene betsẽ bawe ye. XLVI Ne luwi lelade a benamo ye ne Yudafo Asoli Kola kame a kĩ ye mo Yudafo mbla batsane badi bidzi, ekatse be foletsa a kĩ bekale, ade ekavia be foletsa ne foe akũ a. XLVII Be flee a kĩ binu ye foletsa kame karpale a, kena saa ne kadi kanyi baũ odu a kĩ ekõa ekpa mbuaye a. XLVIII Kĩ ye bamane mo ye a, akũ yela be, ade oma via ye kĩ, “Obi, litsa sũ okena boe fukĩ odu? Bomo aga flee bokõa koneyoole botsã bowe no.”

XLIX Ade Yesu kpa mbuaye kĩ, “Nde sũ mitsã miwe yĩ? Minyĩna kĩ yĩ Olega awa kene kĩ nna mbõee?” L Leme betãnu letsa a kĩ de ebi be a kayõ.

LI Yesu tomo be bedzakū benaa Nazaret, ade edola ye akū ekpa be a. Oma kōa fōletsā kī flee edo ne ɔwōle kame dzununuunu. LII Ade Yesu bo ane ne sukena mo kadikanyi kame, ade Baguma mo bati flee mo kawōle ne ye akū a.

III

Yohanes Mui ɔwōlane a De Letsā Ne Kale Wī a Akū.

I Ne Legānokōē Kaisare Tiberio legākanya kateli kawualode kame a, Pontio Pilato nya abāā ɔnokōē ne Yudea tite akū. Ne loko a na kame a, Herodes lenya Galilea tite akū, ade ɔwaē Filipino nyá Iturea mo Trakoniti tite akū a. Lisania nya Abilene tite akū. II Hana mo Kayafa leme nya Yudafō basofonokōē flefle a. Ade loko a na kame leme mo Baguma ɔledo ya ekpa Yohanes kī enye Zakaria obi a kī ena ne kōsa kame a. III Foesū Yohanes tsā emini ne Yordan ɔwo abuī mo ye fuyite a ekade letsā kī, “Midani mi towōle kame loko a mite mui kawōla amaniē ayekī Baguma aakōa mi tokpa ete mi.” IV Ade aye betsele ne Baguma Onukpē ɔnyene Yesaya ovoli a kame kī, “Oti odi tsē yabōa fōwōla ne kōsa kame kale kī, ‘Milola osi mikpa boe ɔlate kaya.

Mikena osi kpī miyi ye.

V Miyula foko a kī fōpele pele fuwo a, ade mibubuli toto mo kotobii a flee fotee a. Miyo tisi balibaliwa a,

ade mitēetē foko a kī fude fute a.

VI Katinya kame bati flee aamo ɔtone a kī Baguma do a! ”

VII Bati kodabu kodabu pii ya ne Yohanes sekē kī ekena be mui kawōla amaniē, ade ebi be

kĩ, “Mi bati kĩ mila nde boe kpa! Owei lekpa mi kode kĩ miapuli milo ne soto kavele a kĩ Baguma aayamena a kame? VIII Minye mitsa ne mi fotsakelawa kame bemo kĩ midani towole kame. Ade mitakale kĩ minye Abraham babi mo bawa su ni, Baguma lelavele mi soto. Kitoneki mabi mi kĩ Baguma aapuli ekoa boe kĩ ekena babi mo bawa ekpa Abraham. IX Bike kasoa kokoe ne futse tobole aku kĩ baatsua. Kutse nye kutse kĩ kowu babi wi ni, baakpeli koe beta bido ne fi luwotu kame.”

X Awã naa bati a via Yohanes kĩ, “Foesu litsa kene kĩ bokena?”

XI Ade ke ekpa be mbuaye kĩ, “No a kĩ odei tetadie tiwo te nvia ni, koa amo kakpa odi kĩ elá adima. Ade ke no a kĩ odei funitsa ni se foe mo biki bidzi kole a.”

XII Togole batene badi malo ya kĩ ewola be mui, ade bivia ye kĩ, “Fotsa Otsane, litsa kene kĩ bokena?”

XIII Yohanes bi be kĩ, “Mitate ogole foba fuki abã tsua eyi kĩ mite a.”

XIV Sodzafõ badi leme yavia ye kĩ, “Boe malo litsa kene kĩ bokena?”

Yohanes bi be kĩ “Mitakoa kobẽ mite sika ne bati awe, ade mitatsua odima onukpẽ ne letsa a kĩ minyina kĩ etakena a aku. Mifõ mi kotokase kuwo mi ane.”

XV Ayeki bati ane tei ne boe Otene a kaya moatse aku su ni, bekakona kĩ osa Yohanes nye oti a kĩ badzole a. XVI Foesu Yohanes bi be kĩ, “Yi ko nkoa mui mawola mi mui, leme oti odi kĩ ebẽ yi aya ne liti. Nafeta kĩ manye ye mpabua ne ye aboa malo. Oti kĩ aakoa Hũhũ Kpalawa mo

fi ewola mi mui. ^{XVII} Enne ye kovela kī yaakoa ewe enye ye babi wī a lōkoa efila be eko ne oli kame. Leme yaapila afafa a ne fi kī folá kadi a kame!” ^{XVIII} Ade Yohanes tsā kōde tisi futefute pii akū ede letsā ne Kale Wī a akū kī bati bedani be kadzi kame a.

^{XIX} Yohanes kā abāā ɔnɔkɔẽ Herodes ane, kitonekī ete owaẽ ɔtsō kī bave Herodia ekɔã, ade Herodes kena fotsa kpa bebā pii leme a. ^{XX} Ade ebuki ekena ɔkpa kī tebẽ kolaa kī epi Yohanes edo ne abāā kola kame a.

Yohanes Wola Yesu Mui.

^{XXI} Kī Yohanes wola bati a flee mui eyua a, ewola Yesu leme mui. Ade loko a kī Yesu kaboa mpae a, odetó kame binya, ^{XXII} ade Hūhū Kpalawa ka nde mbloduma aye eyadzi ne ye akū a. Awā naa odo odi to ode ele kī, “Nɔ nyɛ yī obi kī maátunɔ kale. Kawole ade yī ne nɔ akū.”

Yesu Bawanyɔ Kasinu a Kame Bati.

^{XXIII} Yesu te nde futeli taale fomɔ eyi ye kanade adzuma kayɔ. Bati kona kī ɔlega nye Yosef.

Kī ye ɔlega nye Eli, ^{XXIV} Eli ɔlega nye Mata.

Mata ɔlega nye Levi, Levi ɔlega nye Melki.

Melki ɔlega nye Yanai, Yanai ɔlega nye Yosef.

^{XXV} Yosef ɔlega nye Matatia, Matatia ɔlega nye Amos.

Amos ɔlega nye Nahum, Nahum ɔlega nye Esli.

Esli ɔlega nye Nagae, ^{XXVI} Nagae ɔlega nye Mahat.

Mahat ɔlega nye Matatia, Matatia ɔlega nye Semei.

Semei ɔlega nye Yosek, Yosek ɔlega nye Yuda.

^{XXVII} Yuda ɔlega nye Yohanan, Yohanan ɔlega nye Resa.

Resa olega nye Zerubabel, Zerubabel olega nye Sealtiel.

Sealtiel olega nye Neri, [XXVIII](#) Neri olega nye Melki. Melki olega nye Adi, Adi olega nye Kosam.

Kosam olega nye Elmadam, Elmadam olega nye Er.

[XXXIX](#) Er olega nye Yosua, Yosua olega nye Eliezer. Eliezer olega nye Yorim, Yorim olega nye Matat. Matat olega nye Levi, [XXX](#) Levi olega nye Simeon. Simeon olega nye Yuda, Yuda olega nye Yosef.

Yosef olega nye Yonam, Yonam olega nye Eliakim. [XXXI](#) Eliakim olega nye Melea, Melea olega nye Mena.

Mena olega nye Matata, Matata olega nye Natan. Natan olega nye Dawid, [XXXII](#) Dawid olega nye Isai.

Isai olega nye Obed, Obed olega nye Boaz.

Boaz olega nye Salmon, Salmon olega nye Nahason.

[XXXIII](#) Nahason olega nye Aminadab, Aminadab olega nye Admin.

Admin olega nye Arni, Arni olega nye Ezron.

Ezron olega nye Perez, Perez olega nye Yuda.

[XXXIV](#) Yuda olega nye Yakob, Yakob olega nye Isak. Isak olega nye Abraham, Abraham olega nye Tara.

Tara olega nye Nahor, [XXXV](#) Nahor olega nye Seruk.

Seruk olega nye Regu, Regu olega nye Pelek.

Pelek olega nye Eber, Eber olega nye Sala.

[XXXVI](#) Sala olega nye Kainan, Kainan olega nye Arfaksad.

Arfaksad olega nye Sem, Sem olega nye Noa.

Noa ɔlega nye Lamek, XXXVII Lamek ɔlega nye Metusala.
 Metusala ɔlega nye Henok, Henok ɔlega nye Yared.
 Yared ɔlega nye Mahaleel, Mahaleel ɔlega nye Kainan.
 XXXVIII Kainan ɔlega nye Enok, Enok ɔlega nye Set.
 Set ɔlega nye Adam, ade Adam ɔlega nye Baguma a.

IV

Abonsam Só Yesu Edã.

^I Hũhũ Kpalɛwa a te Yesu kame flee ade edzakũ ne Yordan ɔwo a abuĩ a. Hũhũ a kpã ye enamɛna kɔsa kame, awã kĩ bati leláa. ^{II} Ade awã mo Abonsam so ye edã fuwi tena flee a. Ne fuwi a na kame flee a, Yesu tánya letsama foesũ kole kako ye mo ɔsĩ mo ɔsĩ.

^{III} Ade ke Abonsam bi ye kĩ, “Nte Baguma obi ane ni, kekõ bi de kĩ ledani lekɛna abodoo.”

^{IV} Lemɛ Yesu bi ye kĩ, “Oowo! Katsɛɛ Kpalɛwa a le kĩ nné funitsã odi sũ oti adzi nkpã.”

^V Ke liti a, Abonsam kpã ye enamɛna kako kadi ne ode, ade ne sinɛpo moa kabɔa kame ni, enye katinya kame mo ke fogãtsa a flee etsa Yesu.

^{VI} Ebi Yesu kĩ, “Maakɔa katinya kame kobẽ kĩ mo ke kobẽ mo anunyam flee nkpã no, kitonekĩ bekɔa foe flee bido ne yĩ awɛ, ade ke maapuli nkɔa foe nte owula a kĩ mawɛ a. ^{VII} Foesũ fɔtsa kĩ flee aanya no fude nte okɛna akũ okpa yĩ.”

^{VIII} Yesu bi ye kĩ, “Katsɛɛ Kpalɛwa a le kĩ, ‘No ɔlate Baguma odi kɛnɛ kĩ akɛna no akũ okpa lokɔa osum ye lemɛ.’ ”

IX Ke liti a, Abonsam kpã Yesu enamena Yerusalem ne Yudafɔ Asɔli Kola a ode flee, ade ebi ye kī, “Nte Baguma obi ane ni, kekɔ vɛnya kaka kanaadza ne tite. X Kitonekī Katsɛle Kpalɛwa a lɛ kī,

‘Baguma aakpa ye ode foto banyane
ɔlɛdo ne nɔ akū,

XI kī baakaɛ nɔ ne be awe kame,
ayekī nɔ abɔa lɛlɛasãmɔ de.’ ”

XII Yesu kpa mbuaye kī, “Katsɛle Kpalɛwa a lɛmɛ lɛ kī, ‘Tasɔ boe ɔlate nɔ Baguma a ɔdã.’ ”

” XIII Kī Abonsam yua Yesu kasɔkadã ne osi nye osi akū a, efɔne ye awe edzakū tɔ kenaawo lɔkɔ bebã kī yaana osi.

Yesu Yi Ye Adzuma Kayɔ Ne Galilea Tite Akū.

XIV Hūhū Kpalɛwa a tɛ Yesu kame ade emuniki enaa Galilea tite akū a. Ye dī gba ne kame kame ne awã flee. XV Etsa fɔtsa ne Yudafɔ fɔtsenakɔ a, ade odi nye odi mu ye fɔtsa katsa a.

Bisī Yesu Ne Nazaret.

XVI Ke liti a, Yesu naa Nazaret awã kī bɛdɔla ye a. Ne Kawɛya Luwi akū a, enaa Yudafɔ katsenakɔ ndɛ ayekī yawɛ kakɛna a. Eyidza edza kī yakã Katsɛle Kpalɛwa a kame fɔlɛtsa, XVII ade bɛkɔa Baguma Onukpɛ ɔnyɛnɛ Yesaya ovoli a bɛkpa ye a. Ebinya ovoli a ne awã kī bɛtsɛle kī,

XVIII “Boe ɔlate Hūhū a tɛ yī kame flee,

kitonekī epau yī,

kī nɛ Kalɛ Wī a ntsa ahiãfɔ.

Ade edo yī kī ndɛ letsã kī bikī bideī ne awoba
kame

aana be akū akū kadzi,

kĩ banekune aamo foko,
bikĩ bideĩ ne ohau mo lubo kamo kame a, aana
kaweya.

XXIX Ade nkpa kanyi kĩ loko a kĩ Baguma aamo
ye bati konya a wo oto.”

XX Yesu sua ovoli a emunikimo ye ekpa fotsa
akũ odāmenane a, ade ekena akũ edzi a. Bati
a flee ke ane ne ye akũ, bekadā ye kenanaana.

XXI Ade ebi be kĩ, “Katsela Kpalewa foletsa a kĩ
minu kĩ nkā kĩ a, ya ne foe kame nviā kĩ ne mi
moawe ane kame.”

XXII Bati a flee kĩ bena ne awā a mu ye paa mo
ye kodzela kale, ade ye konyakamo foletsa a kena
be saa leme a. Ade bivia be akũ kĩ, “Mbese nne
Yosef obi a ne awi a?”

XXIII Ade Yesu bi be kĩ, “Nti inyina kĩ miaboa
yi legbā kĩ kĩ, ‘Owane tsa no akũ,’ ade miabi yi
leme kĩ, ‘Fotsa a kĩ bunu kĩ okena ne Kapernaum
a ni, kena foe odu ne no moawe omato leme.’ ”

XXIV Yesu buki ele kĩ, “Leme mabi mi kĩ Baguma
onukpē onyene odima late di wi ne ye moawe
omato. **XXV** Fonye onokoli kĩ bakunawa pii na ne
Israel tite akũ ne loko a kĩ Eliya dzi nkpa a, kĩ oni
fo kako futeli elale mo seke, ade kole mo osi mo
osi ya ne tite a na akũ a. **XXVI** Leme Baguma tado
Eliya ne Israelfo bakunawa a kame odima sekē.
Mbom okunawa odi kĩ ena ne Zarepta omato kĩ
edeĩ ne Sidon tite akũ a sekē edo ye. **XXVII** Bati
pii leme kaso foso ngbā ne Israel, ne Baguma
Onukpē onyene Elisa loko, leme betātsa be kame
odima, keba Naeman kĩ eto Siria tite akũ.”

XXVIII Kĩ bati a kĩ bena ne katsenakō a nu fukĩ
a bena kalokpa paa. **XXIX** Ade ke beta biyidza bipi

Yesu bevele, bidu ye benemena ne omato a kame a. Bekpã ye benamena oto a kī ye akū bitsua omato a kalete ne kako pelepere a, mo kakona kī badu ye enaato ne kayo, ^{XXX} leme Yesu tsã bati a kayite edzakū.

Yesu Blomena Hūhū Kpa Ne Odi Kame.

^{XXXI} Ke liti a, Yesu dzakū enaa Kapernaum omato kame ne Galilea tite akū, ade ekatsa bati fotsa ne Kaweya Fuwi akū a. ^{XXXII} Ye fotsa katsa kena bati a saa, kitonekī kobē na ne ye kodzela kale kame. ^{XXXIII} Luwi a, odi kī hūhū kpa na ne ye kame na ne Yudafɔ katsenakō a, ade eboɔ fowola koɔba ele kī, ^{XXXIV} “Ao! Yesu Nazaretni, litsa akamo boe? Oya kī ayaawola boe mboe? Ìnyina owula a kī ye ane. No nye Baguma Oti Kpalɛwa Kī Bido a!”

^{XXXV} Awã naa, Yesu do hūhū a onukpē kī, “Tse kodzela kaɛ ne oti a kame!” Hūhū a boe oti a emuni ne tite ne bati a ane kame na, ene ne ye kame, ade letsama tákena ye a.

^{XXXVI} Fotsa a kena bati a flee wāwā ade bivia be akū kī, “Litsa foletsɔ odu ne awī a? Oti kī deī otumi mo kobē yawūni ne hūhū kpa akū ade batse a.” ^{XXXVII} Yesu akū foletsɔ kī gba ne kayite a na flee.

Yesu Tsa Bati Pii.

^{XXXVIII} Yesu to Yudafɔ katsenakō a enaa Simon awã. Loko a na Simon nyina waa yaso atilili mo osī, foesū bekpa Yesu kanyi kī eyaadā ye. ^{XXXIX} Ade ke Yesu nadza ne ye mpa owē, ewūni ne foso a akū, ade fone ne ye kame eyidza moatse ekena fodetsa ekpa be a. ^{XL} Kī foko ka a, bati

kpã be bakɔba a kɔ basɔ fɔsɔ kumekume a bema Yesu. Ete awe ne be kame odi nye odi akũ etsa be flee. **XLI** Hũhũ kpa né ne bati pii kame mo fɔwɔla kabɔa kɔ, “Nɔ nye Baguma obi a!” Leme Yesu bɔa hũhũ kpa a onukpẽ ade etákpa be osi kɔ bele kɔdzela kitonekɔ binyina kɔ ye nye Kristo a.

Yesu Tsa Fɔtsa Ne Yudafɔ Fɔtsenakɔ.

XLII Odenyinawi a, Yesu dzakũ ne ɔmato a kame enaa kako dɔi kadi, ade bati a do ye kawɛ awe a. Kɔ bemó ye a bike ye aduli kɔ etadzakũ ne be sekẽ. **XLIII** Leme ebi be kɔ, “Kene kɔ nnaale Kale Wɔ a ne Baguma legãkanyakɔ akũ a ne temato bebã leme kame, kitonekɔ ade foe Baguma do yɔ kɔ ãyaakena a.”

XLIV Foesũ ekale Baguma kale a ne Yudafɔ fɔtsenakɔ a ne tite a na akũ flee.

V

Yesu Vɛ Ye Fɔtsa Bakɔlene Batɔnyade a.

I Luwi a, kɔ Yesu dza ne Genezaret ɔwɔ lutubu baũ a abuĩ a, bati kapili kɔ bafuã ye bitse Baguma fɔletsɔ a. **II** Yesu mó tɔkɔlɔ nviã ne lutubu a abuĩ ade kɔfɔabi banyene a né belamena be tesau kavɔle a. **III** Yesu wo ne ɔkɔlɔ a kɔ enya Simon ode a kame ebi ye kɔ edu ɔkɔlɔ a enamena mui anɛ sukuloo. Ekena akũ edzi ne ye kame etsa bati a fɔtsa.

IV Kɔ Yesu tsa fɔtsa eyua a, ebi Simon kɔ, “Ta ɔkɔlɔ a kanamena awã kɔ kidzũ, lɔkɔa mimɔ nɔ babumenane mita mi tesau minye kɔfɔabi.”

V Ade Simon kpa mbuaye kɔ, “Ɔnokɔẽ, bɔkena adzuma mo ɔsɔ mo ɔsɔ kadzo lenye flee leme

botána letsama. Leme nte ole lomɔ ni maafɔ́ bota tesau a.” ^{VI} Kĩ beta tesau a benye kɔfɔabi beblebee kĩ fɔfɔ be tesau a do kakpeli awe. ^{VII} Foesũ bebɔa awe beve be bakɔba ne ɔkɔlo oyade a kame kĩ beyaabumɔ be. Beya beyanye kɔfɔabi biyula tɔkɔlo nviã a tiyi limii kĩ tido kayela awe.

^{VIII} Kĩ Simon Petro mɔ letsa a kĩ leya a, eke aduli ne Yesu ane kame ebi ye kĩ, “Boe ɔlate, ne liti ne yĩ ɔwẽ, kitonekĩ tɔkpa ɔkenane mane.” ^{IX} Simon mɔ ye bade a kena saa ne kɔfɔabi beblebee a kĩ benye a sũ. ^X Ade ayea fɔkena ye adzuma bakɔba Yakobo mɔ Yohanes kĩ benye Zebedeo babi a leme wãwã a.

Ade Yesu bi Simon kĩ, “Tavila. Kito finyaakĩ kanaa ni, bati aakanye.” ^{XI} Ke liti a, beta be tɔkɔlo benadzela ne ɔwɔ abuĩ, befɔne letsa nye letsa awe biyi ade bitomɔ Yesu ne liti a.

Yesu Tsa ɔkɔatani Odi.

^{XII} Lɔko lidi, Yesu na ne ɔmatɔ odi kame awã kĩ onyole odi kĩ ekasɔ fɔsɔ ngbã na. Kĩ onyole kĩ mɔ Yesu a, enatɔ ne ye abɔa kame eke ye aduli kĩ, “Boe ɔlate, nte fɔnye nɔ kawɛ ni, aapuli ɔfɔ fɔsɔ kĩ lewɔ ne yĩ akũ.”

^{XIII} Yesu yo awe eta ye ade ebi ye kĩ, “Mawe lomɔ. Nɔ akũ ekpale.” Deedimɔape fɔsɔ a wɔ ne ye akũ.

^{XIV} Ade Yesu si ye mbla ele kĩ, “Tabi odima kadima mbom naa tĩ kanaakɔa nɔ akũ katsa ɔsɔfɔ, kafɔ esela nɔ akũ edã, lɔkɔa edi adansie ekpa odi nye odi kĩ nuwĩnuwĩ fɔsɔ a wɔ ne nɔ akũ. Kpa afolibo fɔtsa a kĩ Mose mbla tsa a leme.”

XV Leme Yesu akū foletsa gba fōnaa mo lugo, ade bati pii kaya kī bayaatse ye fōtsa katsa, bēna fōso katsa leme a. **XVI** Leme fōko fudi Yesu adzakū kanaa kako kī kēkena dīi kanaaboa mpae.

Yesu Tsa Onyole Odi Kī Eveliveli.

XVII Luwi a, kī Yesu katsa fōtsa a, Farisifo mo Yudafō mbla batsane a kī bito temato kumekume ne Galilea mo Yudea tite akū, mo Yerusalem na ne awā. Baguma kobē a na ne Yesu kame kī ekōa etsa fōso. **XVIII** Ade bati badi lo oti odi kī eveliveli ne okena akū beyamena a. Bēboa mbodi bēwe osi kī batsā biwo ne kola a kame bekōa oti a biyi ne Yesu ane kame. **XIX** Leme ne bati lidede sū ni, betāna osi biwomo ye. Foesū bebōe oti a bide ne letsā. Ade bitinya fōkpā benye oke bekamena osone a mo ye okena biyi ne Yesu mo bati a flee ane kame a.

XX Kī Yesu mo be katekado a, ebi onyole a kī, “Nwaē, bekōa no titikpa bite no!”

XXI Ade Farisifo mo mbla batsane a do akū kavia awe kī, “Owei nye oti kī kī yale fubusuotsa ne Baguma akū? Baguma odi keī aapuli ekōa titikpa ete!”

XXII Yesu nyi be kakōna, foesū evia be kī, “Nde sū miakōna fōtsa kīi bame odu? **XXIII** Fōdabe kale deī osī fōbē, ‘Bekōa no titikpa bite no’ mbōeē kī, ‘Yidza kadza, katsā’? **XXIV** Leme kī miamō miyi osū kī yī a kī inye Otidziwa Obi a ndeī kobē kī makōa bati titikpa kate ne katinya kīi kame sū ni, midā o-o!” Kī ele fukī eyua a, edani ebi oti a kī eveliveli a kī, “Mabi no kī yidza kabōe no okena kanaa kola!”

XXV Letaleta onyole kī ta eyidza ne bati a flee ane kame, eboe ye okena a kī ye akū ewa a, enaa kola mo Baguma kamu. XXVI Fukī kēna bati a flee wāwā. Akū nyene be flee, ade bimu Baguma, bekale kī, “Litsa awāwā fotsa bomó nviā kī a!”

Yesu Vε Levi.

XXVII Ke liti a, kī Yesu ane ne toto a kame a, emó ogole otene odi kī have Levi edzi ne ye adzumamu. Yesu bi ye kī, “Tomó yī.” XXVIII Levi yidza efone letsa nye letsa eyi ade etomó ye a.

XXIX Owi tábuna mo Levi te opunu kpale ekpa Yesu ne ye toto kame. Togole batene pii mo bati bebā leme na ne awā. XXX Farisifo mo be bakoba Yudafó mbla batsane a badi kēna hūhūhūhū bivia Yesu fotsa bakolene a kī, “Nde sū mianya kamoa mo togole batene mo tokpa bakenane?”

XXXI Ade ke Yesu kpa be mbuaye kī, “Basone lisī bekpa tutsonu okenane, nné bikī bideī akū osī. XXXII Ntáya kī mayaave bati kī bidzi kpī, mbom ŷya kī tokpa bakenane bedani be towole kame.”

Yesu Le Kale Ne Baguma Osi Vōē Mo Okoe Akū.

XXXIII Bati badi bi Yesu kī, “Yohanes fotsa bakolene a awe onukpē kasui moatsē moatsē kaboa mpaē ade ayea Farisifo bade a leme akena a. Nde sū no fotsa bakolene anya, kamoa?”

XXXIV Ade Yesu kpa mbuaye kī, “Miakona kī bati a kī beve ne obolitsō kapikō a adzi kole ne loko a kī obolitsō onyo a deī ne be sekē? Oowo! Fólá lomó! XXXV Leme luwi aaya kī baakpā obolitsō onyo a ne be sekē. Ne loko a na kame ni, baasui onukpē.”

XXXVI Yesu buki eboa be legbã kī, “Odima lábẽ lima vɔẽ kakɔa katale lima kɔe ɔke. Nte ekena foe lomɔ ni, yaabẽ lima vɔẽ a, leme lonvɔẽ mɔ lokɔe a leláaketimɔ akū. XXXVII Ade ayea baáko waĩ vɔẽ ne ɔyae ovoli kuvũ kɔe kame a, kitonekĩ waĩ vɔẽ a aafɔ kuvũ a lebẽ lokɔa waĩ a leme aawula. XXXVIII Ne foesũ kene kī biko waĩ vɔẽ ne ɔyae ovoli kuvũ vɔẽ kame. XXXIX Finyaa, nte odi mɔa waĩ kɔe ni, eláawe kī yamɔa bavɔẽ. Letsa a kī yaale nyɛ kī, ‘Waĩ kɔe a nene ebẽ.’ ”

VI

Yesu Mɔ Farisifo Vele Fɔletsɔ Ne Kaweya Luwi a Akū.

^I Ne Kaweya Luwi mɔa lidi akū ni, Yesu mɔ ye fɔtsa bakɔlene tsã fugbanɔ kɔba kudi kayite batẽ. Ye fɔtsa bakɔlene a ve fudi betsẽ foe bekaba. ^{II} Ade ke Farisifo a badi via be kī, “Nde sũ miakena letsa a kī boe mbla tákpa osi kī bekena ne Kaweya Luwi akū?”

^{III} Yesu kpa mbuaye kī, “Mitákã ne Katsɛle Kpalɛwa a kame, mimó letsa a kī Legã Dawid kɛna ne lokɔ a kī kɔle kakɔ bemɔ ye bade a?”

^{IV} Legã Dawid nawo ne Baguma kɔla kame ebɔe abodoo a kī bekɔa bebɔa afɔlie bekpa Baguma a enya, ade ekɔa adi ekpa ye bakɔba a leme benya a. Fɔnye boe mbla kī odima lelá osi kī yanya foe, mbɔente basɔfo odi keĩ.”

^V Yesu wūna kī, “Otidziwa Obi a nye Kaweya Luwi a ɔlate.”

Yesu Tsa Onyole Odi Kī Ye Kɔkɔ Ku.

^{VI} Ne Kaweya Luwi bebã akū ni, Yesu naa Yudafɔ katsɛnakɔ a enaatsa fɔtsa. Onyole odi kī

ye kokpo ku na ne awã. ^{VII} Yudafɔ mbla batsane mo Farisifo badi kawɛ osi a kɔ̃ ye akũ baatsã bɛwɛ fɔletsã bite ne Yesu akũ. Foesũ biko anɛ bɛdã flee nte yaatsa fɔsɔ ne Kawɛya Luwi akũ. ^{VIII} Lɛmɛ Yesu nyi be kakɔna ade ebi onyole a kɔ̃, “Yidza kayaadza ne bati anɛ kame ne awĩ.” Onyole a ne eyadza ne awã.

^{IX} Ade Yesu bi be kɔ̃, “Mavia mi ntse ni, litsa boe mbla kpa osi kɔ̃ bekɛna ne Kawɛya Luwi akũ? Fɔnɛnɛ kɔ̃ bekɛna tuwĩ ne Kawɛya Luwi akũ, mbɔɛɛ kɔ̃ bekɛna tɔkpa? Fɔnyɛ luwi kɔ̃ de akũ bɛtɛ oti nkɔpã, mbɔɛɛ kɔ̃ bɛfɔnɛ ye awɛ eku?”

^X Yesu dã be flee etɛmɛna ade ebi onyole a kɔ̃, “Yo awɛ.” Eyo awɛ ade ye awɛ a lɛ pɛpɛpɛ a. ^{XI} Yudafɔ mo mbla batsane a na kalɔkpa mo ɔsĩ mo ɔsĩ ade bekapi adzuni ne letsã a kɔ̃ baakɛna ye akũ a.

Yesu Nye Fɔtɔ Banyanɛ Ewua-nviã.

^{XII} Luwi a Yesu de enaa ɔtɔ akũ kɔ̃ yanaabɔa mpɛɛ, ade ebɔa mpɛɛ lenyɛ flee ɛkpa Baguma a. ^{XIII} Kɔ̃ kade nyina a, ɛvɛ ye fɔtsã bakɔlɛnɛ a flee ɛkpɔta ade ɛnyɛ be kame bati ewua-nviã ɛvɛ be kɔ̃ fɔtɔ banyanɛ a. ^{XIV} Ade be nyɛ Simon kɔ̃ ete dɔ̃ kɔ̃ Petro mo ɔwaɛ Andrea, Yakobo mo Yohanes, Filipino mo Bartolomeo. ^{XV} Babɛbã nyɛ Mateo mo Toma, Yakobo kɔ̃ ɛnyɛ Alfeo obi mo Simon a kɔ̃ epili ye kade lolɔ. ^{XVI} Be nkaɛ nyɛ Yuda kɔ̃ ɛnyɛ Yakobo obi mo Yuda Iskariot kɔ̃ ye leyatsã Yesu liti osi.

Yesu Tsa Fɔtsã Etsã Bati Lɛmɛ.

^{XVII} Kɔ̃ Yesu mo ye fɔtɔ banyanɛ a ka bito ɔtɔ akũ a, beyadza ne kako tɛɛwa kɔ̃ ye fɔtsã

bakolene pii mo bati kodabu baũ kudi na. Bati pii to Yudea tite akũ, Yerusalem omato mo temato a kĩ tewaa ne Tiro mo Sidon mpo abuĩ a kame beya. **XVIII** Beya kĩ bayaatse Yesu fotsa katsa bena foso aholo aholo katsa. Bikĩ hũhũ kpa kaha be a lemɛ ya ade etsa be a. **XIX** Bati a flee kaboa mbodi kĩ bata Yesu kitonekĩ kobẽ kudi kane kato ye kame katsa be flee.

Bati Badi Aamo Kawole Ade Badi Lemɛ Aamo Lubo a.

XX Yesu dzela anɛ edã ye fotsa bakolene a ade ebi be kĩ,

“Baguma aahila mi a kĩ minye ahiãfo a,
kitonekĩ mi kade nye Baguma legäkanyakõ
a

XXI Baguma aahila mi a kĩ kole ako mi finyaakĩ
a,

kitonekĩ miawĩ!
Baguma aahila mi a kĩ miabe finyaa a,
kitonekĩ miaya kameme kõ!

XXII Baguma aahila mi nte bati akesĩ mi,
bisĩ mi, bavũna mi,
iye bale kĩ minye bati kpa ne Otidziwa Obi a
sũ!

XXIII “Mimo kawole, nte foya lomɔ a, mito,
mimo kawole kitonekĩ mideĩ kotokase kpale ne
ode. Mite anɛ lemɛ kĩ ade fukĩ odu be bawanyo
kena Baguma onukpẽ banyene kɔɛ a.

XXIV Lemɛ bobɔɛ makpa mi a kĩ mideĩ akũ a,
kitonekĩ mimó mi kawole kokɔɛ ne awĩ!

XXV Bobɔɛ makpa mi a kĩ miwĩ finyaakĩ a,
kitonekĩ kole aako mi!

Bobɔɛ makpa mi a kĩ miameme finyaakĩ a,
kitonekĩ miawo oblo, mibe.

XXVI Bɔbɔɛ makpa mi nte bati flee abɔa mi buĩ wĩ,
kitonekĩ ade aye be bawanyo mu fovã onukpẽ banyene a.

Miwe Mi Bakesĩne Kale.

XXVII “Leme mabi mi a kĩ miatse yĩ kale a kĩ miwe mi bakesĩne kale, mikena tuwĩ mikpa be. XXVIII Mikpa bikĩ badumu mi a nhila. Mibɔa mpaɛ mikpa bikĩ bakena mi tenya a. XXIX Nte odi bale no awe ne oloto moa ni, fĩ ebale no ne oyade a leme. Nte odi te no atadiɛ wulaa ni kɔa no atadiɛ anyanglede a leme kakpa ye. XXX Odi nye odi kĩ yaawã no fɔtsa ni, kpa ye, ade nte odi bɔɛ no litsedi ni, tabuki ɔle kĩ ate foe. XXXI Letsa a kĩ miawe kĩ bati bebã bekena bekpa mi ni, mikena foe lomɔ mikpa be.

XXXII “Nte miawe bati a kĩ bawe mi kale odi ni, nde sũ kene kĩ bihila mi? Tɔkpa bakenane malo awe bikĩ bawe be kale a. XXXIII Ade nte bati a kĩ bakena mi seme kale odi mo miakena seme kale kakpa a ni, nde sũ kene kĩ bihila mi? Tɔkpa bakenane malo akena lomɔ. XXXIV Ade nte bikĩ baapuli bise mi kɔto odi mo miakpa teve ni, nde sũ kene kĩ bihila mi? Tɔkpa bakenane malo akpa be akũ teve, ne ayekĩ baase foe flee bekpa be sũ! XXXV Oowo! Miwe mi bakesĩne kale mikena be tuwĩ. Mikpa be teve leme mitate ane kĩ baase bekpa mi. Nte mikena foe lomɔ ni, míana kɔtokase kpale lɔkɔa míanya Baguma Kpale Ne Ode a babi. Kitonekĩ Baguma deĩ seme kale ekpa bikĩ baáyi bati aye mo bati kpa malo. XXXVI Mimo bati kɔnya nde ayekĩ Baguma amo kɔnya.

Yesu Tsa Fotsa Ne Bati Bebã Kadzemenã Akũ.

XXXVII “Mitadzemo bati bebã ayekĩ Baguma leme leláadzemo mi. Mitako bati bebã koto lokoa Baguma leme leláako mi koto. Mikoa bati tokpa mite be, lokoa Baguma leme aakoa ete mi. XXXVIII Mikpa bati fotsa lokoa Baguma leme aakpa mi. Nuwĩnuwĩ Baguma aakona, edo emenana fuyi tsonononono fuwula ne ye seme kale onukpẽ. Fotsa kakona odu a kĩ mikoa mikona mikpa bati bebã a, ade foe odu Baguma leme aakoa ekona ekpa mi a.”

XXXIX Ade Yesu boã be legbã kĩ, “Onekune lelápuli ekpã okoba onekune. Nte ekona foe ni be nviã a fleë baato leke. XL Fotsa okolene lebé ye fotsa otsane, leme nte ekole fotsa eyua ni, yaana nde ye fotsa otsane aye.

XLI “Nde sũ adã sukuluku kĩ sideĩ ne awaẽ linebi kame leme otséla luvokũ a kĩ lideĩ ne no moawe linebi kame a? XLII Nde aapuli obi awaẽ kĩ, ‘Make no aduli, fõ ñnye sukuluku ne no linebi kame’ ne loko a kĩ luvokũ deĩ ne no moawe linebi kame a? Anë kame keke fotsa okenane ane! Nya loto kanye luvokũ a ne no linebi kame lokoa aapuli omó yededeede onye sukuluku ne awaẽ linebi kame.

Kutse Kudi Nye Kudi Mõ Koe Libi Kĩ Kõawũ.

XLIII “Kutse wĩ lãwũ babi kpa, ade kutse kĩ konéne leme lãwũ babi wĩ a. XLIV Babi a kĩ kutse nye kutse awũ a bakoa kamõ koe kayi osũ. Baána figi babi ne fu kutse kame ade baána akutu ne ogõabi akũ a. XLV Oti wĩ anye fotsa wĩ a kĩ fudeĩ ne ye owole kame a kanya, ade aye oti kpa leme anye fotsa kpa a kĩ fudeĩ ne ye owole kame a

kanya a. Kitonekĩ letsa a kĩ lideĩ ne oti ɔwɔle kame a, ade de ane ne ye onukpẽ a.

Fɔla Kake Ne Litekũ Leyode Mɔ Ɔsĩ Akũ.

XLVI “Nde sũ miave yĩ kĩ, ‘Boe Ɔlate, boe Ɔlate’ leme miákena ne fɔtsa a kĩ matsa mi a akũ? XLVII Odi nye odi kĩ yaya ne yĩ sekẽ katse yĩ fɔletsa, kakena ne foe akũ ni, maatsa mi oti a odu kĩ yanɛ. XLVIII Ela nde oti kĩ nte eyi kola kake kayo etu ɔkã dzununuunu eke litekũ leyode ne boe akũ. Nte ɔwo yili mɔ mui yalɔmɔ kola a ni, letsama leláakena kola a, kitonekĩ bike koe kake wĩ. XLIX Leme odi nye odi kĩ yaátse yĩ fɔletsa, ade yaákena ne foe akũ leme ni, ela nde oti kĩ eke kola kĩ koe kayo litekũ a lela ɔsĩ. Nte ɔwo yili eyalɔmɔ kola a na ni, kóaveli kɔto gbloo!”

VII

Yesu Tsa Romafɔ SodzaƔo Ɔnɔkɔẽ Odi Ɔsumune.

^I Kĩ Yesu bi bati fɔletsa kĩ flee eyua a, edzakũ enaa Kapernaum. ^{II} Awã naa, Romafɔ sodzaƔo ɔnɔkɔẽ odi ne awã na ɔsumune kĩ yaátuno kale. Ɔsumune kĩ kaso mɔ ɔsĩ mɔ ɔsĩ kĩ ewo wuda onukpẽ. ^{III} Kĩ ɔnɔkɔẽ kĩ nu Yesu nkã a, edo Yudafɔ banɔkɔẽ badi kĩ benaabi ye eyaatsa ye ɔsumune a. ^{IV} Beya ne Yesu sekẽ ade bike ye aduli mɔ ɔsĩ mɔ ɔsĩ kĩ, “Oti kĩ feta ekpa nɔ kabumena paa, ^V kitonekĩ yawe boe kade bati kale, ade ye like boe katsenakɔ a ekpa boe a.” ^{VI} Ne foe sũ Yesu tomo be enaa.

Ki kite sukuloo kĩ Yesu awo ne ɔnɔkɔẽ a toto kame a, ɔnɔkɔẽ a do ye bakoba kĩ bibi Yesu kĩ, “Boe Ɔlate, tabuki oha nɔ akũ. Ntákpola nkpa kĩ

awo ne yĩ toto kame, ^{VII} ade ke ntákpola leme kī maya ne nɔ sekẽ a. Foesũ le kale mɔape lɔkoa yĩ ɔsumune a aasaɛ. ^{VIII} Yĩ malo ñnye oti kī ndeĩ ne banɔkɔẽ kī bebẽ yĩ lonɔkɔẽ kayɔ, ade ndeĩ sodzafo ne yĩ kayɔ a. Nte mbi odi kī, ‘Naa ni’ yanaa, nte mbi ɔbebã kī, ‘Ya ni’ yaya, ade nte mbi yĩ ɔsate leme kī ‘Kena fukĩ ni’ yakena foe.”

^{IX} Kī Yesu nu fukĩ a fɔkena ye saa. Edani ebi bati kɔdabu a kī bitomɔ ye a kī, “Mabi mi kī ntámɔ t̃ɔ katekado kī odu ne Israelfɔ malo kame da!” ^X Batɔ a kī ɔnɔkɔẽ a do a muniki benaa toto a kame, ade benamɔ kī ɔsumune a saɛ a.

Yesu Nyina Okunawa Odi Obinyole.

^{XI} Ke liti a, Yesu mɔ ye fɔtsa bakɔlene a mɔ bati pii naa Nain ɔmatɔ kame. ^{XII} Kī ewo ne ɔmatɔ a koletia a, etselamɔ bati kɔdza kī benɔne ɔnɔkpa banaabila. ɔnɔkpa a nye otsole odi kī enye okunawa obinyole mɔape, ade ke ɔmatɔ a kame bati pii leme tomɔ okunawa a. ^{XIII} Kī boe ɔlate mó otsole a, ye fɔletsɔ kɔ ye kɔnya ade ke ebi ye kī, “F̃ɔ kabe.”

^{XIV} Awã naa Yesu fuã enata ɔnɔkpa apaka a ade bikī benɔne ye a f̃ɔ bedza a. Ade Yesu le kī, “Opopo! Mabi nɔ kī yidza!” ^{XV} ɔnɔkpa a yidza edzi edo kɔdzela kale awe, ade Yesu kɔa ye edo ne ɔma awe a.

^{XVI} Libe wo bati a flee ade bimu Baguma bele kī, “Baguma Onukpẽ ɔnyene kpale odi né eta ne boe kame! Baguma ka eya kī yayaanye ye bati!” ^{XVII} Yesu akū fɔletsɔ kī gba ne Yudea tite mɔ fɔkɔ a kī fufuã a flee kame.

Yohanes Mui ɔwolane Do Batɔ Ne Yesu Sekẽ.

XVIII Kĩ Yohanes fotsa bakolene a bi ye fotsa kĩ Yesu lamena kakena flee a, eve be kame bati nviã, **XIX** ade edo be ne boe ɔlate sekẽ kĩ benaavia ye kĩ, “Nɔ nye oti a kĩ bele kĩ yaaya a, mbɔɛ kĩ bɔdã oti bebã ane?” **XX** Kĩ biwo Yesu sekẽ a bibi ye kĩ, “Yohanes Mui ɔwolane a do boe kĩ bɔyaavia nɔ kĩ, ‘Nɔ nye oti a kĩ bele kĩ yaaya mbɔɛ kĩ bɔdã oti bebã ane?’ ”

XXI Ne loko a na kame pɛpɛɛɛ a, Yesu tsa bati beblebee fɔsɔ, eblɔmena hũhũ kpa etomena bati kame ade efɔ banekune pii leme mó foko a. **XXII** Ade ekpa Yohanes batɔ a mbuaye kĩ, “Mimuniki minaabi Yohanes letsa a kĩ mimó mɔ letsa a kĩ minu a, banekune mó foko, bikĩ biveliveli yidza betse, bikĩ basɔ fɔsɔ ngbã akũ kpale, batɔsĩne anu foko, bedzela banokpa bidzi nkpã, ade belamena ahiãfo Kale Wĩ a kabi a. **XXIII** Baguma hila oti a kĩ etamó nfumusu adima ne yĩ akũ.”

XXIV Kĩ Yohanes batɔ a dzakũ a, Yesu yi kayɔ mɔ kodzela kale ne Yohanes akũ kabi bati kodabu a kĩ, “Kĩ minaa Yohanes sekẽ ne kɔsa kame a, litsa mikɔna kĩ míamɔ? Mimó ye nde kɔkɛ sɔɔta kĩ ɔwe abɔa katomena katɛmena? **XXV** Litsa koũ mine minaadã? Oti kĩ ekele ye akũ mɔ fotsa mɔ kale yane? Bikĩ bekele be akũ mɔ fotsa mɔkale bidzi ne omene kame ni, fɔgã toto kame bamɔ be. **XXVI** Mibi yĩ letsa a koũ sũ miti mina a? Kĩ míamɔ Baguma onukpɛ onyene mbɔɛ? Mifɔ nti mbi mi kĩ mimó oti kĩ ebẽ Baguma onukpɛ onyene kolaa. **XXVII** Ade Yohanes akũ Katsela Kpalewa a le kĩ,

‘Maado yĩ foto onyane enya nɔ loto,
ɛyaalola osi eyi ekpa nɔ.’ ”

XXVIII Yesu buki ebi be kī, “Yohanes bẽ odi nye odi kī edzi tõ ne katinya kīĩ kame. Leme odi kī enye obisẽ kolaa ne Baguma legākanyakõ a kame bẽ Yohanes.”

XXIX Fõmõ fukīĩ aayanẽ a, bati a flee nu Yohanes fõletsã a, bẽmõ tõgõle batene a titiliwu nye bikī bekẽna ne Baguma kawẽ akũ, ade befõ Yohanes kẽna be mui kawõla amanie a. XXX Leme Farisifõ mõ Yudafõ mbla batsanẽ a sī Baguma nhihie a kī ekẽna eyi ekpa be a, ade betátunõ kī Yohanes ewõla be mui a.

XXXI Yesu le enamena lotõ kī, “Finyaakīĩ litsã maakõã nviã babi nkona mõ? XXXII Bela ndẽ babisẽ kī bikoni ne koya bagulo. Babõã fowõla kabi bakõba kī,

‘Bõsã obolitsõ kapi tõnõ bõkpa mi,

leme mitáto!

Bõsã tukutõnõ bõkpa mi,

leme mitábe.’

XXXIII Yohanes Mui Owõlanẽ a ya, ekasui onukpẽ, etámõã waĩ, leme mile kī, ‘Hũhũ kpa deĩ ne ye kame!’ XXXIV Otidziwa Obi a leme ya, enya, emõã leme, ade miale kī, ‘Midã onyakpanẽ mõ bave omõanẽ kīĩ! Enye tõgõle batene mõ tõkpa bakenanẽ okõba!’ XXXV Leme bati flee a kī betẽ Baguma kadikanyi ni, be fõkelatsã atsa kī fonye onõkõali fõletsã.”

Yesu Naa Simon Farisini a Awã.

XXXVI Farisini odi ve Yesu kī eyaanya ne ye awã. Yesu tunõ enaa enadzi bekanya. XXXVII Otsole odi kī etábõã õbla wĩ na ne omato a kame. Kĩ enu kī Yesu na ne Farisini a tõtõ kame ekanya a, ebõẽ tumpã mõkale mõ kugua mõ olẽ mólẽ eyamena ne awã. XXXVIII Edza ne Yesu liti ne ye abõã owẽ

ade ekabe kako ne ye foneta akū a. Otsole kīi kōa ye lolō tolō eyō babe a ne Yesu foneta, ade efifi foe akū, ekōa kugua a lemē eko ne foe akū a.

XXXIX Kī Farisini a mō fukīi a, ele ne ye lolō kame kī, “Nte obi kīi mō nuwī Baguma onukpē onyene yanē ni, kufe yaanyi kī otsole a odu kī elamena ye katale a nye titikpa okenanē!”

XL Ade Yesu bi Farisini a kī, “Simon, ndeī kale kī mabi nō.”

Simon kpa mbuaye kī, “Fōtsa Ōtsanē, bi yī letsa a.”

XLI Ade Yesu bi ye kī, “Banyole nviā badi dzimō sika ove okpane odi koto. Ōmōa dzimō ye sika kī siwo tideto ewua kotokase, ade oyade a lemē dzimō ye odeto mōa kotokase a. XLII Bati kīi tápuli bise ye foto kīi, foesū ekōa ete be. Bati nviā kīi kame owodabe aawe sika ove okpane a kale eba?”

XLIII Ade Simon kpa mbuaye kī, “Mate kado kī oti a kī bekōa koto kpale bite ye a.”

Yesu bi ye kī, “Ōle onokoli.”

XLIV Ade Yesu dani edā otsole a ebi Simon kī, “Amō otsole kīi? Kī nwo ne nō tōtō kame a, otákpa yī mui kī nvole foneta, lemē otsole kīi kōa ye babe evole yī foneta, ekōa ye tolō lemē eyō be.

XLV Otákēna yī atuu, lemē kito loko a kī iya ne awī a, otsole kīi táfō yī foneta kafifi. XLVI Otákpa yī kugua ntsela ne lolō kame, lemē ekōa kugua mō olē mō olē etsela yī foneta. XLVII Foesū mabi nō kī ne odo a kī enye etsa kīi a sū ni, bekōa ye titikpa beblebee a bite ye. Lemē oti kī bekōa fōtsa kabii bite ni, odo kabii yanye katsa.” XLVIII Yesu bi otsole a kī, “Bekōa nō titikpa bite nō.”

XLIX Bati a kī bēna nē kanyakō a kavia be akū kī, “Owei nē awī a kī yakōa bati tokpa malo kate?”

^L Ade Yesu bi otsole a kī, “No katekado tē nō. Naa nē lukudo kame.”

VIII

Batsole Badi Kī Bitomō Yesu.

^I Nē fukī liti a, Yesu tsā emini nē temato mō tukula a kī tifuā a kame ekale Kale Wī a nē Baguma legākanyakō a akū. Ye fōtsa bakolene ewua-nviā a lemē tomō ye. ^{II} Batsole badi kī Yesu blōmena hūhū kpa nē be kame, mō bikī etsa be fōso lemē tomō ye. Be kame omōa nyē Maria Magdalani kī ye kame eblōmena hūhū kpa evūkōnō etomena a. ^{III} Otsole a odi lemē nyē Yohana, kī bave onyō kī Kusa kī enya onkōē nē Legā Herodes fōletsa kadzekō, Susana mō batsole bebā pii kī bekōa be mōawe akū fōtsa bekadāmena Yesu mō ye fōtsa bakolene akū a.

Legbā Nē Okuani Odi Akū.

^{IV} Bati kato temato pii kame kaya nē Yesu sekē, ade kī bati beblebee yakpōta a, ebōa be legbā kī kī, ^V “Luwi a okuani odi naasā funitsā babi. Kī ekasā be a badi wula nē osi oowē ade ke bati sumini be, kovolabi lemē tsuli be a. ^{VI} Badi wula nē apibō akū, ade kī beme a beve biku, kitonekī apibō a kame lēla mui. ^{VII} Badi wula nē tuwī mō fu kame. Tuwī mō fu a mē tipi be. ^{VIII} Badi lemē wula nē tite wī akū, beme bibo ane, kutse nyē kutse wū babi kpasaa.”

Ade Yesu wūna kī, “Oti kī edeī ato ni, etse katse wī!”

Letsa Sũ a Kĩ Yesu Bɔa Fɔgbã.

^{IX} Yesu fɔtsa bakɔlenɛ a via ye lɛgbã a kayɔ.
^X Ade ebi be kĩ, “Benye Baguma lɛgãkanyakõ fɔtsa kɔlawa a betsa mi, lɛmɛ bati bebã a kõ ni, fɔgbã kame fɔaya kakpa be ayekĩ, ‘Baadã lɛmɛ beláamɔ biyi ɔsũ, baanu lɛmɛ beláa nu foe kayɔ.’”

Yesu Nye Lɛgbã Nɛ Okuani Akũ a Kayɔ.

^{XI} “Lɛgbã a kayɔ nye fukĩ. Funitsã babi a nye Baguma kale a. ^{XII} Babi a kĩ biwula nɛ osi ɔɔwẽ nye bati a kĩ binu kale a, lɛmɛ Abonsam yanye kale a nɛ be tɔwɔlɛ kame, ayekĩ beláate bido bɛna kate ^{XIII} Bikĩ biwula nɛ apibɔ akũ a nye bati a kĩ binu kale a, betɛ ke mɔ kawɔlɛ, lɛmɛ ketáwo nɛ be kame dzununuunu. Betɛ bido nɛ lɔkɔ lukũ odi kame, ade nte sɔhɛ adi ya ni, bamuniki liti. ^{XIV} Babi a kĩ biwula nɛ tuwĩ mɔ fu kame a nye bati a kĩ binu kale a betɛ ke lɛmɛ katinya kame ɔhau, akũ fɔtsa kawɛ mɔ katinya kame kawɔlɛkamɔ anya be akũ, kafõ baábo anɛ kawũ babi kayɔɔlɛ. ^{XV} Lɛmɛ babi a kĩ biwula nɛ tite wĩ akũ a nye bati a kĩ binu kale a, betɛ ke nɛ tɔwɔlɛ wĩ mɔ obu kame ade bipini ke mɔ ɔsĩ mɔ ɔsĩ kenawo kĩ biwũ babi a.”

Fõ Ɔsedza Ekpale Fɔkɔ Ekpa Bati.

^{XVI} “Odima látɛna ɔsedza kakɔa lɔɔda kasua ye, ñye kakɔa ye kado nɛ mpa kayɔ. Mbom yadɛla ye kate nɛ ɔsedza otse akũ ayekĩ bati aamɔ fɔkɔ nte bawo nɛ tɔtɔ kame.”

^{XVII} “Lɛtsa nye lɛtsa kĩ bekɔa bekɔla ni, baanye de kanya. Ade lɛtsa nye lɛtsa kĩ bisua de ni, baamɔ de benye beyamɛna nɛ ɔhaĩ kame.”

XVIII Mitse letsa a kī mianu a katse wī, kitonekī okī edeī foletsa kayokanu ni, baakpa ye kayokanu bibu, leme okī ela kayokanu kadima ni, baate sukuloo a kī ekona kī edeī a malo ne ye awe.”

Bawei Koū Nye Yesu Ōma Mō Bawaē?

XIX Luwi a, Yesu ōma mō bawaē ya ne ye sekē leme betápuli bifuā ye ne bati lidede sū. **XX** Ade ke odi bi Yesu kī, “Ama mō awaē ame dzē ne kanya kī bawe bemó nō.”

XXI Yesu kpa mbuaye kī, “Mma mō nwaē ame nye bikī batse Baguma kale, bakena ne ke akū.”

Yesu Dina Ōwe Onukpē.

XXII Luwi a Yesu mō ye fotsa bakolene a wo ne okolo kame ade ebi be kī, “Mifō bunyina ōwo lutubu baū a bonaa abuī atide a.” Ade biyi ōwo a kanyina kayo a. **XXIII** Kī biteī ne mui ane banaa a, Yesu wa tida. Deedimape ōwe mō osī odi vū ne lutubu baū a akū, ade ekaboa mui kako ne okolo a kame, fofō bena ne wuda mō nkpā kayite a.

XXIV Ye fotsa bakolene a nadzela Yesu bibi ye kī, “Boe Ōlate! Boe Ōlate! Buku buyua!”

Awā naa Yesu yidza edza ewūni ne ōwe mō mui a akū. Ōwe mō mui a onukpē do, ade awā flee kena dī a. **XXV** Ade evia ye fotsa bakolene a kī, “Nde mi katekado?”

Bekena saa, libe wo be leme, ade bivia be akū kī, “Owei nye oti kī? Yado ōwe mō mui onukpē ade batse ye a!”

Yesu Blomena Hūhū Kpa Ne Onyole Odi Kame.

XXVI Yesu mō ye fotsa bakolene a nyina ōwo lutubu baū a bito Galilea tite akū beyawo Gadara

ne tite a seke sitide a. **XXVII** Kĩ Yesu né ne okolo a kame a, onyole odi kĩ hũhũ kpa na ne ye kame ne eto omato a kame eyatselamɔ ye. Owi buna kĩ onyole kĩ tsã ɔdzɔ, ade yaádzi ne toto kame, mbom asie mɔ funike kame yadzi. **XXVIII** Kĩ emɔ Yesu a, ebɔa fɔwɔla kɔɔba ade ebɔe ye akũ emuni ne Yesu abɔa kame mɔ fɔwɔla kĩ, “Yesu Baguma Kpale Ne Ode Obi! Litsa akamɔ yĩ? Make nɔ aduli, takena yĩ awɔda!” **XXIX** Onyole a le fukĩ kitonẽkĩ Yesu wũni ne hũhũ kpa a akũ kĩ ene ne oti a kame. Lɔkɔ pii hũhũ kpa a adzi ne ye akũ ade nte bido ye nkɔsonkɔsɔ ne akpɔ mɔ abɔa malo a, yaveliveli ye lɔkɔa hũhũ kpa a akpã ye kanamena kosa kame.

XXX Yesu via ye kĩ, “Nde bave nɔ?”

Ade ekpa mbuaye kĩ, “Bave yĩ Lidede,” kitonẽkĩ hũhũ kpa beblebee wo ne ye kame. **XXXI** Hũhũ kpa a ke Yesu aduli kĩ etablomena be benaawo ne leke dzununuunu a kĩ lelá kakpu-lakɔ a kame.

XXXII Baplakuo beblebee na ne ɔtɔ odi akũ bekade. Foesũ hũhũ kpa a ke Yesu aduli kĩ efɔ benɛ benawo ne be kame, ade Yesu lemɛ kpa osi a. **XXXIII** Ade benɛ ne onyole a kame benawo ne baplakuo a kame a. Be kɔdabu a flee wula atse beka ɔtɔ seke geĩ a biwo ne mui kame, bemɔa mui biku.

XXXIV Kĩ bikĩ badãmena baplakuo akũ a mɔ letsa kĩ leya a, bilo benaa omato mɔ tukula kame bekabi bati letsa kĩ leya a. **XXXV** Bati ne beyaadã letsa kĩ leya. Ade kĩ biwo Yesu sekẽ a bemɔ onyole a kĩ ye kame hũhũ kpa a ne a kĩ edzi ne ye abɔa kayɔ. Edo atadiɛ ade ye anɛ kame lemɛ

kpale. Libe wo bati a flee. **XXXVI** Bikĩ bemó letsa a kĩ leya a bi bati ayekĩ beblomena hũhũ kpa ne oti a kame. **XXXVII** Ne fukĩ sũ bati a flee ne Gadara kayite a na ke Yesu aduli kĩ edzakũ ne be tite akũ, kitonekĩ libe wo be paa. Ne foesũ ewo ne okolo a kame edzakũ.

XXXVIII Onyole a kĩ ye kame hũhũ kpa a ne a ke Yesu aduli kĩ, “Fõ ntomɔ no bonaa.” Leme Yesu nye ye osi, ebi ye kĩ, **XXXIX** “Muniki kanaa otɔ kanaale letsa a kĩ Baguma kena ekpa no a.”

Onyole a tsã ne omato a kame ekale letsa a kĩ Yesu kena ekpa ye a.

Yesu Tsa Yairo Obitsole Mɔ Otsole Odi.

XL Kĩ Yesu muniki enaa ɔwo lutubu baũ seke sitide a, bati a te ye mɔ kawole kitonekĩ be flee bidzi bekadzole ye. **XLI** Ade ke onyole odi kĩ bave Yairo kĩ enye onokoẽ omɔa ne Yudafɔ katsenakõ ya ne awã a. Eyake aduli ne Yesu aboa kame ewã ye kĩ efõ benaa ye toto kame, **XLII** kitonekĩ ye obitsole mɔape kĩ ete futeli ewua-nviã waa ne wuda mɔ nkpã kayite.

Kĩ Yesu kanaa a, bati pii yi ye akũ. **XLIII** Otsole odi kĩ akũ awula ye futeli ewua-nviã flee leme na ne bati a kame. Otsole kũ bula ye sika flee kade ne foso batsane sekẽ leme odima tãpuli etsa ye. **XLIV** Ekena boee etsã bati a kame ne Yesu liti eta ye atadie soto. Deedimɔape baboane a fõ kawula.

XLV Ade ke Yesu via kĩ, “Owei leta yĩ?”

Leme odima tãkpeti. Foesũ Petro bi ye kĩ, “Boe Jlate, dã ayekĩ bati beblebee yi no akũ!”

XLVI Leme Yesu le kĩ, “Mmó ne yĩ kame kĩ odi ta yĩ ni, kitonekĩ kobẽ kudi ne kuto yĩ kame.”

XLVII Kĩ otsole a mo eyi osũ kĩ bemó ye sũ ni, ena ne kukũtila kame ene eyake aduli ne Yesu aboa kame. Ne bati a flee ane kame na, ebi ye letsa nye letsa. Ebi ye letsa a kĩ de sũ eta ye, mo ayekĩ esae letaleta a. XLVIII Yesu bi ye kĩ, “Yĩ obitsole, no katekado kpa no akũ osĩ. Naa ne lukudo kame.”

XLIX Lokó a kĩ Yesu kale fukĩ a, otó to Yudafó katsenakó onokóẽ a awã eyabi Yairo kĩ, “No obitsole a ku, fotábuki fusĩ kĩ aha fotsa otsane a.”

L Lemε kĩ Yesu nu folets a ebi Yairo kĩ, “Tavila. No kó te kado, obisẽ a aasae.”

LI Kĩ Yesu wo Yairo otó kame a, etákpa odima osi ewo ne kola a kame, mboente Petro mo Yohanes mo Yakobo mo obisẽ a olega mo oma odi. LII Bati pii dza ne awã bekabe mo konya ne obisẽ a wuda sũ. Ade Yesu bi be kĩ, “Mifó kabe. Obisẽ a táku. Tida keke ewaa.”

LIII Lemε bati a flee mεmε ye kitonekĩ binyina kĩ obisẽ a ku. LIV Ade Yesu pi obisẽ a ne kokpo ene ye koba kĩ, “Yĩ obi, yidza kadza!” LV Ade ke katsolebi a nyinya kiyidza kedza deedimoape a. Yesu bi be kĩ bekpa ke funitsã kenya. LVI Folets a kĩ nyene bamanε a akũ, lemε Yesu si be mbla kĩ betabi odima lets a a kĩ leya a.

IX

Yesu Do Ye Fotsa Bakolene Ewua-nviã a Fots.

I Luwi a, Yesu ve ye fotsa bakolene ewua-nviã a ekpota, ade ekpa be kobẽ mo otumi kĩ beblomena hũhũ kpa flee, betsa foso kumekume lemε. II Edo be kĩ benaale kale ne Baguma legākanyakó a akũ, lokoa betsa basone. III Fomo baanaa ni,

Yesu bi be kī, “Mitabɔɛ lɛtsama ndɛ otse kī bake katsā, fɔtsa bawānɛ kuvū, funitsā ãye sika mile. Mitabɔɛ atadiɛ ayade malo mibu. ^{IV} Kako nyɛ kako kī mise ni, mina nɛ tɔtɔ a kamɛ kɛnaawo lɔkɔ a kī míadzakū nɛ ɔmato a kamɛ. ^V Awā kī bati tátɛ mi ni, mine nɛ ɔmato a kamɛ lɔkɔa mikpa mi abɔa kudu miko nɛ be akū, fɔnya nsentsɛleni fɔkpa be kī Baguma aaveɛ be soto.” ^{VI} Ade fɔtsa bakɔlɛnɛ a namini nɛ tukula a flee kamɛ bɛkale Kale Wī a, bɛkatsa basɔnɛ a nɛ kako nyɛ kako a.

Lɛgā Herodes Kɛna Basaa.

^{VII} Kī Lɛgā Herodes, Galilea tite akū ɔnyanɛ a nu fɔtsa kī fɔlamɛna kaya a, ɛkɛna basaa, kitonɛkī bati badi kalɛ kī Yohanes Mui ɔwɔlanɛ a libuki eyidza edzi nkpā. ^{VIII} Bati bɛbā lɛmɛ lɛ kī Eliya libuki ɛya, ade babɛbā lɛmɛ lɛ kī Baguma onukpɛ banyɛnɛ kɔɛ a kamɛ odi liyidza edzi nkpā. ^{IX} Lɛgā Herodes lɛ kī, “Nfɔ bitsua Yohanes lɔlɔ, mɔ owei nyɛ oti a kī ye akū fɔlɛtsa manu a?” Foesū Lɛgā Herodes kabɔa mbɔdi kī yamɔ Yesu.

Yesu Kpa Bati Mpim Elo Funitsā Benya.

^X Kī fɔtsa bakɔlɛnɛ a muniki bɛya a, bibi Yesu lɛtsa nyɛ lɛtsa a kī bɛkɛna. Ade ɛkpā be odi bɛnɛ bɔɛɛ bɛnaa Betsaida ɔmato a kamɛ a. ^{XI} Lɛmɛ kī bati kɔdabu a nu foe a, bitomɔ ye bɛnaa awā. Yesu tɛ be ade ebi be fɔlɛtsa nɛ Baguma lɛgākanyakɔ akū, ɛtsa bikī bisī fɔsɔ katsa lɛmɛ a.

^{XII} Kī suwa anaa katomukɔ a, Yesu fɔtsa bakɔlɛnɛ ewua-nviā yabi ye kī, “Fɔ bati a bɛdzakū bɛnaa tukula mɔ fɔpɛ a kī fufuā a kamɛ

benaaƵe funitsã mɔ fɔwakɔ̃ kitonekĩ awĩ lenyé bati kadzikɔ̃.”

^{XIII} Leme Yesu bi be kĩ, “Mi mɔawe a miwe litsedi mikpa be benya.”

Ade bekpa mbuaye kĩ, “Funitsã flee kĩ bonεε nye abodoo elo mɔ kɔfɔabi tolewa nviã. Awe kĩ bɔnaaya funitsã bɔma bati beblebee kĩ?”

^{XIV} Banyole nde be mpim elo na ne awã.

Ade Yesu bi ye fɔtsa bakolene a kĩ, “Mifɔ̃ bati a bidzi ne kutsukutsu kame. Katsu nye katsu kiwo nde bati aduenum.” ^{XV} Kĩ fɔtsa bakolene a kena foe lomɔ biyua a, ^{XVI} Yesu bɔε abodoo elo mɔ kɔfɔabi nviã a, edela anε edã odetɔ kame, enye Baguma kole, ade ebulibuli ye ekɔa ekpa ye fɔtsa bakolene a kĩ besẽ bekpa bati a. ^{XVII} Bati a flee nya biwĩ, ade ye fɔtsa bakolene a fila fukĩ fute a biyula tetsetse ewua-nviã a.

Petro Nye Etsa Kĩ Yesu Nye Kristo a.

^{XVIII} Luwi a, kĩ Yesu odi na ekabɔa mpaε a, ye fɔtsa bakolene a ya ne ye sekẽ ade evia be kĩ, “Owei bati ale kĩ ye manε?”

^{XIX} Bele kĩ, “Badi ale kĩ nɔ nye Yohanes Mui Jwolanε a. Badi ale kĩ nɔ nye Baguma Onukpẽ Jnyene Eliya, ade babebã leme ale kĩ Baguma onukpẽ banyene kɔε a kame odi liyidza edzi nkpã.”

^{XX} Ade evia be kĩ, “Nde nye mi leme? Owei miale kĩ ye manε?”

Awã naa, Petro kpa mbuaye kĩ, “Nɔ nye Baguma Kristo a.” ^{XXI} Ade Yesu si be mbla mɔ osĩ mɔ osĩ kĩ betabi odima foletsã kĩ.

Yesu Le Kale Ne Ye Lubokamɔ Mɔ Wuda Akũ.

XXII Yesu buki ebi be kī, “Kene kī Otidziwa Obi a emo lubo paa ne omai banokoē, Yudafɔ basofonokoē mo Yudafɔ mbla batsane a awe. Baasi ye loko baeko ye, leme ne luwi lelalede akū ni, Baguma aadzela ye etomena banokpa kame edzi nkpā.”

XXIII Ade ebi bati a flee kī, “Nte odi awe kī yatomo yi ni, kene kī yafone ye apedie awe, ebɔe ye lubo kamɔ folotsa luwi nye luwi loko etomo yi ne liti. XXIV Kitonekī odi nye odi kī yawe kī yapili ye nkpā ni, yaayela ye, leme odi nye odi kī efone ye nkpā awe ekpa ne yi katomena sū ni, yaana nkpā wī a kī elá kawūna a. XXV Litsa nfaso oti aana nte ena katinya kame fotsa flee leme eyela ye moawe nkpā? XXVI Nte yi mo yi fotsa a kī matsa a nye fonyoatsa fokpa odi ni, ye malo yaanya fonyoatsa ekpa Yi Otidziwa Obi a, nte iya ne yi kukūkpale mo Nda mo ode foto banyane kpalewa kukūkpale a kame. XXVII Mabi mi pipiipi kī badi deī ne mi kame ne awī kī beláaku kēnaawo kī Baguma aanye ye legākanya a etsa be.”

Yesu Vemena Ye Akū Ne Oto Akū.

XXVIII Nde ekwansieda moa liti kī Yesu le foletsa kīi a, ekpā Petro, Yohanes mo Yakobo bide benaa oto odi akū kī banaaboa mpaε. XXIX Kī ekaboa mpaε a ye ane kame dani, ade ye tetadie kēna fita fita, tekata muamua a. XXX Ade banyole nviā kī benye Mose mo Eliya ne bedza bemo Yesu bekale kodzela a. XXXI Bena ne ode kukūkpale kame ade bekalomena mo Yesu ne osi a kī ye akū yaatsā ekēna ne Baguma nhihie a kī ekēna eyi kī yaaku ne Yerusalem akū a. XXXII Tito kī Petro mo ye

bade a wa tida kɔlaa malo ni, binyinya bemó Yesu kukũkpale mo bati nviã a kī bedza ne ye ɔwẽ a. **XXXIII** Kī bati a adzakū a, Petro bi Yesu kī, “Boe ɔlate, fɔnɛnɛ paa kī boya ne awī. Bɔabɔa fɔpɛ elale, nɔ lide lɔmɔa, Mose lide lɔmɔa, Eliya lɛmɛ lide lɔmɔa.” Lɛmɛ etáti enyi letsa a kī de ekale a malo.

XXXIV Kī ekale kɔdzela a, luflututu ka ade de kuyo ko ne be akū a. Fɔtsa bakɔlenɛ a vila ne lɔkɔ a kī luflututu a ka lisua be akū a. **XXXV** Ade odo odi ne eto luflututu a kame ele kī, “Ade yī obi a kī mpau a. Mitse ye kale.” **XXXVI** Kī odo a tsua a, Yesu odi lite ne awā. Fɔtsa bakɔlenɛ a sua onukpẽ ne fukĩ flee akū ade betábi odima kadima ne letsa a kī bemó a akū ne lɔkɔ a na kame a.

Yesu Tsa Kanyolebi Kī Hūhū Kpa Deĩ Ne Ke Kame.

XXXVII Kī kade nyina a, Yesu mo ye fɔtsa bakɔlenɛ elale a ka ɔto a, ade bati kɔdabu baũ kudi yatselamo ye a. **XXXVIII** Onyole odi ne bati a kame boa fowɔla ele kī, “Fɔtsa ɔtsanɛ! Make nɔ aduli dā yī obi kakpa yī, yī obi moapɛ! **XXXIX** Hūhū kpa adi adzi ne ye akū lɔkɔa yabɔa fowɔla. Odetó fɔso ade kadzi ne ye akū, kabɔɛ ye kamuni, lɔkɔa kuvū anɛ ne ye onukpẽ. Fɔafɔ yapila ade hūhū a levá ye awe kafɔnɛ lɛmɛ a. **XL** Nke nɔ fɔtsa bakɔlenɛ a aduli kī beblɔmena hūhū kpa a, lɛmɛ betápuli.”

XLI Ade Yesu bi be kī, “O nviã babi mo ato ɔsĩ kī milá katekado! Lɔkɔ lowɔdabe maana ne mi sekẽ, nna ɔwɔle boɛɛ lɛmɛ nkpa mi?” Ade ebi onyole a kī, “Kpã nɔ obi a kayamena ne awī.”

XLII Kĩ kanyolebi a yeɛ kaya a, hũhũ kpa a boe ye emuni ne tite ade ke odetó foso de fudzi ne ke akũ a. Awã naa Yesu do hũhũ kpa a onukpẽ, ade etsa kanyolebi a ekɔa ke ekpa ɔlega a. XLIII Baguma kɔbẽ baũ lekɛnana kĩ kɛna bati a flee saa.

Yesu Buki Eɛ Kale Ne Ye Wuda Akũ.

Kĩ bati a kakɔna lolɔ kame ne awãwã fotsa a kĩ Yesu kɛna akũ a, ebi ye fotsa bakɔlene a kĩ, XLIV “Mitalɛla letsa a kĩ maabi mi a! Baakɔa Otidziwa Obi a bido ne bati awɛ.” XLV Lɛmɛ fotsa bakɔlene a tánu foe kayɔ. Bɛkɔa foe bɛkɔla be kĩ betanu foe kayɔ ade bivila kĩ bavia ye foe kayɔ a.

Yesu Tsa Oti a Odu Kĩ Ebẽ Flee a.

XLVI Fɔletsa kavɛɛ ya ne fotsa bakɔlene a kame ne owula a kĩ ye bẽ flee ne be kame. XLVII Kĩ Yesu nyi letsa kĩ bɛkakɔna a, evɛ obisẽ odi eyadzɛla ne ye ɔwẽ. XLVIII Ade ebi be kĩ, “Odi nye odi kĩ ete obisẽ kĩ ne yĩ dĩ akũ ni, ade yĩ ete a, ade odi nye odi kĩ ete yĩ ni, ete owula a kĩ edo yĩ fɔto a. Kitonɛkĩ owula kĩ enye obisẽ kɔlaa ne mi kame a, ade ye letɛ kɔya ebẽ a.”

Oti Kĩ Edzɛ Ne Mi Akũ Ni, Etomɔ Mi.

XLIX Yohanes bi Yesu kĩ, “Boe ɔlate, bɔmó onyole odi kĩ ekablɔmena hũhũ kpa ne nɔ dĩ akũ, lɛmɛ busua ye osi, kitonɛkĩ eláa boe kame.”

L Yesu bi ye mɔ fotsa bakɔlene bebã a kĩ, “Mitasua ye osi, kitonɛkĩ odi nye odi kĩ edzɛ ne mi akũ ni, mi etomɛna.”

Samariafɔ Badi Sĩ Yesu.

^{LI} Kĩ loko kawo oto kĩ Baguma aaboe Yesu enamena ode a, esipi kĩ yanaa Yerusalem. ^{LII} Edo foto banyane badi benya ye loto benaa Samaria akula adi kame kĩ benaamane letsa nye letsa bekpa ye kaya. ^{LIII} Leme akula a kame bati sĩ kĩ baáte Yesu, kitonekĩ binyina kĩ etẽ yanaa Yerusalem. ^{LIV} Kĩ Yohanes mo Yakobo nu folets a, bivia Yesu kĩ, “Boe Olate, awe kĩ bove fi butomena ode foyaawola be?” ^{LV} Leme Yesu dani ekã be ane ele kĩ, “Minyina Hũhũ a kĩ ye bade miane! Yĩ Otidziwa Obi a ntaya kĩ mayaawola bati, mbom iya kĩ maate be nkpã.” ^{LVI} Foesũ Yesu mo ye fotsa bakolene a tẽ benaa akula bebã kame.

Bati Badi We Kĩ Batomo Yesu.

^{LVII} Kĩ betse banaa a, onyole odi bi Yesu kĩ, “Maatomo no nnaa kako nye kako kĩ aanaa.”

^{LVIII} Ade Yesu bi ye kĩ, “Kulikii deĩ fudzikõ, kovolabi leme deĩ fotsoe, leme Otidziwa Obi a lelã awã kĩ yate lolo malo.”

^{LIX} Ebi oti bebã kĩ, “Tomõ yĩ.”

Leme oti a le kĩ, “Boe Olate, maatomo no, leme fõ nnaabila nda tõ.”

^{LX} Ade Yesu bi ye kĩ, “Fone bikĩ belã Baguma nkpã moawe a bibila be banokpa. No kõ naa kanaade letsã ne Baguma legãkanyakõ a akũ.”

^{LXI} Oti bebã kõ le kĩ, “Boe Olate, maatomo no, leme fõ nnaakla yĩ kola bati tõ.”

^{LXII} Ade ke Yesu bi ye kĩ, “Oti kĩ edzẽ yapupu, mo yadani kadã liti ni, etáfeta ekpa Baguma legãkanyakõ adzuma a.”

X

Yesu Do Fɔtsa Bakɔlɛnɛ Adueson-nviã Fɔtɔ.

^I Fukĩi liti a, boe ɔlate pau bati aduesɔũ-nviã bebã, ade edo be nviã nviã kĩ benya lotɔ benaa tematɔ mɔ tukula a kĩ ye mɔawɛ yaatsã te kame a kame. ^{II} Ade ebi be kĩ, “Fudutsa a kĩ míave a pɔnɛ lemɛ adzuma bakenanɛ a lepónɛ. Mibɔa mpae mikpa kɔba ɔlate a kĩ edo adzuma bakenanɛ pii beyaave fudutsa a. ^{III} Minaa! Mado mi fɔtɔ ndɛ bavelibi nɛ kulikii kame. ^{IV} Mitabɔɛ sika kuvũ, ïye osi katsã fuvũ, ïye mpabua mile, ade mitafɔ midza nɛ osi kĩ miawɔna odima a.

^V “Nte miwo tɔtɔ tidi kame ni, minya lotɔ mile kĩ, ‘Lukudo lɛya nɛ tɔtɔ kĩi kame.’ ^{VI} Nte oti kĩ yawɛ lukudo deĩ nɛ awã ni, mifɔ mi lukudo a litomɔ ye. Lemɛ nte odima lelãa ni, mi nhila a aamuniki ɛya nɛ mi sekẽ. ^{VII} Mina nɛ tɔtɔ mɔape a kame, minya mimɔa letsa nyɛ letsa a kĩ bekpa mi. Kitonekĩ adzuma ɔkenanɛ odi nyɛ odi sĩ kɔtokase. Mitatu nɛ tɔtɔ mɔa kame minaa tɔtɔ bebã kame.

^{VIII} “Nte miwo ɔmatɔ odi kame mɔ betɛ mi ni, minya letsa nyɛ letsa a kĩ bekpa mi. ^{IX} Mitsa basɔnɛ nɛ ɔmatɔ a kame lɔkɔa mibi bati a kĩ, ‘Baguma legãkanya lɔkɔ a fuã mi.’ ^X Lemɛ nte miwo ɔmatɔ odi kame mɔ betátɛ mi ni, midzakũ minaa ye tɔblɔnu akũ lɔkɔa mile kĩ, ^{XI} ‘Bɔkpa mi ɔmatɔ kudu a nɛ boe abɔa buko nɛ mi akũ. Lemɛ mite anɛ kĩ Baguma legãkanya lɔkɔ a fuã mi!’ ^{XII} Ade mabi mi pipiipi kĩ nɛ bati kadzemena luwi a akũ ni, Baguma aamɔ Sodom ɔmatɔ a kɔnya eba ɔmatɔ a na!

Tematɔ Tidi Kĩ Tisĩ Kale a.

XIII “Bòbòe makpa nò Korasin òmato, bòbòe makpa nò Betsaida òmato a lèmè! Nte Tiro mò Sidon tèmato a kame nkena awāwā fòtsa ni, kufe bidzi nè tite, bisua fumakū akū, betsela batò kòkòe, bekòa betsa kī bedani tòwòle kame.

XIV Baguma aamò Tiro mò Sidon konya nè kadzèmena luwi a akū eba mi. XV Ade nò Kapernaum òmato! Kawe òwe kī adela nò akū nè ode? Baakena nò nè kayò ònaa kanòkpade!”

XVI Yesu bi ye fòtsa bakolene a kī, “Odi nye odi kī yatse mi kale ni, ade yī yatse a. Odi nye odi kī esī mi ni, ade yī esī a. Ade ke odi nye odi kī esī yī ni, esī Baguma a kī edo yī fòtò a lèmè.”

Bati Adueson-nviã a Muniki Beya Nè Yesu Sekẽ.

XVII Bati aduesòũ-nviã a muniki beya mò kawòle beyale kī, “Boe òlate, hūhū kpa malo tse boe nte buwūni nè be akū nè nò dī akū.”

XVIII Yesu bi be kī, “Mmó Abonsam nde odetó kame kamòane aye kī eto ode eyatò. XIX Mitse! Nkpa mi kòbẽ ayekī míapuli misuma bòe mò kòkpòna, ade míanya Okesíne a kòbẽ akū kī letsama leláakena mi a. XX Leme kawòle ketade mi kī hūhū kpa tse mi kale, mbom mimò kawòle kī betsele mi buī biyi nè ode.”

Yesu Mu Baguma.

XXI Nè lòkò a na kame a, Hūhū Kpalèwa a kawòle wo nè Yesu kame ade ele kī, “Yī òlega, tite mò ode òlate, manye nò kòle kitonèkī fòtsa a kī bekòa bekòla kadi banyine mò tuvoli banyine a, ònye foe òtsa bikī binyína tuvoli nde babisẽ aye. Oo, Nda, ade aye koũ òwe kī fòna a.”

XXII Yesu buki eɛ kī, “Nda kɔa letsa nye letsa edo ne yī awe. Odima linyína oti a kī Baguma Obi a ane mbɔente ɔlega a odi keī. Ade aye odima leme linyína oti a kī ɔlega a ane, mbɔente Obi odi mo bikī Obi aawe kī yanye ɔlega etsa a.”

XXIII Ade Yesu dani ebi ye fɔtsa bakolene a odi boe kī, “Leme mi kɔ Baguma hila mi! Mi ane amo ade mi ato leme anu fɔko a. XXIV Mabi mi kī Baguma onukpɛ banyene pii mo fogā we kī bamo letsa a kī mimó finyaa, leme betápuli bemó, ade bewe kī banu letsa a kī mianu a, leme betánu foe.”

Yesu Bi Be Kale Ne Samariani Seme Kale ɔkenane Odi Akū.

XXV Luwi a, Yudani mbla ɔtsane a odi ya kī yasɔ Yesu edā. Evia ye kī, “Fɔtsa ɔtsane, litsa kene kī nkena nna nkpā a kī elá kawūna a?”

XXVI Yesu kpa mbuaye kī, “Litsa Katsela Kpalawa a le? Nde onu foe kayo?”

XXVII Onyole a kpa mbuaye kī, “We no ɔlate, no Baguma kale mo no ɔwɔle flee, no ɔkla flee no kobɛ flee mo no kakona flee, kawe no ɔkoba kale nde ayekī awe no moawe akū a.”

XXVIII Yesu bi ye kī, “ɔle ɔnokɔali. Kena fukī lɔkɔa aana nkpā.”

XXIX Leme mbla ɔtsane kī we kī yakpa ye akū ɔtɔbe, foesū evia Yesu kī, “Owei nye yī ɔkoba?”

XXX Yesu kpa mbuaye kī, “Luwi a, onyole odi to Yerusalem yanaa Yeriko ɔmato kame, ade bayekpane napi ye ne osi a. Bibo ye beyele ye akū tetadie, ade befɔne ye awe biyi ne wuda mo nkpā kayite a. XXXI Foyaya kī ɔsofo odi yatsā ne osi a na akū yatɛ, leme kī emo oti kī a etsā ɔwɛ

etě. **XXXII** Ade ayea Levini leme yatě a. Efuã enadã onyole a, ade ye malo etsã ɔwẽ etě a. **XXXIII** Leme Samariani odi kī etsě osi a akū yamɔ oti a. Kī emɔ oti a, ye akū kɔ ye kɔnya. **XXXIV** Efuã ye ade ekɔa kugua mɔ bave eko ne ye fɔkpa kame esui foe a. Ade ebɔe onyole a ete ne ye mɔawe ɔyae akū, ekɔa ye enamena banɔvɔẽ kasekɔ ade edã ye akū a. **XXXV** Kī kade nyina a, enye sika ekpa kasekɔ a akū ɔdãmenane a ebi ye kī, ‘Dã ye akū. Nte mmuniki matě ni maase nɔ letsa nye letsa a kī aabuki obula kade ne ye akū a kɔtɔ.’ ”

XXXVI Ade Yesu wūna evia ye kī, “Ne nɔ kakɔna onukpě ni, bati elale kī kame a, ɔwɔdabe lenye ye tɔkoba kakena etsa oti a kī ewo ne bayekpane awe kame a?”

XXXVII Ade mbla ɔtsane a kpa mbuaye kī, “Oti a kī emɔ ye kɔnya a.” Yesu bi ye kī, “Kekɔ nɔ malo naa kanaakena foe lomɔ.”

Yesu Nasela Marta Mɔ Maria.

XXXVIII Luwi a, Yesu mɔ ye fɔtsa bakɔlene a tsě ne osi ade benawo akula adi kame a. Otsole odi kī bave Marta te ye ne ye tɔtɔ kame. **XXXIX** Marta deĩ ɔwaětsole kī bave Maria. Edzi ne boe ɔlate ɔwẽ ekatse ye fɔtsa katsa. **XL** Fɔha Marta kī tɔtɔ kame adzuma ko ne ye odi akū, foesū enabi Yesu kī, “Boe ɔlate, fotséla nɔ akū kī nwaě kɔa tɔtɔ kame tudzuma a flee eko ne yĩ odi akū? Bi ye eyaabumena yĩ!”

XLI Ade boe ɔlate kpa mbuaye kī, “O Marta! Dã, aha nɔ akū ne fɔtsa pii akū, **XLII** leme letsa mɔape lisĩ. Maria nye letsa wĩ a kī beláate ne ye awe.”

XI

Yesu Tsa Fotsa Ne Mpaε Kabɔa Akū.

^I Luwi a, Yesu kabɔa mpaε ne kako kadi. Kī eyua a, ye fotsa bakolene a kame ɔmoa bi ye kī, “Boe ɔlate, tsa boe mpaε kabɔa nde ayekī Yohanes tsa ye fotsa bakolene a.”

^{II} Yesu bi be kī, “Nte miabɔa mpaε ni, mile kī, ‘Boe ɔlega, fɔ bekpale no dī akū. No legākanya a keya.

Bekena ne no kawε akū,
ne tite akū nde ayekī bakena ne ode a.

^{III} Kpa boe luwi nye luwi funitsā a kī fusī boe a

^{IV} Kɔa boe tɔkpa kate boe
kitonekī boe malo bɔakɔa odi nye odi tɔkpa
kī ekena ne boe akū a kate.

Tafɔ buwo ne sohue kame,
mbom nye boe katomena tɔkpa kame.’ ”

^V Ade Yesu bi ye fotsa bakolene a kī, “Mibɔε foe kī mi kame odi naa ɔkɔba sekē mo lenye kayite enabi ye kī, ‘ɔkɔba, ve abodoo fɔbɔ elale kakpa yī, ^{VI} kitonekī yī ɔkɔba odi to osi mo lugo akū eyase yī finyaakū, ade nlá funitsā fudima kī makpa ye a!’

^{VII} “Bɔε foe kī no ɔkɔba a né ne kola kame ekpa mbuaye kī, ‘Taha yī kolaa! Ndo kola safi ade bɔmo yī babi bɔwa kɔkɔε. Nlápuli mbuki iyidza mbɔε letsama nkpa no finyaa.’ ^{VIII} Mabi mi kī nte ne be tɔkɔba kakena sū ni, eláyidza. Leme ne ayekī edzēmena opunu kabɔa sū ni, yaayidza ekpa ye letsa nye letsa kī lisī ye a.

IX “Foesū mabi mi kī mivia fotsa lōkōa baakpa mi, miwe lōkōa míamō foe, mibōa opunu lōkōa baabinya bekpa mi. **X** Kitonekī odi nye odi kī ewā fotsa ni, yaana foe. Odi nye odi kī ewe litsedi ni, yaamō de, ade odi nye odi kī yabōa opunu ni, baabinya bekpa ye.

XI “Mi kame ɔwɔdabe kī enye obilega, aakōa kōe ekpa obi nte evia ye kafɔabi? **XII** Īye ekōa kakpōna ekpa ye nte evia ye ɔkoko lige? **XIII** Tito kī minye tōkpa bakenane malo ni, minyina ayekī miate mi babi fotsa wī. Nde fōaya mō boe ɔlega ne ode lelākōa ye Hūhū Kpalēwa a ekpa bikī baavia ye a!”

Bati Badi Te Atsindze Ne Yesu Kɔbē Akū.

XIV Luwi a, Yesu kablōmena hūhū kpa kī yaále kɔdzela etomena odi kame. Kī hūhū kpa a ne a, oti a yi kɔdzela kale kayo. Fukī kēna bati a kī bedza ne awā a wāwā. **XV** Leme bati a badi le kī, “Hūhū kpa legā a kī bave Beelzebul a lekpa ye kɔbē ekōa eblōmena hūhū kpa a.” **XVI** Ade badi leme we kī baso Yesu bedā, foesū bibi ye kī ekēna awāwā fotsa ekōa etsa kī Baguma sekē eto.

XVII Leme Yesu nyi letsa a kī bekakōna a, foesū ebi be kī, “ɔmaī kī esē ne kutsu kutsu kame, mō lema né ne ye kame ni, ɔmaī a na aawo. Ade aye toto nye toto kī te kame bati sē be akū ni, tayale. **XVIII** Foesū nte Abonsam legākanyakō a sē ne kutsu kutsu kame mō banō akū lema ni, nde kanyakō a na aapuli kedza? Miale kī mablōmena hūhū kpa kitonekī Beelzebul lekpa yī kɔbē sū. **XIX** Nte aye mablōmena hūhū kpa a ni, nde bikī bitomō mi a ablōmena hūhū kpa? Mi mōawe bati

a nye mi kayo betsa kī fōvā miama. **XX** Oowo! Mbom Baguma kobē akū fotsē mo mablomēna hūhū kpa, foesū fukī atsa yededeede kī Baguma legākanya a wo mi sekē kōkōe.

XXI “Nte odi kī edeī kobē dzi akpadza, edzi yadzole ye toto ni, enyina kī ye akū fotsa waa pēpēpē. **XXII** Leme nte odi kī edeī kobē ebē ye yano mo ye enya ye akū ni, yafila ye kawūkanō fotsa a kī ete ane ne foe akū a esē fotsa a kī ete a.

XXIII “Odi nye odi kī enyé yī ode ni, edzē ne yī akū paa, ade odi nye odi kī yaábumo yī bokpota ni, fotsa elamēna kayale paa.”

Hūhū Kpa Kamuniki Kaya.

XXIV “Nte hūhū kpa né ne oti kame ni yanaatsā kamini ne foko wolewa kawē kasekō. Nte etāna kasekō ni, yabi ye akū kī, ‘Maamuniki nnaa yī toto a kī te kame nné nto a kame.’ **XXV** Foesū yamuniki kanaamo kī beyo toto a kame bemanē letsa nye letsa pēpēpē. **XXVI** Lokoa yamuniki kanaawe hūhū kpa evūkōno kī bideī ablo bebē ye kabumo ye akū bayaadzi ne awā. Nte foya lomo a, oti a kadzi kame abu kade kaba ayekī fona ne kayokayi a.”

Yesu Tsa Fotsa Ne Kawole Wī a Akū.

XXVII Kī Yesu kale foletsa kī a, otsole odi boā fowola ne bati kodabu a kame ele kī, “Baguma hila otsole a kī ema nō, mo leme a kī de omeme a!”

XXVIII Leme Yesu kpa mbuaye kī, “Mbom bihila bikī batse Baguma kale, kī bakēna ne ke akū leme a!”

Yesu Sī Kī Yaákena Awāwā Fōtsa Etsa.

XXIX Kī bati kōdabu a bōa opim ne Yesu akū a, ele enaa lōto kī, “Nviā babi nye bati kpa paa! Bawe nsentseleni fōtsa bemó leme beláamō fudima keba Baguma Onukpē Onyene Yona fude a. XXX Nde ayekī Yona nya nsentseleni ekpa Ninivefō a, ade aye Otidziwa Obi a leme aanya nsentseleni nkpa nviā babi a. XXXI Ne Kadze Luwi a akū ni, Seba Legātsole a aayidza edza ekō nviā babi kōto kitonekī eto ye tite akū ne kakō mō lugo enatse Legā Salomo kadikanyi fōtsa katsa a, leme mabi mi kī odi kī ebē Salomo deī ne awī. XXXII Ninivefō leme aayidza beko mi kōto ne Kadze Luwi a akū, kitonekī bedani towole kame loko a kī Yona bi be Baguma kale a. Leme mabi mi kī odi kī ebē Yona deī ne mi kame ne awī.

Yesu Tsa Letsa a Kī Lakpale Oti Akū.

XXXIII “Odima látēna osedza kakōla ye iye kakōa lōoda kasua ye. Mbom bakōa ye kate ne osedza otse akū ayekī nte bati awo ne toto kame ni, baamō foko yededeede. XXXIV Oti banebi kena nde osedza ekpa ye kutitse. Nte nō ane amō kamō wī ni, nō kutitse a flee deī ne ohaī kame. Leme nte nō ane lenéne ni, nō kutitse a flee aana ne otū kame. XXXV Foesū dā kadā wī lokōa ohaī a kī edeī ne nō kame a etadani ekena otū. XXXVI Nte nō akū flee kena haī mō nō kakōma lelāa otū kame ni, nō akū flee aakpale nde ayekī osedza ako ne fōtsa akū kakpale foe a.”

Yesu Kā Farisifo Mō Mbla Batsane Ane.

XXXVII Kī Yesu yua kōdzela a, Farisini odi tselamō ye kī eyaanya ne ye sekē. Foesū enaa

awã ene edzi kī yanya. **XXXVIII** Fokena Farisini a wãwã kī emo kī Yesu távøle awe nde ayekī mbla tsa a fomø eyi kanya kayo.

XXXIX Foesū boe Olate bi ye kī, “Finyaa ni, mi Farisifo miavøle mi tokøøpu mo fòdae liti, leme anengbã mo ablo yi mi kame tetete. **XL** Bakoasia! Nné Baguma a kī ekena fotsa fomede a lekena kanya fude a leme mbøe? **XLI** Mikoa fotsa a kī fudei ne tokøøpu mo fòdae kame a mikpa ahiãfo lokoa mi letsa nye letsa akū aakpale ne Baguma ane.

XLII “Bøbøe makpa mi Farisifo! Miakoa tenye kumekume kī taboa mo olẽ mo olẽ a te katsu kawuade kakpa Baguma, leme misī otøbe kakpa bati ade miáwe Baguma kale leme a. Ade fukīi bame kene kī miakena mibumø foe nkae a.

XLIII “Bøbøe makpa mi Farisifo! Miawe banokøẽ fudzikø ne mi katsenakø ade miawe kī bati bewõna mi mo obu ne koya a.

XLIV “Bøbøe makpa mi! Mila nde funi kī betáyi foe osū, kī bati tsẽ ne foe akū ne katanyi kame.”

XLV Ne awã naa Yudafø mbla batsane a kame omøa bi ye kī, “Fotsa Otsane, nte øle fukīi ni, ovūna boe malo.”

XLVI Yesu kpa mbuaye kī, “Bøbøe makpa mi mbla batsane a leme. Milóla bati følotsa kī foe kalo deĩ oløme, leme mi mawe miáyo awe kī míabumø be fotsa a kalo.

XLVII “Bøbøe makpa mi paa kitonekī mike funi mokale mikpa Baguma onukpẽ banyene a. Ade Baguma onukpẽ banyene a kī mi bawanyø ko a. **XLVIII** Mi mawe a mitunø kī letsa a kī mi bawanyø kena a nene. Bekø Baguma onukpẽ banyene a ade mi mike be funi a. **XLIX** Ne fukīi sū Baguma

ne ye kadikanyi kame le kī, ‘Maado Yī onukpě banyene mo foto banyane ne be sekě. Baako badi, bitomo babebā leme liti.’ ^L Foesū baavele nviā bati soto ne Baguma onukpě banyene flee a kī beko, kito ane katinya kayokayi a. ^{LI} Kito Abel kako kenawo Zakaria kī beko ne afolibō atenye mo kako kpalewa kayite a. Nuwī paa kī, baavele nviā babi soto ne fukī flee sū!

^{LII} “Bobōe makpa mi mbla batsane a. Kitonekī mikola safi a kī sabinya kadikanyi kola a. Mi moawe misī kī miáwo ne koe kame ade miasua bikī babōa mbodi kī bawo a leme osi a!”

^{LIII} Kī Yesu dzakū ne awā a, Farisifo mo Yudafō mbla batsane yi foletsa kavele kayo mo Yesu mo osī mo osī, ade bekavia ye foletsa ne fotsa pii akū, ^{LIV} bekabōa mbodi kanaī kī bapi ye ne ye kodzela kale kame a.

XII

Kode Ne Ane Kame Keke Odi Fokelatsa Akū.

^I Bati mpim mpim yakpota limii kī bekasumini akū malo. Yesu nya lotō ebi ye fotsa bakolene a kī, “Midā kadā wī paa ne Farisifo oyila fotsa a kī fonye ane kame keke fotsa katsa a akū. ^{II} Letsa nye letsa kī bisua bido ni, baanye de kanya, ade foletsa kolawa fudi nye fudi ni, bati aanu foe. ^{III} Foesū kale nye kale kī bele ne otū kame ni, baanu ke mo suwa ketee ade kale kī biwusa mido ne odi soto kame ni, baade letsā ne ke akū.

Mivila Baguma, Nné Otidziwa.

^{IV} “Nwaě ame, mabi mi kī mitavila bikī baako sukena leme ke liti beláapuli bekena letsama foba foe. ^V Maatsa mi oti a kī kene kī miavila.

Mivila Baguma a kī nte εκο bati eyua edeĩ kobẽ kī yaata be edo ne fi kī foádĩ kame. Mite yĩ mido, ade ye nye oti kī kenε kī miavila a. ^{VI} Nné kaple nviã banɔ funitataε elo? Lεme Baguma lálεla kamɔape malo. ^{VII} Mi lolɔ tolɔ malo bekã te flee, foesũ mitavila, kitonekĩ mite kɔya mibẽ funitataε beblebee.

Midza Ne Kristo Liti Pintii.

^{VIII} “Mabi mi yededeede kī odi nye odi kī ελε ne bati anε kī enye yĩ ode ni, Otidziwa Obi lεme aakena lomɔ ekpa ye ne ode foto banyane a anε. ^{IX} Lεme odi nye odi kī esĩ yĩ ne bati anε ni, Otidziwa Obi lεme aasĩ ye ne ode foto banyane a anε. ^X Odi nye odi kī yaale kale kadi etia Otidziwa Obi ni, baakɔa bite ye, lεme odi nye odi kī yaale fubusuotsa ne Hũhũ Kpalεwa akũ ni, beláakɔa bite ye da.

^{XI} “Foesũ nte bekpã mi banaadzεmɔ mi ne Yudafɔ katsenakɔ, ĩye abãã banɔkɔẽ anε ĩye fogã anε ni, mitaha akũ ne ayekĩ míapili mi lolɔ ĩye letsa a kī míale a akũ. ^{XII} Kitonekĩ Hũhũ Kpalεwa aatsa mi letsa a kī míale ne lokɔ a kame.”

Legbã Ne Osikani Okɔasia Odi Akũ.

^{XIII} Onyole odi ne bati kodabu a kame bi Yesu kī, “Fɔtsa Otsane, bi nwaɛnyole εfɔ bosẽ boe ɔlega adzapadiε a kī ekɔa eyi boe a.”

^{XIV} Ade ke Yesu kpa ye mbuaye kī, “Nwaẽ, owei lekpa yĩ osi kī ndze mi foletsa ĩye nsẽ adzapadiε nkpa mi bati nviã kĩĩ?” ^{XV} Ade ebi be flee kī, “Mídã kadã wĩ, lokɔa mipi mi akũ ne anengbã akũ, kitonekĩ oti nkpã lelãa akũ fotsa kame.”

XVI Ade Yesu boa be legbã ele kī, “Luwi a, osikani odi kī edzi tō na tite kī yanye funitsã wī ne te kame. **XVII** Ele ne ye kame kī, ‘Nlá awã kī mako yī funitsã kīī flee. Litsa maapuli nkena?’

XVIII “Ebi ye akū kī, ‘Ade fukīī maakena a. Maapansam yī tepata lokoa nke tebaūbaū awã kī maateε yī fugbanɔ mo yī fotsa bebã flee. **XIX** Lokoa maabi yī okla kī, “Ɔna lolɔ wī paa. Odeī fotsa wī kīī flee kī fɔakpã no ne futeli pii kame. Dzi kaweya, kanya, kamoa, kamo kawole.” ’

XX “Leme Baguma bi ye kī, ‘Ɔkoasia! Lenye moape kīī baate no nkpã ne no awe, lokoa owei aanya fotsa a kī omane oyi okpa no akū a?’ ”

XXI Ade Yesu wūna ele kī, “Ade aye fola fokpa bikī a kī bemanε fotsa pii bekpa be akū leme betáte koya ne Baguma anε a.”

Mite Anε Ne Baguma Akū.

XXII Ke liti a, Yesu bi ye fotsa bakolene a kī, “Foesū mabi mi kī mitaha akū ne letsa a kī míanya midzi nkpã, ñye letsa a kī míasua akū a akū. **XXIII** Minyi kī nkpã te koya eba funitsã, ade kutitse leme te koya koba tilima a. **XXIV** Midã anande, yaádu funitsã ade yaákpɔta funitsã leme a. Elá oli ñye funitsã kakokō leme Baguma adoola ye. Mi kō mite koya kolaa miba kovolabi. **XXV** Mi kame owei aapuli ekoa luwi moa ete ne ye nkpã fuwi akū nte eti eha ye akū bo aye malo? **XXVI** Nte oláapuli okena letsama ne fotsa kabii kīī akū ni, nde sū aha no akū ne fotsa bebã akū?

XXVII “Midã ayekī flawasi abo anε. Fɔákena adzuma ade foáno tilima kakpa foe akū a. Leme mabi mi kī Legã Salomo mo ye akū kana fotsa a

flee malo táhehe fole kadã nde nhuile kĩ kame fomoa. ^{XXVIII} Baguma akesele lupu kame tuwĩ. Tuwĩ adza nviã, kunya tiku, lokoa bipila te. Nde sũ Baguma lelãadã kĩ ekpa mi letsa a kĩ míasua akũ eba tuwĩ a? Mi katekado adã kabii koũ! ^{XXIX} Foesũ mitakaha akũ kolaa, mitakabu lolu kame luwi daa ne letsa a kĩ míanya mo likĩ miamoa akũ. ^{XXX} Kitonekĩ bikĩ betáte Baguma bido a, ade be adzi kabu lolu kame ne fukĩ bame odu akũ a. Mi Olega nyina kĩ misĩ fotsa kĩ flee. ^{XXXI} Mbom miwe Baguma legãkanyakõ a akũ osi lokoa yaakpa mi fotsa kĩ flee leme.

Mite Ane Ne Ode Legãkanya Fotsa Akũ.

^{XXXII} “Mi sukuloo a kĩ mitomo yĩ a, mitavila, kitonekĩ fonye Baguma kawe kĩ yaakpa mi fudzikõ ne ye legãkanyakõ a kame. ^{XXXIII} Minu mi akũ kana fotsa mikoa foe sika a mite ahiãfo. Minu sika fuvulumu a kĩ folãakpeli a mikpa mi akũ, lokoa mikola mi akũ kana fotsa ne ode legãkanyakõ a. Awã naa, foe akũ lelãatinya kitonekĩ oyekpane lelãapuli eta foe ade lupuka lidima leme lelãapuli libula foe kade a. ^{XXXIV} Kitonekĩ awã kĩ nu akũ kana fotsa siwa deĩ ni, ade awã nu owole leme aana a.

Mina Ne Kukũmane Kame.

^{XXXV} “Mina ne kukũmane kame mikpa letsa nye letsa kĩ laaya, mido tetadie mikpa adzuma kakena lokoa mifõ mi tesedza tekaatẽ, ^{XXXVI} nde basumune kĩ bidzi badzole be Olate kamuniki kato obolitsõ kapikõ kaya. Nte eyaboa opunu ni baabinya bekpa ye moatse. ^{XXXVII} Kawole aade basumune nte be Olate a yamo kĩ bemane akũ bidzi badzole ye kaya. Mabi mi kĩ yaakoa ye

lima efili ne kate, εἶς bidzi lokoa εἰς funitsã ekpa be benya. ^{XXXVIII} Kawole aade bikĩ baana ne kukũmanε kame titiliwu nte εya ne lenye kayite ĩye odenyinawi. ^{XXXIX} Ade minyina kĩ nte toto òlate a enyi lokò a kĩ oyekpane aya ni, kufe eláakpa ye osi ebubuli ye kola ewo. ^{XL} Ade ayea kene kĩ mi malo mina ne kukũmanε kame a, kitonekĩ Otidziwa Obi aaya ne lokò a kĩ miláate ane a kame.”

Osumune Kĩ Yadi Ɔnokɔali Mɔ Ekĩ Yaádi Ɔnokɔali.

^{XLI} Ade Petro via Yesu kĩ, “Boe òlate, boe odi ɔboɔ legbã kĩ ɔkpa mbɔεε kĩ latamɔ odi nye odi?”

^{XLII} Yesu kpa mbuaye kĩ, “Owei nye osumune ɔnokɔalini mɔ kadi onyine? Ade ye nye ekĩ ye òlate kɔa edzela kĩ ekaadã toto akũ, ekpa basumune bebã a funitsã ne lokò wĩ akũ. ^{XLIII} Kawole aade osumune a kĩ ye òlate ayamɔ ye kĩ elamena fukĩ kakena! ^{XLIV} Ɔnokɔali, mabi mi kĩ òlate a aakɔa osumune kĩ edzela ne ye fɔtsa a kĩ edeĩ flee a onukpẽ. ^{XLV} Leme nte osumune a bi ye akũ kĩ, ‘Yĩ òlate buna owi ne osi akũ.’ mɔ eyi ye bakɔba basumune batsole mɔ banyole kabo kayɔ, kanya pɔtɔɔ, kamɔa bave kawuga leme ni, ^{XLVI} ye òlate ayafuta ye luwi mɔa ne lokò a kĩ étáte ane ĩye eláanyi kame. Òlate a aavele ye soto mɔ ɔsĩ mɔ ɔsĩ nde bikĩ bideĩ ato ɔsĩ aye.

^{XLVII} “Osumune a kĩ enyina ye adzuma kĩ ye òlate kpa ye leme étámanε akũ ekpa foe kakena ni, yaate soto kavele mɔ ɔsĩ paa. ^{XLVIII} Leme osumune kĩ enyina letsa kĩ ye òlate awe, leme ekena letsa kĩ a lefeta soto kavele ni, baavele ye

soto sukuloo. Oti kī bekōa fōtsa pii bido ne ye awε ni, baavia foe pii bitomena ye awε. Ade oti kī bekōa fōtsa pii kī fublusu bido ne ye awε ni, baavia foe pii kī fublusu bitomena ye awε.

Bati Aasē Be Akū Ne Yesu Sū.

XLIX “Nkōa kadani vōē kī fonye fi iyaatena ne katinya kame ade nwe kī kufe fi a fuyi katē kayo kōkōe a. **L** Ndeī mui kawōla lubo kamō adi kī maate ade ke fōakaha yī owōle flee kenaawo luwi a kī lubo kamō a atē ne yī akū a. **LI** Miakōna kī lukudō nkōa iyamena ne katinya kame mbōee? Oowo! Nné lukudō mbom odze mō kasē iyamena. **LII** Kito finyaa kanaa a, tōtō kī bati elo deī ne te kame ni, kasē aaya ne be kame. Be elale ayidza bedza ne be nviā akū ade be nviā aayidza bedza ne be elale akū a. **LIII** Babilega aayidza bedza ne be babinyole akū, ade babinyole aayidza bedza ne be balega akū a. Babima aayidza bedza ne be babisole akū ade babisole aayidza bedza ne be bama akū a. Nyina ame aayidza bedza ne be babi batsō akū ade babi batsō aayidza bedza ne be nyina ame akū a.”

Miyi Loko a Jsū.

LIV Yesu buki ebi bati a kī, “Nte mimó kī oni dza ne suwa katomukō ni miale kī oni aako, ade yako lemε a. **LV** Ade ke nte mimó kī owε bōa eto kayo semake ni, miale kī ovio ya, ade fōaya lomō a. **LVI** Mi anε kame kεkε fōtsa bakenanε, miapuli kadā tite mō odetó kame kamō kale letsa a kī laaya. Nde sū miápuli minye nviā loko kī kayo?”

Kena Ɖmɔa Mɔ Nɔ Okesĩne.

^{LVI} “Nde sũ miápuli mike otse mikpa mi akũ ne letsa wĩ a kĩ kene kĩ mikena akũ? ^{LVIII} Nte odi bɔe kale ne nɔ akũ ni, tsã osi nye osi akũ mimo ye mile foe fɔmɔ yanaadza ne fɔletsa kadzekõ. Nte nné aye ni yaavele nɔ ema fɔletsa ɔdzene ade ye malo yaakɔa nɔ ekpa polisifo benaado nɔ ne kɔla a. ^{LIX} Mabi nɔ kĩ ade awã aana flee kenaawo loko a kĩ ose kɔto a flee oyua a.”

XIII

Nte Mitádani Tɔwɔle Kame Ni, Míaku.

^I 1 Loko a na kame a, bati badi yakpa Yesu kanyi kĩ Pilato kɔ Galileafɔ badi ne loko a kĩ bekabɔa afɔlie ne Asɔli Kɔla kame ne Yerusalem. ^{II} Yesu kpa mbuaye kĩ, “Mikɔna kĩ Galileafɔ a kĩ beko a tene titikpa kakena kaba Galileafɔ bebã flee a sũ? ^{III} Oowo, nné aye kɔlaa! Mabi mi kĩ nte mitádani tɔwɔle kame ni, mi a flee míaku nde be aye. ^{IV} Nde nye bati ewua-alê a kĩ Siloam kɔla gɛɛɛɛ vɛli kɔkɔ be a? Mikɔna kĩ be nye titikpa bakenanɛ beba bikĩ ne Yerusalem flee a? ^V Oowo! Nné aye fɔla kɔlaa! Mabi mi kĩ nte mitádani tɔwɔle kame ni, míaku nde be aye.”

Legbã Ne Ato Kutse Kĩ Kɔáwũ Akũ.

^{VI} Ade Yesu bɔa be legbã ɛɛ kĩ, “Loko lidi onyole odi du ato kutse ne ye kɔba kame. Ekasɛla kadã nte yaana ato babi ne koe akũ lemɛ ɛtána badima. ^{VII} Ade ke ebi ekĩ yadãmena kɔba akũ kĩ, ‘Dã! Ade futeli ɛlale mɔa flee kĩ maya ne awĩ kayaawe kutse kĩĩ babi lemɛ maámɔ badima.

Tsua koe kamuni. Nde sũ koadza kɔkabula tite a kade?’

^{VIII} “Leme kɔba akũ ɔdāmenane a kpa mbuaye kī, ‘Ɔnokɔẽ, fõ kɔdza, kpa yĩ kateli moa kabu. Maatu nsinya koe lɔkɔa nko fɔtsa a kī fɔakpa koe tite kanɔ. ^{IX} Nte kuwũ ato babi kateliva ni, kekõ fɔnene. Leme nte kɔtawũ babi ni, aapuli ɔfõ bitsua koe bimuni.’ ”

Yesu Tsa Otsole Odi Kĩ Eveliveli Ne Kaweya Luwi Akũ.

^X Ne Kaweya Luwi lidi akũ ni, Yesu katsa fɔtsa ne Yudafɔ katsenakõ kadi. ^{XI} Otsole odi kī hũhũ kpa do ye fɔsɔ mo akũ futeli ewua-alẽ flee na ne awã. Fɔsɔ a fõ ekũkũ ebuki yaápuli eyo akũ kpĩ. ^{XII} Kĩ Yesu mo ye a ɛve ye ebi ye kī, “Boe ɔma, benye nɔ ne fɔsɔ kame!” ^{XIII} Yesu kɔa awe ete ne ye akũ. Letaleta otsole a puli eyo akũ kpĩ ade ke emu Baguma a.

^{XIV} Ɔnokɔẽ a kī yadāmena Yudafɔ katsenakõ a na kalɔkpa paa kī Yesu tsa ɔsɔne ne Kaweya Luwi akũ, foesũ ebi bati a kī, “Fuwi evũ deĩ kī foe kame kene kī bɔkena adzuma. Foesũ miya ne fuwi kī kame betsa mi fɔsɔ, leme nné ne Kaweya Luwi a akũ!”

^{XV} Boe Ɔlate kpa ye mbuaye kī, “Mi ane kame keke fɔtsa bakenane, mianye mi bayae towẽ bannaamɔa mui ne Kaweya Luwi akũ. ^{XVI} Finyaakĩ amɔ Abraham kasinu kame obi kī Abonsam do ye fɔsɔ mo akũ futeli ewua-alẽ flee. Fɔnene kī banye ye ne towẽ kame ne Kaweya Luwi a akũ?”

^{XVII} Mbuaye a kī Yesu kpa a fõ konyɔã wo ye bakesĩne a, leme kawɔle de bati a ne awãwã fɔtsa flee a kī ekena a sũ.

Yesu Kɔa Ode Legãkanyakõ a Ekɔnamɔ Kutse Libi Kabii Lidi.

^{XVIII} Ade Yesu via kã, “Nde Baguma legãkanyakõ a la? Litsa maakɔa nkɔnamɔ de? ^{XIX} Fɔla nde fudutsa libi kabii ki onyole odi bɔe enadu ne ye kɔba. Libi a me libo ane lekɛna kutse, ade kɔvolabi yakɛna fɔtsɔe ne koe tenane kame a.”

Yesu Kɔa Ode Legãkanyakõ a Ekɔnamɔ Oyila Fɔtsa.

^{XX} Yesu buki evia kã, “Litsa maakɔa Baguma legãkanyakõ a nkɔnamɔ? ^{XXI} Fɔla nde ayekĩ otsole kɔa oyila fɔtsa etseka ne bodobodo onuvoe baũ kame, fɔna flee kenawo kã evuya puu.”

Onyukpẽ Kĩ Etása.

^{XXII} Lɔko a kã Yesu anaa Yerusalem a, enatsã temato mɔ tukula kame ekatsa bati fɔtsa. ^{XXIII} Ade odi via ye kã, “Boe ɔlate, mbɔe bati sukuloo aana katẽ?”

Yesu kpa ye mbuaye kã, ^{XXIV} “Bɔa mbɔdi katsã onyukpẽ a kã etása a kame kawo, kitonekĩ bati pii abɔa mbɔdi kã bawo leme beláapuli. ^{XXV} Kɔla ɔlate a aayidza eyaabale kɔla a, ade nte midza ne kanya mikabɔa opunu kale kã, ‘Boe ɔlate, binya kakpa boe ni.’

“ɔlate a aakpa mbuaye kã, ‘Ínyína mi mɔ awã kã mito!’

^{XXVI} “Ade ke míale kã, ‘Bɔmɔ nɔ lenya bɔmɔa ade ɔtsa fɔtsa ne boe ɔmato kame leme a!’

^{XXVII} “Leme yaakpa mbuaye kã, ‘Ínyína awã kã mito! Midzakũ ne yĩ ɔwẽ, mi tɔkpa bakenane.’

^{XXVIII} “Awã naa, kabe kadi kã míabe, miba adõ nte mimó Abraham, Isak mɔ Yakob mɔ Baguma

onukpě banyene a flee ne ode legākanyakō a kame, leme mi kō beblōmena mi kī mitawo. **XXIX** Bati aato suwa kadekō mō suwa kato-mukō, kayo mō nyange beyaanya bemoa ne ode legākanyakō a. **XXX** Ade bati a kī bekpa liti finyaa a, badi aadani batonyade, ade bikī benyaa loto finyaa a, badi aadani liti bakpane.”

Yesu Deĩ Ɔdo Ekpa Yerusalem.

XXXI Ne loko a na kame a, Farisifo badi yabi Yesu kī, “We sowa kadzakū ne awī kīi kanaa kako bebā, kitonekī legā Herodes we kī yaako no.”

XXXII Ade ke Yesu bi be kī, “Minaabi kalikii a kī, ‘Nviā mō kunya flee maakablōmena hūhū kpa, maatsa foso leme, ade ne luwi lalalēde a akū ni, maayua yī adzuma.’ **XXXIII** Leme kene kī mpi osi, nviā, kunya mō kukunya, kitonekī fōtāfeta kī bako Baguma onukpě onyene ne kakoma keba Yerusalem.

XXXIV “Yerusalem, Yerusalem! No bati ko Baguma onukpě banyene a ade betale bikī Baguma do ne no sekē a boe beko be a. Titi eni ntawe kī makpota no babi nde ayekī okokobima api ye babi kado ne ye fupoki kayo, leme otākpa yī osi. **XXXV** Ne foesū finyaa no Asoli Kola aawaa luto. Ade mabi mi kī milāabuki mimó yī kenaawo loko a kī miale kī, ‘Baguma hila ekī yaya ne boe Ɔlate dī akū a!’ ”

XIV

Yesu Tsa Ɔsone Odi Ne Ne Kaweya Luwi Akū.

¹ Ne Kaweya Luwi lidi akū ni, kī Yesu naanya ne Farisifo onokoē odi awā a, bati a ko ane bekadā

ye. ^{II} Onyole odi kī ye akpo mo aboa wumi dzi ne ye ane kame. ^{III} Ade ke Yesu via Farisifo mo mbla batsane a kī, “Boe mbla kpa osi kī betsa oti ne Kaweya Luwi akū mboee kī etákpa osi?” ^{IV} Leme bisī betákpa ye mbuaye. Ade Yesu ta oti a etsa ye, enye ye osi edzakū a.

^V Ade edani ebi be kī, “Nte mi kame odi obi iye onantsue to mui leke ne Kaweya Luwi akū ni, miáwe sowa kanaanye ye ne leke a kame?”

^{VI} Leme betápuli bekpa ye foe mbuaye.

Yesu Fotsa Katsa Ne Akū Kadola Mo Seme Kale Kakena Akū.

^{VII} Kī Yesu mó ayekī bati a kī beve ne kanyakō kawāne banokōē fudzikō a, eboa be legbā kī kī, ^{VIII} “Nte odi ve no ne obolitsō kapikō ni, tanaadzi ne banokōē kadzikō, kitonekī fōapuli fōya kī eve odi kī edeī obu ebē no, ^{IX} lokoa oti a kī eve mi bati nviā ayabi no kī, ‘Koa no lukpo kakpa oti kī’ ade ke aakoa konyōā oyidza onaadzi ne kako nkae a. ^X Mbom nte beve no ne kako kadi ni, naadzi ne kako a kī ketáte koya, ayekī nte ekī eve no a yamo no ni, yaabi no kī, ‘Okoba, yidza kanaadzi ne awā kī ketete koya a.’ Awā naa bati bebā flee a kī beve a aakoa obu bekpa no, ^{XI} kitonekī odi nye odi kī edela ye akū ne ode ni, baakena ye ne kayo, ade odi nye odi kī edola ye akū ni, baadela ye ne ode!”

^{XII} Ade Yesu bi oti a kī etselamo ye ne kanyakō a kī, “Nte ote opunu okpa bati ni, tave no bakoba, awaē ame, no kola babi iye no badzi koba a kī bideī akū a, ayekī baave no malo onanya ne be sekē bise koto. ^{XIII} Mbom nte ate opunu

ni, ve ahiãfɔ, bikĩ bene lekpeẽ, bikĩ biveliveli mo banekune. ^{XIV} Fukĩ aafɔ Baguma lihila no kusekuse, kitonekĩ beláapuli bise no foe koto. Leme Baguma aase no koto ne luwi a kĩ bati wĩ aayidza bito kanokpa a.”

Legbã Ne Ode Opunu Kpale Kate Akũ.

^{XV} Kĩ bati a kĩ bidzi ne opunu akũ bekanya kame omoa nu foletsa a kĩ Yesu le a, ebi ye kĩ, “Kawole aade bati a kĩ baadzi ne opunu akũ ne ode legãkanyakõ a.”

^{XVI} Yesu bi ye kĩ, “Luwi a onyole odi te opunu ene bati beblebee. ^{XVII} Kĩ kanya loko wo oto a edo ye osumune kĩ enaave bikĩ etselamena a kĩ, ‘Miya. Buyua Letsa nye letsa!’ ”

^{XVIII} “Leme bati a kĩ etselamena a flee kame odi nye odi nye onukpeẽ. Oti otonyade bi osumune a kĩ, ‘Nnaya tite finyaa, foesũ kene kĩ nnaadã te, make no aduli nláapuli ãya.’

^{XIX} “Oti bebã leme le kĩ, ‘Ïya banantsue ewua, kĩ kene kĩ nkpã be nnaaso be ndã nte baapuli bekena adzuma kakena wĩ. Make no aduli, nláapuli ãya.’

^{XX} “Oti bebã leme le kĩ, ‘Woadzo nkoa otsõ, foesũ nláapuli ãya.’

^{XXI} “Osumune a muniki enabi ye olate letsa a kĩ leya a flee. Awã naa olate a na kalokpa paa ade ebi ye osumune a kĩ, ‘We sowa kanaa toblonu mo fola fuyite ne omato a kame, kakkpã ahiãfɔ, lekpeẽ banene, banekune mo bikĩ biveliveli a kayamena.’

XXII “Owi tábuna mo osumune a yabi ye kī, ‘Yī ɔlate nkenā ne nɔ ɔledo akū, leme fudzikō buki fute.’

XXIII “Ade ke ɔlate a bi ye kī, ‘Naa tɔblonu mo fusikū akū ne tukula kame, kabi be kī beya ayekī kɔla a kame aayi. XXIV Mabi mi a flee kī, bikī be ĩnya lotɔ nve a kame odima leláata yī funitsā a onukpē!’ ”

Kode Ne Fɔtsa Okolene Lubokamo Akū.

XXV Luwi a, kī bati kɔdabu tomɔ Yesu a, edani ebi be kī, XXVI “Nte odi ya ne yī sekē, mo yawe ye ɔlega, ɔma, ɔtsō, babi, bawaeñyole mo bawaeñsole, mo ye moawe akū kale kaba yī ni, eláapuli enya yī fɔtsa okolene. XXVII Odi nye odi kī etábɔe ye asendua elo etomɔ yī ni, eláapuli enya yī fɔtsa okolene.

XXVIII “Nte mi kame odi awe kī yake kɔla baũ kudi ni, yaanya lotɔ kadzi kabu kɔla a kake akū akunta kadā, kamɔ nte yaana sika epuli eke kɔla a ewūna? XXIX Nte etákena foe lomɔ ni, eláapuli eyua kɔla a titɔ kī eke kayɔkayi futekū malo. Ade ke bati flee a kī bamɔ foe a aadi ye nsekuo beɛ kī, XXX ‘Oti kī yī kɔla kake kayɔ leme etápuli eke koe ewūna.’

XXXI “Nte legā lidi aabɔe kawū ne legā bebā akū ni, yaanya lotɔ edzi ekona foe akū edā nte yaapuli ekɔa sodzafɔ mpim ewua enya legā bebā a kī lideĩ sodzafɔ mpim teya a akū. XXXII Nte eláapuli ni, yaanya lotɔ edo batɔ ne legā kī a sekē ne lokɔ a kī betáfuā akū lokɔa ekpa lolɔ.” XXXIII Yesu le ewūna kī, “Ade aye mi kame odima leláapuli enya yī fɔtsa okolene nte etáfone ye letsa nye letsa kī edeĩ awe a.

Fɔtsa Kĩ Fɔlá Nfasɔ Ni, Baata Foe Biwula.

XXXIV “Lɛdɛmɛ nɛnɛ, lɛmɛ nɛ lɛyɛla de ɔmɛnɛ ni, osi odima lɛláa kĩ aatsã ye akũ obuki odo de ɔmɛnɛ. XXXV Lɛnɛnɛ lɛkpa ndɛ tite kanɔ, ãye lɛkpa fukluku kawulakõ malo. Kata bata de kawula.

“Okĩ edeĩ ato ni, etse katse wĩ!”

XV

Bemó Kuveli a Kĩ Kɔyɛla a.

I Luwi a, tɔgɔlɛ batɛnɛ mɔ tɔkpa bakenanɛ bɛbã ya nɛ Yesu sɛkɛ bɛyaatse ye fɔlɛtsa. II Nɛ awã naa, Farisifɔ mɔ mbla batsanɛ a kakɛna hũhũhũhũ kale kĩ, “Oti kĩ atɛ tɔkpa bakenanɛ ade yado awɛ kanya mɔ be malo a!”

III Foesũ Yesu bɔa be lɛgbã kĩ kĩ, IV “Nɛ mi kamɛ odi ɔmɔa deĩ baveli ɔha mɔ kɔmɔa yɛla nɛ be kamɛ a, litsa yaakɛna? Yaafɔnɛ baveli aduekrɔũ-evedi a nɛ kanyakõ a ɛnaatsã ɛwɛ kukĩ kɔyɛla a kɛnaawo kĩ ɛmɔ koe. V Nɛ ɛmɔ koe a, yaamɔ kawɔlɛ paa lɔkɔa ɛbɔɛ koe ete nɛ lɔbɔtɛɛ ɛyamɛna nɛ kɔla. VI Ade yaavɛ ye bakɔba mɔ banunɛ ebi be kĩ, ‘Kawɔlɛ de yĩ kĩ mmó yĩ kuveli a kĩ kɔyɛla a, foesũ mifõ bɔmó kawɔlɛ!’ VII Mabi mi kĩ ade aye baamɔ kawɔlɛ nɛ ode lɛgãkanyakõ a nɛ oti mɔa kĩ ɛdani ɔwɔlɛ kamɛ akũ, kɛba bati aduekrɔũ-evedi kĩ be akũ kpalɛ kĩ betásĩ ɔwɔlɛ kamɛ kadani.

Bemó Sika Ovoe a Kĩ Seyɛla a.

VIII “Nɛ otsole odi deĩ sika ovoe babi ewua mɔ ɛyɛla libi mɔa ni, litsa yaakɛna? Yaatenɛ ɔsɛdza ɛyɔ kɔla kamɛ ɛdã kako nyɛ kako yededeede

kenawo kī emo sika libi a. ^{IX} Nte emo de a, yaave ye bakoba mo banune ekpota ebi be kī, ‘Kawole de yī paa kitonekī mmó yī sika libi a kī leyela a. Mifō bomó kawole!’ ^X Mabi mi kī ade aye Baguma ode foto banyane aamo kawole ne tokpa okenane moa kī edani owole kame akū a.”

Obinyole a Kī Eyela a Muniki Eya.

^{XI} Yesu le enaa loto kī, “Onyole odi na babinyole nviã. ^{XII} Ade obisēde a bi olega kī, ‘Papa, kōa adzapadie a kī yaanya yī kanyakō a kakpa yī finyaa.’ Foesū onyole a sē ye adzapadie kame ekpa ye babinyole nviã a.

^{XIII} “Ne fuwi fudi liti ni, obisēde a no ye kanyakō fotsa a flee ade edzakū mo foe sika a. Enaa katide mo lugo enabula sika a kade ne nkpā basabasa kadzi kame. ^{XIV} Ebula letsa nye letsa kī edeĩ a kade. Ke liti a kole kudi ne ne tite a na flee akū ade ohiã pi ye a. ^{XV} Ne foesū enaa onyole odi ne tite a akū sekē kī yanaakena adzuma ekpa ye. Onyole a kpa ye baplakuo akū kadāmena ne ye kōba. ^{XVI} Ne kole sū ewe kī yanya funitsā a kī bekako baplakuo a fudi leme odima tákpa ye letsama.

^{XVII} “Ne ke kawūna a, eyamo ye akū eyi osū, ade ele kī, ‘Bati a kī nda bōe bakena tudzuma a ana kanya kawī potōo foate malo. Amo yī dzi ne awī kole ayua yī kako. ^{XVIII} Maayidza nnaa nda sekē nnaabi ye kī, “Papa, nkēna tokpa ne Baguma mo no akū. ^{XIX} Ntáfeta kī abuki ove yī kī no obi, mbom kōa yī kakēna nde no tudzuma bakēnane a kame omōa.” ’ ^{XX} Foesū eyidza epi osi yanaa olega sekē.

“Olega mó ye mó lugo kī yaya. Obi akū kó ye kónya ade ewula atse enatu eboomu ye a.

XXI “Ade ke obi a bi ye kī, ‘Papa, nkena tókpa ne Baguma mó nó akū. Ntáfeta kī abuki ɔve yī kī nó obi.’

XXII “Leme ɔlega a ve ye basumune a ebi be kī, ‘Miwe sowa mibɔe tetadie kī tenene paa mido ye. Mido ye lipetia ne lawobi mó mpabua ne abɔa.

XXIII Ke liti ni, minaanye ɔnantsue kī edoli paa miko, lokɔa bɔnya bómó kawɔle. **XXIV** Kitonekī bɔbɔe foe kī yī obi kī ku leme finyaakī edzi nkpā. Eyela leme bemó ye.’ Foesū biyi luwi a kanya kayo.

XXV “Ne lokɔ kī kame a, obinyolenokɔe a na ne kɔba. Kī eto yade, efuā toto kame a, enu tɔno mó kuto nkā. **XXVI** Foesū eve basumune a kame ɔmɔa evia ye kī, ‘Litsa lámó kaya ne toto kame?’

XXVII “Osumune a kpa ye mbuaye kī, ‘Awaē muniki eya ne ɔto ade ke aga fɔ beko ɔnantsue dɔliwa a, kitonekī emuniki eya mó akū ɔsī.’

XXVIII “Tuwūna ba ɔnokɔede a, ade esī kī yaáwo ne toto kame, foesū ɔlega naa ye sekē enake ye aduli kī ewo eya ne toto kame. **XXIX** Leme obi bi ɔlega kī, ‘Dā, nkena adzuma nde ɔsate ne futeli pii kī kame nkpa nɔ, kī ntáyidza ndza ne nó akū da. Ade ɔtákpá tɔ yī midi katukpabi malo kī nkɔ bómó yī bakɔba bómó kawɔle a. **XXX** Leme nó obi kī nabula nó akū kana fɔtsa flee kade ne adɔpaafɔ akū ade kī emuniki eya ni, ɔkɔ ɔnantsue dɔliwa akpa ye!’

XXXI “Awā naa, ɔlega bi ye kī, ‘Yī obi, odeī ne yī sekē luwi daa, ade letsa nye letsa kī ndeī a, nó lide lane. **XXXII** Leme kene kī bɔanya luwi bómó

kawole, kitonekĩ boboe foe kĩ awaẽ kũ ku leme finyaa edzi nkpã, eyela leme bomó ye.' ”

XVI

Fotsa Katsa Ne Akũ Odāmenane Jnyansāni Odi Akũ.

^I Yesu bi ye fotsa bakolene a kĩ, “Osikani odi na adzuma okenane kĩ edzi ne ye tudzuma onukpẽ. Bati yabi osikani a kĩ ye tudzuma onukpẽ odzane a abula ye sika kade. ^{II} Foesũ osikani a ve tudzuma onukpẽ odzane a evia ye kĩ, ‘Litsa foletsa manu kĩ bale ne no akũ a? Kena akunta yededeede ne ayekĩ onne yĩ tudzuma akũ, kitonekĩ oláapuli obuki onya yĩ fotsa akũ odāmenane.’

^{III} “Ade ke tudzuma akũ odāmenane a bi ye akũ kĩ, ‘Yĩ olate aablomena yĩ ne adzuma kame. Litsa maakena? Nlá kobẽ kĩ maatu tobonkam ade ke konyoã ako yĩ mo fotsa kawã leme a. ^{IV} Ahãã! Īnyina letsa a kĩ maakena. Nte adzuma né ne yĩ awe ni, maana bakoba kĩ baate yĩ mo kawole ne be awã!’

^V “Foesũ eve bati a kĩ bidzimo ye olate foto a. Evia otonyade a kĩ, ‘Ani odzimo yĩ olate?’

^{VI} “Ekĩ edzimo koto a kpa mbuaye kĩ, ‘Bõ tekantsi oha.’

“Ade tudzuma akũ odāmenane a bi ye kĩ, ‘Amo no akunta ne awĩ. Kena akũ kadzi katsele aduenum.’

^{VII} “Ade evia obebã leme kĩ, ‘No malo ani odzimena?’

“Koto odzimenane a le kĩ, ‘Fugbano fuvũ baũbaũ oha moa.’

“Oti a kī edzē ne tudzuma onukpē a bi ye kī, ‘Amo no akunta ne awī. Tsele aduesoũ kayi.’

VIII “Ne fukĩ sũ ɔlate a mu ye tudzuma ɔdāmenane a ne nyansā tedake tisi a kī ebɔe a sũ. Ɔnokɔali ni, katinya kame bati deĩ nyansā tisi ne be fɔtsakelawa kame bebē bikĩ batse Baguma kale a.”

IX Ade Yesu le enaa loto kī, “Mikɔa katinya kame akũ kana fɔtsa mikena tokɔba, ayekĩ nte fuwoli ni, baate mi ne daa nkpā ɔto a kame.

X “Odi nye odi kī edi oni ne fɔtsa kabii akũ ni, yaadi fɔtsa baũ akũ oni. Ade ayea odi nye odi kī etádi oni ne fɔtsa kabii akũ ni, eládi fɔtsa baũ akũ oni leme. XI Ade nte mitádi katinya kame fɔtsa akũ oni a, nde baapuli bekɔa fɔtsa kī fɔte kɔya fɔba katinya kame fɔtsa bido ne mi awe? XII Nte mitádi letsa a kī lenye oti bebā fude kī fɔte kɔya akũ oni ni, owei aakɔa litsedi kī laanya mi fude ekpa mi?

XIII “Osumune odima leláapuli esum balate nviã. Yaakesĩ ɔmɔa lokɔa ewe oyade a kale. Iye yaakɔa ye akũ ekpa ɔmɔa lokɔa ewele akũ ne oyade a akũ. Ɔnokɔali nye kī, ɔláapuli osum Baguma mo katinya kame fɔtsa.”

Yesu Tsa Fɔtsa Bebã.

XIV Kī Farisifo a nu fɔletsa a kī Yesu le a, benye ye ahĩsem kitonekĩ sika bawene banɛ. XV Yesu bi be kī, “Minye bati kī bakena be akũ nde badã yedede ne bati bebã anɛ, leme Baguma nyina mi towɔle kame. Kitonekĩ fɔtsa a kī fɔte kɔya ne otidziwa anɛ a, fonye kowē fɔtsa ne Baguma anɛ.

XVI “Mose mbla mɔ Baguma onukpẽ banyene fotsa a kī betsele biyi a kena adzuma keyawo Yohanes Mui ɔwɔlane a lɔkɔ. Kito ke a, bale Kale Wī a ne Baguma legākanyakɔ a akū, ade odi nye odi lamena kapili kī yawo ne de kame. XVII Leme fɔadã bɔɛɛ kī tite mɔ ode aawɔ keba kī baafɔne fɔletsa kabiiwe awe ne mbla a kame.

XVIII “Onyole nye onyole kī esī ɔtsɔ, mɔ enakɔã ɔbebã ni, ebɔa adɔpaa. Ade onyole kī ekɔã otsole kī bisī ni, ye malo ebɔa adɔpaa.

Yesu Le Kale Ne Osikani Odi Mɔ Lazaro Akū.

XIX “Osikani odi dzi nkpã. Ekahihie ye akū ne tilima kī tete kɔya kame, ade ekanya nkpã menemene luwi daa a. XX Ohiãni odi leme kī bave Lazaro leme dzi nkpã tɔ. Fɔɔkpa né ne ye akū flee ade bekabɔɛ ye kanaadzina ne osikani a kɔla onyukpẽ a. XXI Ekakɔna kī yaana funitsã wuliwa a kī fɔato osikani opunu akū kato ne tite a enya. Bakpete malo kayadzeme ye fɔɔkpa a kame.

XXII “Ohiãni a ku, ade ode fɔtɔ banyane yabɔɛ ye benamena ode benadzina ne Abraham ɔwẽ a. Osikani a leme yaku, ade ke bibila ye a. XXIII Ne kanɔkpade awã kī ekamɔ lubo paa a, edzela ane emɔ Abraham mɔ lugo ne ode, mɔ Lazaro leme kī edzi ne ye ɔwẽ. XXIV Ade osikani a bɔa fɔwɔla eve ye kī, ‘Boe ɔlega Abraham! Mɔ yī kɔnya kafɔ Lazaro edo lawobi ne mui kame eta ne yī seme akū, ayekī fɔadɔla yī ɔmɔado, kitonekī nlamena lubo kamɔ ne fi kī kame!’

XXV “Leme Abraham bi ye kī, ‘Yī obi, te ane kī bekpa nɔ fotsa wī flee ne nɔ nkpã kame, leme Lazaro kɔ ni, fotsa kpa nene ena. Leme finyaakī

a, elamena kawole kamɔ, ade nɔ malo olamena lubo kamɔ a. ^{XXVI} Ade letsa kī lebē kolaa nye kī, leke dzununuunu waa ne boe kayite, kī nte odi we kī yato awī enyina eya ne mi sekē ni, eláapuli. Ade ayea nte odi leme we kī yato awā enyina eya ne boe sekē, eláapuli a.’

^{XXVII} “Awā naa, osikani a bi ye kī, ‘Boe ɔlega Abraham, make nɔ aduli kī do Lazaro enaa nda toto kame, ^{XXVIII} awā kī ndeī bawaēnyole elo. Fō enaabɔa be kɔkɔ ayekī be malo beláayawo ne lubo kamɔ kī kame.’

^{XXIX} “Ade Abraham bi ye kī, ‘Awaē ame deī fɔlets a kī Mose mɔ Baguma onukpē banyene a tsele biyi a. Kenε kī bitse fɔlets a kī bele a lokɔa bekεna ne foe akū.’

^{XXX} “Osikani a kpa mbuaye kī, ‘Boe ɔlega Abraham, fɔláawī be! Leme nte odi aayidza eto kanɔkpa enaa be sekē ni, baadani be towole kame.’

^{XXXI} “Leme Abraham bi ye kī, ‘Nte beláatse Mose mɔ Baguma onukpē banyene a fɔlets a ni, nte odi to kanɔkpa enaa be sekē malo a, beláate ye fɔlets a bido.’ ”

XVII

Tafō Odima Lεkena Tɔkpa.

^I Yesu bi ye fɔtsa bakolene a kī, “Fɔtsa a kī foe aafō bati liwo ne tɔkpa kame a aaya kokooko, leme bɔbɔε makpa otī a kī ye akū fɔatsā fɔya a!

^{II} Fɔneε fɔkpa ye nte bekɔa kowole kpale bevela ye ne somɔ beta bido ne mpo kame, keba kī yaafō babisē kame omɔa liwo ne tɔkpa kame. ^{III} Foesū midā kadā wī ne lets a kī miakena a akū.

“Nte awaẽ kena no tokpa ni, kã ye ane. Nte etuno kĩ eku koto ni, koa kate ye. ^{IV} Nte ekena tokpa ne no akũ titi evũkono ne luwi moa kame mo loko nye loko eyabi no kĩ eku koto ni, kene kĩ akoa ote ye.”

Bivia Yesu Katekado Kobẽ.

^V Foto banyane a bi Yesu kĩ, “Boe Olate, fõ boe katekado kide ne ode kibu.”

^{VI} Ade Yesu kpa mbuaye kĩ, “Nte odeĩ katekado kĩ kepone lububu nde kutse libi kabiiwe flee ni, aapuli obi kutse kũ kĩ, ‘Bole mo tunu kanaadza ne mpo kame’ ade kóatse no a.

Yesu Le Ayekĩ Osumune Wĩ Akena Adzuma.

^{VII} “Miboe foe kĩ mi kame odi deĩ opaani kĩ yadã no koba akũ, iye ekĩ yadãmena no baveli akũ, nte eto ede a, aabi ye kĩ ewe sowa eyadzi enya? ^{VIII} Oowo! Mbom aabi ye kĩ, ‘Mane akũ kato funitsã, kadza kasum yĩ, ñnya, mmoa iyua tã fomõ no malo aanya.’ ^{IX} Osumune tásĩ ekpa kolekanye nte ekena ne letsa a kĩ kene kĩ ekena akũ. Mbøe esĩ? ^X Ade ayea fola fokpa mi a. Nte mikena letsa nye letsa a kĩ mbi mi kĩ mikena ni, mile kĩ, ‘Basumune odi boane, letsa a kĩ kene kĩ de boakena a, ade de bokena a.’ ”

Yesu Tsa Banyole Ewua Badi Foso Ngbã.

^{XI} Kĩ Yesu anaa Yerusalem a, enatsã Samaria mo Galilea obẽ akũ. ^{XII} Kĩ ekoa yawo akula adi kame a, banyole ewua kĩ baso foso ngbã yatselamo ye. ^{XIII} Bedza mo lugo ade beboa fowola kĩ, “Boe Olaga Yesu, mo boe konya!”

XIV Yesu dā be ade ebi be kī, “Minaa, minaakoa mi akū mitsa basofō besela mi akū bedā.” Kī beyele banaa ne osi a, foso a wo ne be akū.

XV Kī be kame ɔmoa mo kī foso a wo ne ye akū a, emuniki eya mo Baguma kamu mo fowola kɔɔba. XVI Eyato ne Yesu aboa kame enye ye kole. Onyole kī nye Samariani.

XVII Yesu via ye kī, “Nné banyole ewua ntsa foso a? Nde be evedi nkae a? XVIII Nde sū ɔnoɔɔ kī odi limuniki eyaanye Baguma kole?” XIX Yesu bi ye kī, “Yidza kanaa. Nɔ katekado fō ɔsae.”

Yesu Le Ayekī Baguma Legākanyakō a Aana.

XX Farisifo badi via Yesu loko a kī de kame Baguma legākanya a aaya. Yesu kpa mbuaye kī, “Baguma legākanya a lelaaya ne osi a kī bati amo mo ane a. XXI Odima lelāale kī, ‘Dā, amo foe ne awī’ iye ‘amo foe ne akū,’ kitonekī Baguma legākanya a deī ne mi kame.”

XXII Ke liti a ebi ye fotsa bakolene a kī, “Loko lidi aaya kī miawe kī miamo Yī Otidziwa Obi fuwi a kame lomoa leme milāamo de. XXIII Bati badi aana, ade baabi mi kī, ‘Midā ye ne akū!’ iye ‘Midā ye ne awī!’ Leme mitatomo foe liti.

XXIV Kitonekī ayekī odetó kame amoane kato seke kī kanaa sikī a, ade aye Otidziwa Obi a kaya aana a. XXV Leme kene kī enya loto emo lubo pii, ade nviā bati leme aasī ye a.

XXVI “Ayekī fona ne Noa loko a, ade aye fōana ne Otidziwa Obi a kabuki kaya fuwi a kame a. XXVII Bati flee kanya bekamoa, banyole mo batsole kakoā akū, kenawo luwi a kī Noa de ewo ne okolo a kame, ade oni ko eyili fokō ewola bati flee a.

XXVIII “Ade ayea fóna nde ayekĩ fóna ne Lot loko lemε a. Bati kanya, bekamoa, bekanya koyaato, kadu fotsa ade badi lemε kake fola a. XXIX Ade luwi a kĩ Lot né ne Sodom omato kame a, fi mo fukpokpo kĩ fudeĩ nfiã kpitii wula futo ode foyawola be a flee.

XXX “Ade aye fóna ne luwi a kĩ Otidziwa Obi a aane eta a. XXXI Ne luwi a na, oti kĩ edeĩ ne kola ode etabuki eduma kĩ yanaafila ye akũ fotsa ne kola kame. Ade ayea odi kĩ edeĩ ne koba kame ni, etabuki emuniki enaa toto kame kĩ yanaaboe litsedi. XXXII Mite ane ne letsa a kĩ leya ne Lot otsõ akũ a! XXXIII Odi nye odi kĩ eboa mbodi kĩ yapili ye nkpã ni, yaayela ye, ade odi nye odi kĩ eyela ye nkpã ni yaana nkpã a bio. XXXIV Luwi a lenye ni, mabi mi kĩ bati nviã aawa ne okena moa akũ, baaboe omoa bedzakũmena loko befone oyade a biyi. XXXV Batsole nviã aakawole onuvoe ne kowole akũ, baaboe omoa loko befone oyade a awe biyi. XXXVI Banyole nviã aakakena adzuma ne koba. Baaboe omoa benamena, befone omoa biyi.”

XXXVII Ade fotsa bakolene a via ye kĩ, “Boe Olate, ne ndia?”

Yesu kpa mbuaye kĩ, “Awã kĩ fotsa kuwa waa ni, ade awã fopete akpota a.”

XVIII

Legbã Ne Okunawa Mo Foletsa Odzene Odi Akũ.

^I Yesu boa ye fotsa bakolene a legbã lidi, ekoa yatsa be kĩ kene kĩ bekaaboa mpaε loko nye loko, kĩ akpo etaveli be da. ^{II} Ebi be kĩ, “Foletsa odzene

odi na ne ɔmato odi kame kī etávila Baguma ñye ekɔa obu ekpa odima lɛmɛ. ^{III} Okunawa odi lɛmɛ na ne ɔmato mɔapɛ a kame, ade ekayake ye aduli kī, ‘Bumɔ yī kanyɛ yī ne yī okesīnɛ awɛ kame.’

^{IV} “Fɔtɛ lɔkɔ pii kī fɔletsɔ ɔdzɛnɛ a sī etákɛna letsama ne foe akū. Lɛmɛ ne ke kawūna kame a, ebi ye akū kī, ‘Tito kī maávila Baguma ade maákɔa obu kakpa otidziwa malo ni, ^V ne ɔhau beblebee kī okunawa kī akpa yī sū ni, maadā kī ɛna ye ɔtɔbɛ. Ntɛ ntákɛna lɔmɔ ni, yaakaya ne yī sekē lɔkɔa eláafɔ nna kawɛya.’ ” ^{VI} Ade boe ɔlate lɛ ɛnaa lɔtɔ kī, “Mitse letsɔ a kī fɔletsɔ ɔdzɛnɛ kī yaádi ɔnokɔali kī lɛ. ^{VII} Finyaakī a, miatɛ kado kī Baguma leláadze ekpa ye bati a kī babe kavɛ ye lenyɛ mɔ suwa, kavia kabumɛna a ɔtɔbɛ? Mbɔɛ miatɛ kado kī eláabumɛna be mɔatɛ? ^{VIII} Mabi mi kī yaadze ekpa be ɔtɔbɛ mɔatɛ. Lɛmɛ ntɛ Otidziwa Obi a ya ne katinya kame ni, yaamɔ kī bati deī katekado?”

Yesu Bɔa lɛgbā Nɛ Farisini Mɔ Tɔgɔlɛ ɔtɛnɛ Odi Akū.

^{IX} Yesu bɔa lɛgbā kī ekpa bati a kī betɛ bido kī bekpale yedede ade basupa bati nkaɛ a. ^X Ebi be kī, “Luwi a, bati nviā badi naa Asɔli Kɔla kame kī banaabɔa mpɛ. ɔmɔa nyɛ Farisini, ɔyade a nyɛ tɔgɔlɛ ɔtɛnɛ. ^{XI} Farisini a kpē ye akū ɛnadza ebɔa mpɛ kī, ‘Baguma, manyɛ nɔ kɔlɛ, kitonɛkī nlá anɛngbā. Maádi bati ablɔ ade maákɛna adɔpaa ndɛ ayekī bati bebā akɛna a. Manyɛ nɔ kɔlɛ lɛmɛ kī nlá ndɛ tɔgɔlɛ ɔtɛnɛ a kī ɛdze ne akū a aye. ^{XII} Masui onukpē fuwi nviā ne ekwansieda mɔa kame, ade makɔa letsɔ a kī mana a foe katsu kawuade a kakpa nɔ a.’

XIII “Leme togole otene a dza mo lugo, ade etawe ki yadzela ane eda ode malo a. Leme ekwa awe ebwamo owole ele ki, ‘Baguma, titikpa okenane mane, mo yi konya!’ ”

XIV Yesu bi be ki, “Mabi mi ki togole otene a aku lekpalae yedede ne Baguma ane ki emuniki enaa kola a, nne Farisini a. Kitoneki odi nye odi ki edela ye aku ne ode ni, baakena ye ne kayo, ade odi nye odi ki edola ye aku ni, baadela ye ne ode.”

Yesu Hila Babisẽ.

XV Bati badi kwa be babi beyamena ki Yesu ete awe ne be aku. Ki ye fotsa bakolene a mo fukii a, beka be ane. XVI Leme Yesu ve babisẽ a eyamena ne ye sekẽ, ele ki, “Mifõ babisẽ beya ne yi sekẽ, mitasua be osi. Kitoneki bikii bame odu la Baguma legakanyakõ a. XVII Mite fukii ane! Odi nye odi ki etate Baguma legakanyakõ a nde obisẽ aye ni elapuli ewo ne de kame dadaada.”

Yesu Le Fõltsa Ne Asikafõ Mo Baguma Legakanyakõ a Aku.

XVIII Yudafõ onokõẽ odi via Yesu ki, “Fõtsa otsane wi, litsa kene ki nkena fomõ maana nkpã ki ela kawuna dadaada a?”

XIX Ade Yesu via ye ki, “Nde su awe yi oti wi? Odima lenye oti wi, mboente Baguma moape. XX Onyina mbla a ki etsa ki, ‘Tabwa adopa, tako oti, taye, tama fovã ote ne odima aku, bu aga mo ama.’ ”

XXI Oti a kpa mbuaye ki, “Kito ane yi tibusẽ kame a, nkena ne tebla kii flee aku.”

XXII Kĩ Yesu nu foe a, ebi ye kī, “Letsa mɔa te nɔ kakena. Naanɔ nɔ fɔtsa flee a kī odeĩ a kakɔa foe sika a kakpa ahiãfɔ, lɔkɔa aana akũ kana fɔtsa ne ode. Ke liti muniki kayaatomɔ yĩ.”

XXIII Leme kī onyole a nu fɔletsa a ewo ɔblo paa, kitonɛkī ena akũ kana fɔtsa beblebee. XXIV Yesu mɔ ayekī ewo ɔblo a, ade ele kī, “Fóana ɔsĩ fɔkpa asikafɔ kī baapuli biwo ne Baguma legākanyakɔ a kame! XXV Fɔadã bɔɛɛ kī ɔpɔnkɔ mɔ kapu aatsã ɔnɔbɔ ɔke kame ene, keba kī osikani aawo ne Baguma legākanyakɔ a kame.”

XXVI Ade bati a kī binu kale kī a via Yesu kī, “Kekɔ oweĩ koũ aana kate?”

XXVII Yesu kpa mbuaye kī, “Letsa a kī otidziwa leláapuli ekena dadaada ni, Baguma kɔ aapuli ekena.”

XXVIII Awã naa Petro bi Yesu kī, “Dã, bɔfɔne boe toto awe buyi boya butomɔ nɔ.”

XXIX Yesu bi be kī, “Mafɔ minyi yededeede kī odi nye odi kī efɔne ye toto, ɔtsɔ ĩye bawae, ĩye bamane ĩye babi eyi ne Baguma legākanyakɔ a sũ ni, XXX baase ye fɔtsa kī fublusu ne nviã katinya kī kame mɔ nkpã kī ela kawũna a ne kiki kaaya a kame.”

Yesu Buki Ele Kale Ne Ye Wuda Akũ.

XXXI Yesu kpã ye fɔtsa bakɔlene ewua-nviã a enamena ɔɔwẽ ade ebi be kī, “Mitse! Bɔanaa Yerusalem, awã kī fɔtsa flee a kī Baguma onukpẽ banyene tsele ne Otidziwa Obi akũ biyi a, aaya ne foe kame. XXXII Baakɔa ye bido ne bikĩ benyé Yudafɔ awe, bidi ye nsekuo, bivũna ye, bitua tane biko ne ye akũ. XXXIII Baabo ye lɔkɔa beko

ye, lɛmɛ nɛ luwi lɛlɛdɛ akũ ni, yaabuki eyidza edzi nkpã.”

XXXIV Lɛmɛ ye fɔtsa bakɔlɛnɛ tánu fɔletsɔ kĩ fudima kayɔ. Bɛkɔa foe kayɔkanu bɛkɔla be, ade ke betányi letsɔ a kĩ de akũ Yesu kale kɔdzɛla a.

Yesu Tsa ɔnekunɛ Odi Kĩ Ekawã Fɔtsa.

XXXV Kĩ Yesu fuã Yeriko ɔmatɔ a, ɔnekunɛ odi dzi nɛ osi ɔwɛ̃ ekawã fɔtsa. **XXXVI** Kĩ enu bati kɔdabu nkã kĩ batɛ̃ a, evia kĩ, “Litsa lamɔ kaya?”

XXXVII Ade bibi ye kĩ, “Yesu Nazaretni a lɛyaatɛ̃.”

XXXVIII Awã naa, ɛbɔa fɔwɔla kɔɔba kĩ, “Yesu, Lɛgã Dawid Obi! Mɔ yĩ kɔnya!”

XXXIX Bati a kĩ benyaa lotɔ a wũni nɛ ye akũ kĩ esua onukpɛ̃. Lɛmɛ ɛdanɛ fɔwɔla kabɔa kɔɔba kale kĩ, “Lɛgã Dawid Obi! Mɔ yĩ kɔnya!”

XL Foesũ Yesu fɔ̃ ɛdza ade ɛɛ kĩ bɛkɔpã ɔnekunɛ a bɛma ye a. Kĩ ewo Yesu sɛkɛ̃ a, evia ye kĩ, **XLI** “Litsa awɛ̃ kĩ nkenɔ nkpa nɔ?”

ɔnekunɛ a akpa mbuayɛ kĩ, “Boe ɔlate, mawɛ kĩ mbuki mmó fɔkɔ.”

XLII Ade Yesu bi ye kĩ, “Kekɔ̃ mɔ fɔkɔ. Nɔ katekado fɔ̃ ɔsɛ̃.” **XLIII** Deedimɔapɛ epuli ɛmɔ fɔkɔ ade ke etomɔ Yesu mɔ Baguma kɔɛ kanyɛ a. Kĩ bati kɔdabu a mɔ fukĩ a, be flee bimu Baguma.

XIX

Yesu Nase Nɛ Zakeo Sɛkɛ̃.

I Yesu nawo nɛ Yeriko ɔmatɔ a kamɛ, ɛtsã ye kamɛ ɛtɛ̃. **II** Tɔgɔɛ ɔtenɛnɔkɔ̃ osikani paa odi kĩ bavɛ Zakeo dzi nɛ awã. **III** ɛkabɔa mbɔdi kĩ yamɔ Yesu enyi ye, lɛmɛ kĩ enyɛ oti lukũ sũ, bati lidɛdɛ

fṵ etápuli emo ye. ^{IV} Foesũ ewula atse enya bati kɔdabu a loto enade ne kutse gɛlɛɛɛ kudi kame ayekĩ yaamɔ Yesu kitonekĩ enyina kĩ yaatsã awã etĕ.

^V Kĩ Yesu wo kutse a kayɔ a, edzela ane emo Zakeo ade evɛ ye kĩ, “Zakeo, duma moatse, kene kĩ mase ne nɔ awã nviã.” ^{VI} Zakeo wɛ sɔwa eduma ade eyate Yesu mɔ kawɔɛ a.

^{VII} Bati a flee kĩ bemó fukĩ a kena hũhũhũhũ ne Yesu akũ bele kĩ, “Oti kĩ nase ne titikpa okenane toto kame.”

^{VIII} Zakeo yidza edza ebi boe ɔlate a kĩ, “Boe ɔlega, dã! Maakɔa yĩ akũ fɔtsa sɛke moa nte ahiãfo, ade nte nsisi odi ni, maase ye foe titi ena kɔto.”

^{IX} Ade Yesu bi ye kĩ, “Nkpã kate ya ne toto kĩ kame nviã, kitonekĩ oti kĩ leme nye Abraham kasinu a kame obi. ^X Otidziwa Obi a ya kĩ yawe bikĩ beyela enye be leme.”

Yesu Bɔa Legbã Ne Sika Akũ.

^{XI} Ade kĩ bati katse fɔletsɔ a kĩ Yesu kabi be a, ɛɛ enamena loto, ebɔa be legbã lidi. Lɔko kĩ a, efuã Yerusalem ade bati a kɔna kĩ Baguma legãkanya a do kane kata awe a. ^{XII} Foesũ ebi be kĩ “Ne loko lidi kame ni, onokɔẽ odi yidza kĩ yanaa tite tidi akũ molugo molugo benaadzina ye legã. Ehihie eyi kĩ yaamuniki eya ne ɔto ne foe liti. ^{XIII} Fɔmɔ yaapi osi a, evɛ ye basumune ewua ekpɔta ade ekpa be kame odi nye odi sika ngbã sɔmɔa sɔmɔa ebi be kĩ, ‘Mikɔa sika a minya kɔyaato mina kute ne yĩ liti.’”

XIV “Leme ye ɔto bati akesĩ ye foesũ bido bato bitomo ye liti kĩ benaale kĩ, ‘Boáwe onyole kĩ kĩ enya boe legã.’

XV “Bidzina onyole a legã ade emuniki eya ne ɔto a. Kĩ eya a, efõ beve ye basumune a beyadzela ne ye ane kame kĩ yawe enyi kute a kĩ bena.

XVI “Osumune ɔtonyade a bi ye kĩ, ‘Ɔnokɔẽ, nna sika a somɔa somɔa foe ewua nte ne sikĩ ɔkpa yĩ a akũ.’

XVII “Ɔnokɔẽ a kpa ye mbo ele kĩ, ‘Ɔkena foe kakena wĩ! Ɔnye osumune kĩ yadi ɔnokɔali! Ne ayekĩ odi ɔnokɔali ne fɔtsa kabii akũ sũ ni, maakena no ɔnokɔẽ ne temato ewua akũ.’

XVIII “Osumune oyade a leme yale kĩ, ‘Ɔnokɔẽ, nna sika somɔa somɔa foe elo nte ne sikĩ ɔkpa yĩ a akũ!’

XIX “Ɔnokɔẽ a bi ye kĩ, ‘Mbo, ɔkena foe kakena wĩ! Aanya ɔnokɔẽ ne temato elo akũ!’

XX “Osumune olalede a yale kĩ, ‘Ɔnokɔẽ, amo no sika somɔa kĩ ɔkoa ɔkpa yĩ a. Nsui se ne limakũ kame nkɔa nkɔla. XXI Nvila no kitonekĩ oti mo ɔsĩ odi ane. Abɔe fɔtsa a kĩ fonyé no fude, ade ana fɔtsa a kĩ ɔtádu leme a.’

XXII “Ade Ɔnokɔẽ a bi ye kĩ, ‘No osumune kpa, maakɔa no moawe onukpẽ kame kodzela kale nko no kɔto. Onyina kĩ oti mo ɔsĩ mane kĩ mabɔe fɔtsa a kĩ fonyé yĩ fude, ade mana fɔtsa kĩ ntádu a. XXIII Kĩ onyina lomɔ a, nde sũ ɔtákoa yĩ sika ɔnaado ne sika kakɔlakõ kĩ nte mmuniki ãya ni, maate se mo se akũ kute?’

XXIV “Ade ebi bati a kĩ bedzẽ ne awã kĩ, ‘Mite sika somɔa ne ye awe mikɔa mikpa osumune a kĩ ena sika somɔa somɔa ewua a.’

XXV “Leme bati a bi ye kī, ‘Ɖnokɔɛ, oti a na deĩ sika sɔmɔa sɔmɔa se ewua kɔkɔe!’

XXVI “Ade Ɖnokɔɛ a kpa mbuaye kī, ‘Mabi mi kī odi nye odi kī edeĩ litsedi ni, ade ye baakɔa foe pii bibu a, leme odi nye odi kī elá letsama a ni, foe kabii a kī edeĩ a malo baate foe ne ye awe.

XXVII Finyaa ni, mivele yĩ bakesĩne a kī betáwe kī ĩnya be legã a miyamena ne awĩ, lokɔa mikɔ be ne yĩ ane kame.’ ”

Yesu Wo Ne Yerusalem Ɖmato Kame.

XXVIII Kī Yesu bi be fɔletsɔa kī eyua a, enya ye fɔtsa bakɔlene a lotɔ epi osi yanaa Yerusalem.

XXIX Kī efuã Betfage mɔ Betania temato a ne Kugua Futse Ɖto ɔwẽ a, edo ye fɔtsa bakɔlene nviã enyamena lotɔ, ebi be kī, XXX “Minaa ɔmato kabii a kī ewa ne mi lotɔ a kame. Nte miawo ne ye kame ni, míamɔ aflim obi kī odima tádzi ne ye akū t̃ kī edeĩ ne ɔwẽ kame. Miwũnya ye lokɔa mikɔa miyamena ne awĩ. XXXI Nte odi via mi kī litsa sũ miawũnya ye ni, mibi ye kī, ‘Boe Ɖlate sĩ ye.’ ”

XXXII Fɔtsa bakɔlene a naa ade bemó letsɔa nye letsɔa nde ayekĩ Yesu bi be a. XXXIII Kī bekawũnya aflim obi a, ye balate via be kī, “Nde sũ miawũnya ye?”

XXXIV Fɔtsa bakɔlene nviã a kpa mbuaye kī, “Boe Ɖlate sĩ ye.”

XXXV Bekɔa aflim obi a bema Yesu ade bedzele be tetadie wulaa biko ne ye akū bibumena Yesu ede edzi ne ye akū a. XXXVI Kī edzi ne ye akū banaa a, bati dzele be tetadie biko ne tite.

XXXVII Kī Yesu fuã Yerusalem ne awã kī osi a ka eto Kugua Futse Ɖto akū a, ye fɔtsa bakɔlene

kodabu flee a yi kayo mo Baguma kole kanye, mo ye kahulu mo fowola koba ne awawã fotsa flee a ki bemó a sũ. XXXVIII Ade ke bele ki,
 “Baguma ehila Legã a ki laya ne Boe Olate di akũ!
 Lukudo lena ne ode, obu enya Baguma ne ode
 flefle fude!”

XXXIX Farisifo badi ki bidei ne bati kodabu a kame bi Yesu ki, “Fotsa Otsane, bi no fotsa bakolene a bisua onukpe!”

XL Yesu kpa be mbuaye ki, “Mabi mi ki nte bisua onukpe ni, boe ne osi owẽ a mawe aayi fowola kaboa kayo.”

Yesu Be Ne Yerusalem Lolo.

XLI Ki Yesu fuã Yerusalem ekoa ane emo omato ki a, ewula babe ne ye lolo. XLII Ade ele ki,
 “Mawe ki nvia ki malo ni, aanyi letsa a ki laakpa no lukudo. Leme finyaa ki a, olapuli omó de!
 XLIII Loko lidi aya ki no bakesine aatsua bisinya no ne seke nye seke. XLIV Baawola no mo bati a ki bidei ne no kame a, ade belafone de lidima lewa ne de kawako malo a, kitoneki otamo loko a ki Baguma yate no a oyi osũ!”

Yesu Blomena Koyaatɔ Banyane Ne Asoli Kola Kame.

XLV Ki Yesu nawo ne Asoli Kola kame a, eyi kayo mo fotsa banone kablomena awe ne awã.
 XLVI Ebi be ki, “Betsele ne Katsese Kpalawa a kame ki Baguma le ki, ‘Baave yi asoli kola ki mpaẽ kabokõ.’ Leme mikoa koe mikena bayekpane kabelakõ!”

XLVII Luwi nye luwi ni, Yesu katsa fotsa ne Asoli Kola a kame. Yudafɔ basofonokõẽ, mbla batsane mo omai banokõẽ we ki bako ye. XLVIII Leme

betámɔ osi a kǐ ye akũ baatsã, kitonekĩ bati a flee dzemena ye fɔletsã kayaatse, ade betáwe kǐ ye kale kadima ketẽ ne be akũ a.

XX

Bati Vele Fɔletsã Mɔ Yesu Ne Ye Otumi Akũ.

^I Luwi a, kǐ Yesu na ne Asɔli Kɔla kame ekatsa fɔtsa, ekale Kale Wĩ a, Yudafɔ basofonokɔẽ, mbla batsane mɔ ɔmatɔ a banokɔẽ ya ne awã. ^{II} Ade bibi ye kǐ, “Bi boe osi a kǐ odeĩ fomɔ akena fɔtsa kǐĩ bame a. Owei lekpa nɔ osi?”

^{III} Yesu kpa mbuaye kǐ, “Mifɔ ãnya lotɔ nvia mi kale mɔa. Mibi yĩ, ^{IV} Yohanes bati mui kawɔla amanie a ni, Baguma sekẽ futo mbɔee kǐ bati sekẽ futo?”

^V Ne awã a, biyi fɔletsã kavele mɔ be akũ kǐ, “Litsa bóale? Nte bóle kǐ futo Baguma sekẽ ni, yaavia kǐ, ‘Nde sũ mitáte Yohanes mido?’

^{VI} Ade nte bóle kǐ bati sekẽ futo ni, bati kɔdabu a flee aano boe boe, kitonekĩ be flee bete bido kǐ Yohanes nye Baguma onukpẽ onyene.”

^{VII} Ne foesũ bekpa mbuaye kǐ, “Bunyina awã kǐ futo.”

^{VIII} Ade Yesu leme bi be kǐ, “Kekɔ yĩ malo nláabi mi awã kǐ ntomena kobẽ nnee makena fɔtsa kǐĩ bame.”

Yesu Bɔa Legbã Ne Apaafɔ Akũ.

^{IX} Ade Yesu bɔa bati a legbã kǐ, “Lokɔ lidi kame ni, onyole odi ne waĩ kɔba. Ekɔa koe edo ne apaafɔ awe enaa osi akũ, enadzi ne awã ebuna owi. ^X Kĩ lokɔ wo ɔto kǐ bana waĩ babi a, edo ye osumune odi kǐ enaatɛ ye kanyakɔ ne apaafɔ a sekẽ ema ye. Leme apaafɔ a bo osumune a,

belola ye mɔ awe pupulidza. **XI** Ne foesũ edo osumune bebã, lemɛ apaafɔ a bo ye malo, bido ye kɔnyɔã, ade benye ye osi mɔ awe pupulidza a. **XII** Ade edo osumune ɔlalede a. Apaafɔ a bo ye malo bipila ye ade beblomena ye a.

XIII “Kɔba ɔlate a via ye akũ kĩ, ‘Litsa maakena? Maado yĩ obi kĩ maátunɔ kale ade mate kado kĩ baabu ye.’

XIV “Lemɛ kĩ apaafɔ a mɔ obi a, bibi akũ kĩ, ‘Ade kɔba ɔlate a obi ne awĩ a. Mifɔ bɔkɔ ye lɔkɔa ye adzapadie ekɛna boe ade.’ **XV** Foesũ bevele ye benemena ne kɔbã a kame ade bekɔ ye a.”

Ade Yesu via be kĩ “Litsa mikɔna kĩ kɔba ɔlate a aakɛna apaafɔ a? **XVI** Mabi mi kĩ yaayakɔ apaafɔ a na flee lɔkɔa ekɔa kɔba a edo ne apaafɔ bebã awe.”

Kĩ bati a nu fukĩ a, bele kĩ, “Kuse! Baguma leláakpa osi fɔya ne foe kame lomɔ da!”

XVII Yesu ko anɛ edã be ade evia be kĩ, “Litsa Katsɛle Kpalewa a kame foletsatsa?

‘De a kĩ fɔla bakɛnɛ sĩ a,

ade de ledani kɔla akũ de titiliwu a!’

XVIII Odi nye odi kĩ yaatula etɔ ne de a na akũ ni, yaaveliveli gblegblegble, ade ke odi nye odi kĩ de a na aatɔ ne ye akũ ni, laanuna ye kpetekpetekpete.”

Yesu Le Kɔdzɛla Ne Ɔgɔle Katɛ Akũ.

XIX Yudafɔ mbla batsanɛ a mɔ Yudafɔ basɔfɔnɔkɔɛ a boa mbɔdi kĩ bapi Yesu ne awã, kitonekĩ bemɔ biyi ɔsũ kĩ be sũ mɔ ebɔa legbã a, lemɛ bivila bati a. **XX** Ne foesũ bewɛ osi bebã kĩ ye akũ baatsã bipi ye. Bekpa banyole

badi sika kī bekena be akū nde bati kī badi ɔnokɔali. Bido be kī benaanaī Yesu ne fɔletsa kavia katse kame, lokɔa bena osi bekɔa ye bido ne banokɔɛ, mo Roma abãã ɔnokɔɛ awe. ^{XXI} Bikī banaī Yesu a ya ne ye sekɛ, bibi ye kī, “Ɔtsa Ɔtsane, bunyina kī fɔletsa a kī ale mo fukī atsa a nye ɔnokɔali. Bunyina leme kī aadã oti ane, mbom atsa Baguma tisi a ne ɔnokɔali kame. ^{XXII} Finyaakī ni, bi boe nte boe mbla kpa osi kī buse ɔgɔle bokpa Romafɔ Legãnokɔɛ, mbɔɛ kī etákpa osi?”

^{XXIII} Leme Yesu mó be tedake a eyi ɔsū ade ebi be kī, ^{XXIV} “Miyamena sika ovoe a sidi ndã. Owei lolɔ mo dī teī ne se akū?”

^{XXV} Bekpa mbuaye kī, “Legãnokɔɛ Kaisare fude fɔane.”

Yesu bi be kī, “Kekɔ mikɔa fukī fɔnye Legãnokɔɛ fude a mikpa Legãnokɔɛ, ade mikɔa fukī fɔnye Baguma fude leme mikpa Baguma a.”

^{XXVI} Ne bati kodabu a ane kame na a, betápuli bipi ye ne osi odima akū, foesū bisua be tunukpɛ ne Yesu mbuaye a kī ekena be wãwã sū.

Yesu Le Kodzela Ne Banokpa Kabuki Kayidza Akū.

^{XXVII} Ade Zadukifo kī bale kī kayidza kato kanokpa lelãa a, ya ne Yesu sekɛ, bibi ye kī, ^{XXVIII} “Ɔtsa Ɔtsane, Mose tsele mbla ekpa boe kī, ‘Nte onyole odi ku efone otsɔ kī bemɔ ye betãma ni, onyole a ɔwaɛ ekɔã otsole a lokɔa bemɔ ye bema babi benya ekī eku a bade.’ ^{XXIX} Lokɔ lidi ni, bawaɛnyole evũkɔnɔ badi dzi nkpã. Ɔnokɔɛde a kɔã otsɔ leme eku, kī betãma obi odima. ^{XXX} Ɔwaɛ oyade a mo ɔlalɛde a

leme koã okunawa, ade be malo biku kî betáma babi badima a. ^{XXXI} Ade letsa moape a lekena bawaënyole evũkõõ a flee a. Be flee biku ne kî otsole a táma obi ekpa be kame odima. ^{XXXII} Ne foe kawũna kame a, otsole a moawe yaku. ^{XXXIII} Lokõa ne luwi a kî banõkpa aabuki biyidza bidzi nkpã a ni, be kame owei otsõ yaanya, ne kî be evũkõõ a flee bekoã tõ ye a?”

^{XXXIV} Yesu kpa be mbuaye kî, “Katinya kîi kame mó otsole mo onyole akoã akũ, ^{XXXV} leme banyole mo batsole a kî bekpola kî baayidza bito kanõkpa bidzi nkpã ne katinya kî kaaya a kame a ni, beláakoã batsõ ìye bidzi fonyõ. ^{XXXVI} Baana nde ode foto banyane, ade beláabuki biku da a. Benye Baguma babi kitonekî biyidza bito kanõkpa. ^{XXXVII} Mose nye etsa yededeede ne KatsELE Kpalewa a kame kî badzela banõkpa babuki kadzi nkpã, kitonekî loko a kî edza ne kutse a kî kokatẽ ane kame a, eve Baguma kî Abraham Baguma Isak Baguma mo Yakob leme Baguma. ^{XXXVIII} Fukîi atsa kî enye bikî bidzi nkpã a Baguma, nné banõkpa Baguma yane. Kitonekî ne Baguma sekẽ ni, be flee bidzi nkpã.”

^{XXXIX} Ne awã a Yudafo mbla batsane badi le kî. “Fõtsa Otsane, okpa mbuaye kakpa wî paa!”
^{XL} Ke liti odima tábuki edo owõle evia ye kadima.

Owei Obi Nye Kristo a?

^{XLI} Yesu via be kî, “Nde sũ bati ale kî Kristo a aanya Legã Dawid kasinu kame obi? ^{XLII} Ade Dawid moawe a le ne Tõõõ Ovoli a kame kî, ‘Boe Olate bi yî Olate kî,
“Dzi ne yî somõna

XLIII kenawo loko a kī nkwa no bakesine
nkena no aboa katekō.” ’

XLIV Ade nte Dawid ve ye kī boe Jlate a, nde foya
mo Kristo a aanya Dawid kasinu kame obi?”

Yesu Bɔa Bati Kɔkɔ Ne Yudafɔ Mbla Batsane

Akū.

XLV Kī bati a flee dza bekatse Yesu foletsa a,
ɛdani ebi ye fotsa bakolene a kī, XLVI “Midã
kadã wī ne Yudafɔ mbla batsane a akū. Bati
kīi ado tetadie wulaa katsã kamini, ade bawe
kī bati bewõna be ne obu kame ne kɔya a.
Bawe banokoẽ fudzikõ ne Yudafɔ fotsenakõ, mo
fudzikõ wī ne fuwi kanyakõ. XLVII Bakɔa tedake
kasisi bakunawa kate be toto ade baboa mpaɛ
gelele kakoa kamu akū a. Ne fukī sū be soto
kavele aaba bati flee fude!”

XXI

Okunawa Odi Fɔtsa Kate.

I Ne Yudafɔ Asoli Kɔla kame a, Yesu ko ane
emo asikafo kī bekɔa be futetsa bekado ne ɔgole
adaka kame. II Ade emo okunawa ohiãni odi kī
eyakoa kaple nviã edo ne adaka a kame a. III Ade
ebi be kī, “Mabi mi kī okunawa ohiãni kīi te fotsa
ɛba bati bebã a flee. IV Kitonekī bati bebã a kō
ni, be akū kana fotsa a kī fubulusu a kame fudi
sukuloo bite, leme otsole ohiãni kīi kɔa letsa a kī
de akū yaadzi nkpã a flee eyate ne awī.”

Yesu Le Loko a Kī Baabubuli Asoli Kɔla a.

V Fotsa bakolene a kame badi kale kodzela ne
Asoli Kɔla a akū, mo boe mo kale a kī bekɔa
bike koe, mo ayekī bekelele kɔla foebi a, mo
fotsatewa a kī bakpa Baguma a. Leme Yesu bi
be kī, VI “Letsa nye letsa kī miamo ne awī a, loko

aaya kī de lidima leláabuki lite ne lókoba akū. Baadzuli be flee biwula.”

Lubokamo Mo Bati Liti Katomena Aaya.

^{VII} Ade ke bivia ye kī, “Fotsa Ōtsane, loko lowodabe fukī aaya? Ade litsa bóakoa buyi osū kī loko a wo oto?”

^{VIII} Yesu bi be kī, “Midā kadā wī, mitafō beke mi. Bati pii aaya ne yī dī akū beke kī, ‘Yī nye Ōtene a,’ mo ‘Loko a wo oto.’ Leme mitatomo be. ^{IX} Mitafō libe liwo mi nte minu kawūkanō mo bati kayidza kadza ne bati akū nkā. Kene kī fotsa kī bame flee fonya loto foya ne foe kame, leme foátsa kī katinya kawūna a fuā kiyua.”

^X Yesu le enamena loto kī, “Ōmaī mo omaī aano akū, fōgā mo fōgā leme aano akū. ^{XI} Tite kakuna mo osī mo osī, kole mo foso kpa kumekume leme aaya ne kako nye kako, ade libe mo awāwā fotsa aane ne odetó kame a.

^{XII} “Fomo fotsa kī bame flee aaya ni, baatomō mi liti, bipili mi benamena Yudafō fotsenakō bedzēmō mi, bibo mi lókōa bido mi ne kōla. Ade baakpā mi benaadzela ne fōgā mo abāā banokōē ane ne yī sū. ^{XIII} Fukī aakpa mi osi kī mile Kale Wī a. ^{XIV} Mipi miyi kī miláaha akū ne letsa a kī míale minye mi akū a akū. ^{XV} Kitonekī maakpa mi foletsa mo kadikanyi ayekī mi bakesīne kame odima leláapuli esī iye ele kale etia letsa a kī míale a. ^{XVI} Mi bamane, bawaē, akū bati mo bakōba aanye mi bekpa ade baako mi kame badi a. ^{XVII} Odi nye odi aakesī mi ne yī sū. ^{XVIII} Leme mi lolō solō moape malo leláayela. ^{XIX} Midza pintii lókōa míana kate.

Yesu Le Loko a Ki Baabubuli Yerusalem Omato a.

XX “Nte mimó kī sodzafó dza bisinya Yerusalem ni, minyi kī omato a kawola wo oto. **XXI** Ne loko a na kame ni, bati a kī bideĩ ne Yudea bilo benaa toto akū. Bikĩ bideĩ ne Yerusalem omato a kame bilo bene, ade bikĩ beláa omato a kame betabuki bimuniki beya ne ye kame. **XXII** Kitonekĩ loko a na aanya Soto Kavele fuwi fokpa bati, ayekĩ Katsese Kpalewa foletsá a aaya ne foe kame. **XXIII** Fóna osĩ paa fokpa bamatsó mo babima a kī babi ameme be a. Lubokamo baũ aaya ne tite kĩ akū, ade Baguma soto kavele aaya ne bati kĩ akū a. **XXIV** Bati badi aato ne lepame onukpẽ, ade baapili badi ndom benamena tite bebã akū a. Ade bikĩ benyẽ Yudafó aade bidzi ne Yerusalem bati akū kenaawo loko a kī Baguma yi ekpa be a wũna.

Otidziwa Obi a Aabuki Eya.

XXV “Awãwã fotsa aane ne odetó kame fokatsa nsentseleni ne suwa, odeto mo fusibii ane. Katinya kame temaĩ akū aayela be, libe liwo be ne mpo kayili mo kavũ basabasa sũ. **XXVI** Libe aafõ ane lisinya bati ne loko a kī baakadã ane kakpa letsá a kī de aaya ne katinya kame flee akū a, kitonekĩ odetó kame kobẽ fotsa lelábuki fodza ne foe kadzakõ. **XXVII** Ke liti a Otidziwa Obi a aane eta, eya ne luflututu kame mo kobẽ kpale mo ohaĩ. **XXVIII** Nte fukĩ bame flee do kaya awe ni, midzela folo midã ode kitonekĩ mi kate loko wo oto.”

Mikole Fotsa Ne Ato Kutse Akũ.

XXIX Ade Yesu boá be legbã kī, “Midã ato kutse mo futse bebã a. **XXX** Nte mimó kī konye toota

voẽ ni, minyina kĩ kanode loko wo oto. **XXXI** Ade ayea nte mimó fotsa kĩ bame kĩ folamena kaya ni, míanyi kĩ Baguma legākanya a fuā.

XXXII “Mabi mi pipiipi kĩ bati a kĩ bidzi finyaa leláaku biwoli fomó fotsa kĩ flee aaya ne foe kame. **XXXIII** Tite mó ode flee onukpẽ aatẽ lemẽ yĩ foletsa a kō aana daa.

Kene Kĩ Miana Ne Kukũmane Kame.

XXXIV “Midã akũ kadã wĩ. Mitakoa mi akũ mikpa kanya mó kamoa potoo, mó katinya kame ohau. Nte nné aye ni, Luwi a aayafuta mi, **XXXV** nde ayekĩ oyae ato kpeĩ, kitonekĩ Luwi a aaketimo odi nye odi kĩ edzi nkpã. **XXXVI** Foesũ mina ne kukũmane kame, mikaaboa mpae luwi nye luwi ayekĩ míana kobẽ mitsã yedede ne fotsa a kĩ fóaya a flee kame, lokoa miyaadza ne Otidziwa Obi a ane kame.”

XXXVII Yesu kanaatsa bati fotsa luwi nye luwi ne Yudafó Asoli Kola a kame, ade nte olobe wo oto lokoa yadzakũ kanaa Kugua Futse Oto a akũ kawa ne awã. **XXXVIII** Onone nye onone ni, bati kodabu atsena ne Asoli Kola a kame katse ye fotsa katsa.

XXII

Basofonokoẽ Tsa Folo Kĩ Bakó Yesu.

I Yudafó Abodoo Kĩ Etáyila Luwi a kĩ bave Wuda Katẽ Luwi a kanya wo oto. **II** Yudafó basofonokoẽ mó mbla batsane a kavila bati a, foesũ bekaboa mbodi kawẽ osi kĩ baatsã bena Yesu beko ne kabelá kame.

Yuda Tunó Kĩ Yaanye Yesu Ekpa.

III Ade Abonsam wo ne Yuda kī bave Iskariot, kī enye fotsa bakolene ewua-nviã a kame omoa kame a. IV Foesũ Yuda naa Yudafɔ basofonokɔẽ mɔ Yudafɔ mɔ banokɔẽ a kī badãmena Asoli Kɔla akũ a sekẽ, ade bipi adzuni ne osi wĩ a kī ye akũ yaatsã enye Yesu ekpa a. V Kawɔle de be ade bike otse kī baakpa ye sika. VI Yuda tuno ne foe akũ, foesũ ekawe lokɔ wĩ kī yaanye Yesu ekpa ne bati kodabu a katanyi kame.

Yesu Mane Akũ Ekpa Wuda Katẽ Luwi Funitsã a Kanya.

VII Luwi a kī bakɔ Wuda Katẽ kavelibi ne Abodoo Kĩ Etáyila Luwi Kanya kame a wo otɔ. VIII Ade ke Yesu do Petro mɔ Yohanes kī, “Minaa lokɔa minaanane Wuda Katẽ funitsã a miyi mikpa boe kanya.”

IX Ne awã a bivia ye kī, “Ne ndia awe kī bonaamane foe buyi?”

X Yesu kpa mbuaye kī, “Nte miawo ne Yerusalem omato a kame ni, onyole odi kī enone kugumi mɔ mui aatselamo mi. Mitomo ye miwo ne toto a kī te kame yaawo a. XI Mibi toto ɔlate a kī, ‘Fotsa ɔtsane bo buvia no kī, “Nde kɔla kī koe kame bomo yĩ fotsa bakolene a bɔanya Wuda Katẽ funitsã a?” ’ XII Yaatsa mi kɔla kpale kudi ne abansulu ode kī bike opunu mɔ fukpo ne koe kame. Mifɔ bemanane letsa nye letsa biyi ne awã.”

XIII Bipi osi ade benamo letsa nye letsa pɛpɛpɛ nde ayekĩ Yesu bi be a, ade betɔ Wuda Katẽ funitsã a ne awã a.

Benya Boe ɔlate Funitsã a.

XIV Yesu mo ye foto banyane a nadzi ne opunu akũ kĩ banya. **XV** Ade ebi be kĩ, “Fonye yĩ kawε kɔkɔε kĩ bomo mi bonya Wuda Katẽ Funitsã kĩ fomo maamo lubo. **XVI** Mabi mi kĩ nláabuki ĩnya funitsã kĩ kenaawo loko a kĩ foe kayokanu flee a ya ne Baguma legākanya a kame.”

XVII Ke liti a, Yesu boε kooɔu, enye Baguma kole ade ele kĩ, “Mite fukĩ misẽ mikpa akũ. **XVIII** Mabi mi kĩ kito finyaa kanaa ni, nláabuki mmoa waĩ kenaawo kĩ Baguma legākanyakõ a ya.”

XIX Ade ebœ abodoo, enye Baguma kole, ebulibuli ye ekpa be ele kĩ, “Ade yĩ sukena kĩ bekɔa bakpa ne mi lolɔ a. Mikena fukĩ mikoa mikai yĩ.”

XX Ade ayea kĩ benya biyua a, ebœ kooɔu mo waĩ ele kĩ, “Kooɔu kĩ nye Baguma nhihie voẽ kĩ esipi ne foe akũ mo yĩ baboane a kĩ maako ne tite ne mi lolɔ. **XXI** Lemε midã, oti a kĩ yaanye yĩ ekpa a, bomo ye budzi ne kanyakõ ne awĩ. **XXII** Otidziwa Obi a kõ, aaku nde ayekĩ Baguma hihie eyi a. Lemε bobœ bakpa owula a kĩ yaanye ye ekpa a.” **XXIII** Ne awã a biyi akũ kavia kayo kĩ be kame owei aakena fukĩ odu.

Owei Bẽ Flee Ne Foto Banyane a Kame?

XXIV Fɔletsã kavele fudi yawo ne fotsã bakolene a kame kĩ be kame owei baabu kĩ ebẽ flee. **XXV** Ade ke Yesu bi be kĩ, “Bati a kĩ benyé Yudafɔ a, be fɔgã deĩ otumi mo osĩ ne be akũ, ade fɔgã kĩ te be akũ buĩ kĩ, Bati Bakɔba. **XXVI** Lemε fotana lomo ne mi kame. Mbom oti a kĩ ebẽ flee ne mi kame ni, ekena ye akũ nde obisẽ kolaa. Ade kene kĩ loto onyane ne mi kame ena nde osumune

ayea. ^{XXVII} Owei bē ɔkoba, ekī edzi yanya mboεε ekī yasum ye a? Fowaa yededeede kī ekī edzi yanya a bē. Leme ndeī ne mi kame nde osumune aye. ^{XXVIII} Mina ne yī akū ne yī sohue flee kame. ^{XXIX} Nde ayekī Nda kpa yī kobē kī ĩnya bati akū a, ade ayea maakpa mi kobē a na odu a. ^{XXX} Míanya mimɔa mɔ yī ne opunu akū ne yī legākanyakō a kame, ade miadzi ne fogākpo akū minya Israel futete ewua-nviā a akū a.”

Yesu Le Eyi Kī Petro Aasī Ye.

^{XXXI} Yesu ve Simon Petro ele kī, “Simon, Simon! Tse katse wī! Bekpa Abonsam osi kī esɔ mi edā lɔkɔa esa bati wī a ne bakpa kame, nde ayekī okuani awe afafa kanye ne kamone kame a. ^{XXXII} Leme Simon, mboεa mpaε nkpa nɔ kī nɔ katekado ketadī. Ade nte oyamuniki oya ne yī sekē ni, do awaē ame kobē.”

^{XXXIII} Awā naa Petro kpa mbuaye kī, “Boe ɔlate, mmane akū nkpa kī bɔmɔ nɔ aawa kɔla ĩye kī bɔmɔ nɔ aaku!”

^{XXXIV} Ade Yesu bi ye kī, “Petro, mabi nɔ kī fɔmɔ ɔkɔkɔ aanye onukpē nviā lenye kī ni, aale titi elale kī onyina yī.”

Sika Kuvū Mɔ Kuvū Kī Babela Mɔ Lepame Gelele.

^{XXXV} Yesu via ye fɔtsa bakolene a kī, “Lɔkɔ a kī ndo mi fɔtɔ kī ntáfɔ mibɔε sika kuvū, ĩye kuvū kī babelā ĩye mpabua a ni, litsedi nasī mi?”

Bekpa mbuaye kī, “Letsama tásī boe.”

^{XXXVI} Ade Yesu bi be kī, “Finyaakī kō ni, odi nye odi kī edeī sika kuvū ĩye osi akū kanaa kuvū ni, εbɔε ele, ade oti kī elá lepame gelele ni,

kene kī eno ye atadie wulaa lokoɔ eya lomɔa. XXXVII Mabi mi kī Katsɛɛ Kpalɛwa a kame foletsɛ a kī foɛ kī, ‘Bibu ye bido ne tokpa bakenane kame,’ a kene kī foɔya ne yī akū. Kitonekī fotsa a kī betseɛ ne yī akū a lamena kaya ne foe kame pɛpɛɛɛ.”

XXXVIII Fotsa bakolene a bi ye kī, “Boe Olate, amo, fopame gɛɛɛɛ nviã ne awĩ!”

Ade Yesu bi be kī, “Foɛ!”

Yesu Bɔa Mpaɛ Ne Kugua Futse Oto Akū.

XXXIX Yesu dzakū ene ne omato a kame enaa Kugua Futse Oto akū nde ayekī yawɛ kakena a, ade ye fotsa bakolene lɛmɛ to mo ye a. XL Kī ewo awã a, ebi be kī, “Mibɔa mpaɛ ayekī sohuiɛ lɛláanya ne mi akū.” XLI Eɛɛɛ akū ne be sekɛ enaa loto sukuloo, ade enake aduli ebɔa mpaɛ a. XLII Eɛ kī, “Nda, nte fonye no kawɛ ni, tinya lubo kamɔ kɔɔpu kīi ne yī akū. Lɛmɛ takena ne yī kawɛ akū, mbom kɛna ne no kawɛ akū.” XLIII Ne awã naa, ode foto onyane odi to ode enye ye akū etsa ye, edo ye kɔbɛ. XLIV Ena ne ayoloho mo kɔneyɔɔɛ kame, ebɔa mpaɛ mo osĩ mo osĩ ebu ade ye olulu na nde babɔane foɔɔ, kako ne tite a.

XLV Kī Yesu yidza ne mpaɛbo kame a, emuniki enaa ye fotsa bakolene a sekɛ, enamɔ be kī bewaa tida ne ayoloho a kī epi be a sũ. XLVI Ebi be kī, “Nde sũ miawa tida? Miyidza mibɔa mpaɛ ayekī miláawo ne sohuiɛ kame.”

Yesu Kapi.

XLVII Loko a kī Yesu lamena kodzɛla kale a, bati kodabu kudi de kɔne. Yuda kī enye foto banyane ewua-nviã a kame omɔa nyaa be loto. Efuã Yesu,

etu eboomu ye. ^{XLVIII} Leme Yesu bi ye kī, “Yuda, ɔkɔa onukpɛ kadmeme anye Otidziwa Obi a ɔkpa bati?”

^{XLIX} Kī fɔtsa bakolene a kī bena ne ye akū a mó letsa a kī laya ne Yesu akū a, bivia ye kī, “Boe ɔlate, bokena boe fɔpame geleele a akū adzuma?” ^L Letaletā be kame ɔmɔa tsua ɔsɔfɔnɔkɔɛ Flee a osumune sɔmɔna sɔto emuni.

^{LI} Leme Yesu le kī, “Oowo! Fukpula ne awā!” Ade ke eta awā kī bitsua sɔto a etsa ye a.

^{LII} Ke liti a, Yesu bi basɔfɔnɔkɔɛ mɔ banɔkɔɛ a kī badāmena Asoli Kɔla akū a mɔ ɔmaī banɔkɔɛ a kī beyaapi ye a kī, “Nde sū minε futsekpa mɔ fɔpame miyaapi yī nde tokpa ɔkenane aye?”

^{LIII} Nna ne mi kame ne Yudafo Asoli Kɔla a kame luwi nye luwi, ade ke mitádo ɔwɔle mipi yī a. Leme mi lɔkɔ liwo ɔto kī mikena mi adzuma a, ne lɔkɔ kī Abonsam ɔtū kɔbɛ a anya akū finyaa.”

Petro Sī Yesu.

^{LIV} Foesū bipi Yesu ade bekpā ye benamena Yudafo ɔsɔfɔnɔkɔɛ Flee a awā a. Petro leme tomɔ be ena ne liti flee. ^{LV} Bekpota fi ne toto a lowabe ade Petro leme nadzi ne bati a kame a.

^{LVI} Kī bikī banya abawa kame adi yamɔ Petro kī edzi yawa fi a, eke anε ne ye akū ade ele kī, “Obi kīi malo tomɔ Yesu.”

^{LVII} Leme Petro sī ade ele kī, “Otsole dā, ĩnyina ye kolaa!”

^{LVIII} Owi tábuna mɔ onyole odi mó Petro eyi ɔsū a ade ele kī, “Nɔ malo ɔnye be kame ɔmɔa!”

Leme Petro kpa mbuaye kī, “Onyole dā, nné yī manε!”

LIX Nde ndoũhuile moa liti a, onyole bebã yale pipiipi kĩ, “Atsindze kate lelãa ne foe kame kĩ oti kũ tomõ Yesu, kitonekĩ enye Galileani!”

LX Lemε Petro kpa mbuaye kĩ “Onyole dã, ãnyĩna letsa a kĩ de olamena kale!” Mo Petro onukpẽ kato pe, okoko nye onukpẽ. LXI Boe Olate dani edã Petro, ade Petro te anε kĩ boe Olate bi ye kĩ, “Fomo okoko aanye onukpẽ lenye kũ ni, aale titi elale kĩ onyĩna yĩ.” LXII Ade ke Petro ne enaa kanya enabe blobbloblo a.

Bidi Yesu Nsekuo.

LXIII Bati a kĩ bedãmena Yesu akũ a di ye nsekuo bibo ye lemε. LXIV Bisui ye anε ade bivia ye kĩ, “Bi boe owula a kĩ ebõa nõ.” LXV Ade bibi ye fuvũnatsa pii lemε a.

Yesu Dza Ne Omaĩ Banokoẽ Fõletsã Badzene Anε.

LXVI Kĩ kade nyina a, omaĩ banokoẽ, basofonokoẽ mo mbla batsane a yakpota ade bekpã Yesu beyadzela ne be anε kame a. LXVII Ne awã a, bivia Yesu kĩ, “Bi boe nte nõ nye Kristo a.”

Ade Yesu kpa mbuaye kĩ, “Nte nle kadi malo milãate yĩ mido. LXVIII Ade nte nvia mi kadi malo ni, milãakpa mbuaye. LXIX Lemε kito nviã kũ kanaa ni, baadzina Otidziwa Obi a ne Baguma Kpale Ne Ode a somõna.”

LXX Ade ke be a flee bivia ye kĩ, “Foesũ Baguma obi anε?”

Yesu kpa be mbuaye kĩ, “Mi lamena kale kĩ ye manε.”

LXXI Ade bele kĩ, “Botãsi adansifo badima. Boe moawe a bunu letsa a kĩ ele a.”

XXIII

Pilato Dzemo Yesu.

^I Ade bati kodabu a flee yidza bekpã Yesu benamena Pilato sekẽ a. ^{II} Ade bido ye onukpẽ katsua awe kale kī, “Bupi obi kī kī elamo boe kade bati adzuni kadani. Yabi be kī betate ogole bekpã Romafɔ Legãnokɔẽ. Eboe ye akũ kī ye nye Kristo, legã a.”

^{III} Pilato via ye kī, “Nɔ nye Yudafɔ Legã a?”

Yesu kpa mbuaye kī, “Oo, fola nde aye kī ɔle a.”

^{IV} Ade Pilato bi Yudafɔ basɔfɔnokɔẽ mɔ bati kodabu a kī, “Ntámɔ letsama ne ye akũ kī madza ne foe akũ nkɔ oti kī kɔto.”

^V Leme bedzemenã kale kabuli kī, “Enee ye fɔtsa katsa yado ɔtutũ ne bati kame ne Yudea tite flee akũ. Eyi fukī kayɔ ne Galilea ade finyaa ekɔa foe eyamena ne awĩ leme a.”

Herodes Dzemo Yesu.

^{VI} Kī Pilato nu fukī a, evia be kī, “Galileani yane?” ^{VII} Foesũ kī enyi kī Yesu to Galilea ne awã kī Legã Herodes anya akũ a, ekɔa ye ema Herodes, kī ena ne Yerusalem ne loko a na kame.

^{VIII} Kawole de Herodes paa kī emɔ Yesu, kitionekī enu ye nkã ade ekawe kī yamo ye ane kɔkɔkɔe a. Ekadã ane kī Yesu aakena awãwã fɔtsa fudi etsa ye. ^{IX} Foesũ Herodes via Yesu foletsã pii leme Yesu tábinya onukpẽ. ^X Awã naa Yudafɔ basɔfɔnokɔẽ mɔ mbla batsane a ne beyadza ne lotɔ bitsua foletsã mɔ ɔsĩ mɔ ɔsĩ bite ne Yesu akũ. ^{XI} Legã Herodes mɔ ye sodzafɔ a di Yesu nsekuo bisupa ye. Bido ye atadiẽ wulaa mɔ kale nde legã aye, bimuniki mɔ ye bema Pilato.

XII Luwi a na, Herodes mo Pilato dani bekena bakoba, kufe kokoe a bakesi aku.

Pilato Ko Yesu Koto Ekpa Wuda.

XIII Pilato ve Yudafu basofonokoẽ, omai banokoẽ mo bati a ekpota. XIV Ade ebi be ki, "Mikpa oti ki mima yi ade mile ki elamo bati adzuni kadani a. Finyaa ne mi ane kame ne awi a, nvia ye onukpe kame tuwuli, ade foletsa a ki miboe ne ye aku a, ntamo tokpa tidima ne foe kame ki mako ye koto. XV Lega Herodes leme tamo tokpa tidima ne ye aku foesu emunikimo ye ema boe. Oti ki takena tokpa tidima ki efeta ekpa wuda. XVI Foesu maafõ bibo ye nfone ye awe edzakũ enaa." XVII Ne Wuda Kate Luwi kanya kame ni, kene ki Pilato efone bati a ki bewaa kola a kame omoa awe ekpa be.

XVIII Bati kodabu a flee boa fowola koba ki, "Ko ye! Fone Baraba awe kakpa boe!" XIX Bido Baraba ne kola ki edo otutu ne omo kpare kame, eko bati leme.

XX Pilato we ki yafone Yesu awe foesu ebuki enye foletsa kame etsa bati kodabu a. XXI Leme bebba fowola biko ne ye aku ki, "Boa ye ne asendua aku! Boa ye ne asendua aku!"

XXII Pilato buki ebi be lelalede ki, "Mo litsa tokpa oti ki kena? Ntamo letsa ki ekena ki yana foe aku wuda! Maafõ bibo ye loko nfone ye awe."

XXIII Leme bati a dzemena fowola kabba koba ki bebba Yesu ne asendua aku. Ne foe kawuna kame a, bati a fowola kabba nya Pilato aku. XXIV Foesu Pilato ko Yesu koto nde ayeki bati a we a. XXV Ade efone oti a ki bawe a awe ekpa be

a, oti kī bido ne kōla ne otutū mō bati kakō sū, ade ekōa Yesu edo ne be awe kī bekēna ye nde ayekī bewē a.

Sodzafō Bōa Yesu Ne Otse Akū.

XXVI Sodzafō a kpā Yesu benamēna. Ade kī banaa ne osi a, betselamēna Kireneni onyole odi kī bave Simon, kī eto akula adi kamē yanna Yerusalem. Bipi ye behe ye kī elō asendua a etomō Yesu ne liti. **XXVII** Bati kōdabu baū a tomō Yesu ne liti, ade batsole ne be kamē kabe kakpa ye a. **XXVIII** Yesu dani etselamō be ebi be kī, “Yerusalem batsole, mitabe mikpa yī mbom mibe mikpa mi babi mō mi akū. **XXIX** Kitonekī lōkō aaya kī bati aale kī, ‘Be a kī benye baduko, be a kī betátsāmō kōma bema tō, mō be a kī betámeme be teme tō a na lolō wī!’ **XXX** Ade lōkō a na mō bati aabi tōtō kī, ‘Midzuli miko ne boe akū!’ Ade baabi kōtōbii kī, ‘Mikōla boe!’ **XXXI** Kitonekī nte bekēna fukī ne kutse gō akū ni, nde fōána fōkpa kutse wōlewa?”

XXXII Bekpā banyole bebā nviā kī benye tokpa bakenane bibumō Yesu kī bēnaakō be. **XXXIII** Kī biwo awā kī bave kī Oti Lolō Fōtsō a, bebōa Yesu ne asendua akū. Bebōa banyole nviā a lemē ne asendua akū, omōa ne ye sōmōna, oyade a ne ye sebā. **XXXIV** Ade Yesu le kī, “Nda, kōa kate be, kitonekī binyína letsa a kī belamēna kakēna.” Ke liti a sodzafō a wole ade besē Yesu tetadie bekpa be akū a.

XXXV Bati a flee dza ne awā bekadā foe. Ade Yudafō banōkōē a di Yesu nsekūo bele kī, “Ete bati bebā nkpā foesū nte ye nye Kristo a kī Baguma pau a ni, enye ye akū!”

XXXVI Ade ayea sodzafɔ a lemɛ di Yesu nsekuo a. Bifuã ye bekɔa waĩ mɔ ɔnye mɔ ɔnye bekpa ye kĩ emɔa. XXXVII Ade bibi ye kĩ, “Nte nɔ nye Yudafɔ legã a ni, te nɔ akũ!”

XXXVIII Betselɛ fɔletsã kĩĩ nɛ ye lolɔ nyangɛ kĩ, “Ade Yudafɔ Legã nɛ awĩ a.” XXXIX Tokpa bakenanɛ a kĩ bebɔa nɛ asendua akũ a kame ɔmɔa vũna Yesu kĩ, “Nné nɔ nye Kristo a? Te nɔ akũ katɛ boe malo!”

XL Lemɛ ɔyade a wũni nɛ ye akũ kĩ, “Aávila Baguma mbɔɛɛ? Ɔte sɔto kavɛlɛ mɔapɛ a kĩ ɛtɛ a. XLI Lemɛ boe sɔto kavɛlɛ a fetã boe, kitonekĩ letsã a kĩ bɔkena a, ade de sɔto kavɛlɛ bɔtɛ a. Lemɛ etákɛna tokpa tidima.”

XLII Ade ebi Yesu kĩ, “Yesu, te anɛ nɛ yĩ akũ nte owo nɔ legãkanyakɔ a kame.”

XLIII Awã naa Yesu bi ye kĩ, “Mabi nɔ nɛ ɔnokɔali kame kĩ nviã kĩĩ aana nɛ yĩ sekẽ nɛ Paradiso kame.”

Bekɔ Yesu.

XLIV Kĩ kite sukuloo suwa todɔũ ewua-nviã abɔa a, suwa fũ kata, ade ɔtũ ke nɛ katinya flee kame kenawo todɔũ elalɛ kame a. XLV Ade lima a kĩ levannɛ nɛ Asɔli Kɔla kame a bẽ nɛ kayite a. XLVI Yesu bɔa fɔwɔla kɔɔba kĩ, “Nda, nkɔa yĩ kawɛya ndo nɛ nɔ awɛ.” Kĩ ɛlɛ fukĩ a, eku.

XLVII Sodzafɔ ɔnokɔẽ a mó letsã a kĩ leya, ade emu Baguma ɛlɛ kĩ, “Fɔnye ɔnokɔali kĩ oti wĩ yanɛ.” XLVIII Kĩ bati a kĩ bekpɔta nɛ awã bekadã foe flee a mó letsã a kĩ leya a, bedzakũ benaa kɔla mɔ ayɔlɔhɔ mɔ akpɔ kako nɛ lolɔ mɔ ɔwɔlɛ. XLIX Bati a kĩ binyina Yesu kanyina wĩ a, mɔ

batsole a kī bitomɔ ye bito Galilea a, dza mɔ lugo bekadã fɔtsa kīi.

Yosef Kī Eto Arimatia a Bila Yesu.

^L Onyole odi kī have Yosef kī edzi ne Arimatia ɔmato a kame ne Yudea tite akū na ne awã. Enya oti wī kī ye akū deī obu, ade ekadã ane kakpa lokɔ a kī Baguma legākanyakõ a aaya. ^{LI} Tito kī ena ne Yudafɔ ɔmañ banɔkõẽ fɔletsa badzene katsena a kame malo ni, etátuno ne letsa a kī de akū bike otse, mɔ letsa a kī bekena a akū.

^{LII} Enaa Pilato ane kame ade enawã Yesu ɔnokpa a. ^{LIII} Ade ke evenya ɔnokpa a ekɔa lima ovoe esuli ye a. Ekɔa ye ewɔla ne linike kī benye ne de kame, kī betábila odima ne de kame tɔ a kame.

^{LIV} Luwi a nya Efieda ade Kaweya Luwi a lamɔ ɔto kawo a.

^{LV} Batsole a kī bitómɔ Yesu bito Galilea tomɔ Yosef benadã linike a, mɔ ayekī bekɔa Yesu ɔnokpa bewɔla ne de kame. ^{LVI} Ke liti a, bimuniki benaa kɔla benamane tutsonu mɔ fuga mɔ ɔlẽ mɔ ɔlẽ kī baakɔa betsela ɔnokpa a biyi. Ne Kaweya Luwi akū a, bidzi beweya ne be mbla a onukpẽ.

XXIV

Yesu Yidza Eto Kanɔkpa

^I Ekwansieda ɔɔne tutuutu a, batsole a naa linike a ɔwẽ, benee letsa nye letsa a kī bemane biyi a. ^{II} Awã naa bemó kī bimininya de kpale a kī bekɔa bisua linike onukpẽ a biyi ne ɔwẽ.

^{III} Foesũ biwo ne de kame lemẽ betámɔ boe ɔlate Yesu ɔnokpa a. ^{IV} Bekena saa bedzẽ bakɔna foe akū, ade letaleta bati nviã kī bena ne tetadie kī

tata muamua kame ne beta ne be akū a. ^V Libe wo be paa foesū bekena akū ne kayo bekpa be, ade banyole a bi be kī, “Nde sū miawe oti kī edzi nkpā ne banokpa kame? ^{VI} Elāa awī. Eyidza eto kanokpa! Mite ane ne letsa a kī ebi mi ne loko a kī ena ne Galilea kī, ^{VII} kene kī bekoa Otidziwa Obi a bido ne bati kpa awe, baaboa ye ne asendua akū, loko ne fuwi elale liti a, eyidza edzi nkpā.” ^{VIII} Ade batsole a te ane ne ye folets a akū a.

^{IX} Bimuniki bito linike a owē benabi foto bakolene ewua-odi a mo bati bebā folets a flee. ^X Batsole a nye Maria Magdalani, Yohana mo Maria kī enye Yakobo oma. Bemō batsole bebā a benabi foto banyane a folets a flee. ^{XI} Leme foto banyane a kona kī lets a kī bibi be a nye fokosiatsa, foesū betate be bido. ^{XII} Leme Petro ta eyidza ewula atse enaa linike a owē. Ekena akū edā de kame ade emō onokpa tilima odi a. Ekena saa emuniki enaa kola ne lets a kī leya a sū.

Yesu Nye Akū Etsa Bati Badi Ne Emaus Osi.

^{XIII} Ne luwi mape a akū a, bikī bitomo Yesu a be kame bati nviā tsē osi banaa akula adi kī bave Emaus kame. Osi a lugo aana nde fusikū evukono kito awā kenaa Yerusalem. ^{XIV} Bati a kalomena ne folets a kī foya a flee akū. ^{XV} Kī bekalomena kanye folets a kame a, Yesu yapi be ade betsā benaa a. ^{XVI} Bemó ye leme betayi osū kī ye yane.

^{XVII} Yesu via be kī, “Litsa akū milamena kalomena ne osi a?”

Befō bedza dīi mo ane kame mo konya. ^{XVIII} Ade be kame oma kī bave Kleopa via ye kī,

“Nò odi nye ɔnɔvɔẽ ne Yerusalem kɔ́ ɔtánu letsa a kɔ́ de leya ne fuwi lukũ kɔ́ kame a mbɔɛɛ?”

XIX Yesu via be kɔ́, “Litsa fɔletsa leya?”

Bekpa ye mbuaye kɔ́, “Fɔletsa a kɔ́ fɔya ne Yesu Nazaretni akũ a. Oti kɔ́ nye Baguma onukpẽ ɔnyene kɔ́ edeĩ kɔbẽ yakena awãwã fɔtsa pii, enye fɔtsa ɔtsane kpale kɔ́ Baguma mɔ bati flee akpa ye obu. **XX** Leme Yudafo basɔfɔnɔkɔẽ mɔ ɔmaĩ banɔkɔẽ pi ye beko a ye bido ne Roma abãã awe, kɔ́ beko ye koto bekpa wuda, bebɔa ye ne asendua akũ. **XXI** Bona kɔnɛte ne ye akũ kɔ́ ye aanya oti a kɔ́ yaanye Israel. Ade nviã nye fuwi elale kɔ́ fukɔ́ flee ya ne foe kame a. **XXII** Boe katsu a kɔ́ kitomɔ ye a kame batsole badi fɔ́ akũ nyene boe, kitonekɔ́ ɔnɔne tutuutu kɔ́ benaa ye linike ɔwẽ, **XXIII** leme betámɔ ɔnɔkpa a. Bimuniki beyabi boe kɔ́ Baguma ode fɔto banyane nye be akũ betsa be, bibi be kɔ́ Yesu dzi nkpã. **XXIV** Boe katsu a kame banyole badi naa linike a ɔwẽ benamɔ foe pɛpɛpɛ nde ayekɔ́ batsole a le a, leme betámɔ Yesu.”

XXV Ade Yesu bi be kɔ́, “Mitene kadzimbi! Mi adzuni lelá sɔwa kɔ́ miate Baguma onukpẽ banyene a fɔletsa a flee mido! **XXVI** Mitányi tɔ́ kɔ́ kene kɔ́ Kristo a emɔ lubo kɔ́ bame flee fɔmɔ yaaawo ne ye legãkanya kukũkpale a kame?” **XXVII** Ade ke Yesu kpale fɔletsa kame etsa be ne letsa a kɔ́ Katsɛle Kpalewa a tɛle ne ye akũ, kito Mose tuvoli akũ keyake ne Baguma onukpẽ banyene flee katsɛle a akũ a.

XXVIII Kɔ́ bifuã akula a kɔ́ ye kame banaa biyua a, Yesu kena nde yatẽ enaa loto. **XXIX** Leme biwũnya

ye ade bibi ye kī, “Dzi ne boe sekē. Kade do kiyua ade otū do kake awe a.” Foesū enase ne be sekē.

XXX Kī bemō be bidzi kī banya a, ebōe abodoo enye Baguma kōle, esē ekpa be. **XXXI** Ne awā naa, be ane binya ade bemó ye biyi osū a, leme eyela ne be ane kame. **XXXII** Ade ke bibi be akū kī, “Fotákēna nde fi fudi lekatē ne boe tōwōle kame, kī ekanye Katsēle Kpalewa fōletsā a kame katsa boe ne osi a?”

XXXIII Ade biyidza bimuniki moatse benaa Yerusalem, benamō foto banyane ewua-odi a mo bati bebā a kī bekpota a. **XXXIV** Benabi be kī, “Nuwī boe Olate yidza eto kanokpa ade enye ye akū etsa Simon a.” **XXXV** Bati nviā a bi be letsa a kī leya ne osi akū a, mo ayekī bemó boe Olate a biyi osū ne lokō a kī eyele abodoo ekpa be a.

Yesu Nye Ye Akū Etsa Ye Fōtsa Bakolene a.

XXXVI Kī bati nviā kī kabi be fōletsā kī a, deedimōape Yesu moawe ne edza ne be kayite, ade ebi be kī, “Lukudo litomō mi.”

XXXVII Libe wo be paa ade bekakona kī onokpa bemō. **XXXVIII** Leme Yesu bi be kī, “Nde sū mibōa obili lomō? Nde sū miate atsindze ne mi kame? **XXXIX** Midā yī awe mo yī fōneta. Mita yī midā mimō kī nné onokpa mane, kitonekī hūhū lelá sukēna mo fōtsō nde ayekī miamō kī ndeī a.”

XL Kī ele foe a, ekōa ye awe mo fōneta etsa be. **XLI** Kawōle de be paa, leme fokēna be wāwā, foesū biti betáte bido. Ade ke Yesu via be kī, “Mideī funitsā fudi ne awī?” **XLII** Bekpa ye kafōabi tōlewa kadi, **XLIII** ete ke eba ne be ane kame.

XLIV Ke liti a ebi be kī, “Ade fōletsā kī bame mbi mi ne lokō a kī nna ne mi kame a. Kene

kĩ letsa nye letsa a kĩ betsele biyi ne Mose mbla, Baguma onukpẽ banyene tuvoli mo Tono Ovoli a kame foya ne foe kame lomo.”

^{XLV} Ebinya be adzuni ayekĩ baanu Katsela Kpalewa a kame folets a kayo. ^{XLVI} Ebi be kĩ, “Betsele biyi kĩ Kristo a aamo lubo, loko eyidza eto kanokpa ne luwi lelalede a akũ. ^{XLVII} Ne ye di akũ ni, bikĩ bitomo ye a aade letsã ne owole kame kadani mo tokpa kakakate akũ bekpa katinya kame bati flee. Baayi letsã kĩĩ kade kayo bitomena Yerusalem. ^{XLVIII} Mi nye fukĩĩ bame flee adansifo. ^{XLIX} Yi moawe a maakoa Hũhũ Kpalewa mma mi nde ayekĩ Nda le eyi a. Lemne midzi ne Yerusalem ne awi kenaawo loko a kĩ kobẽ a aato ode koyate mi kame.”

Baguma Bɔe Yesu Enamena Ode.

^L Ade ekpã be bene ne Yerusalem omato a kame benaa Betania, awã kĩ edzela awe ne ode ehila be a. ^{LI} Kĩ ekahila be a, edzakũ efone be ade bebɔe ye benamena ode a. ^{LII} Ade ke bisum ye bimuniki benaa Yerusalem ne kawole kpale kame a. ^{LIII} Bidzi ne Asoli Kola a kame daa, bekamu Baguma.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

68df0193-2981-5275-8994-8f743fe01e5e